

## LÊKOLÎN

Li ser Êzdiyatîyê

Weşanên



Instîtûta Kurdî  
ji bo Lêkolîn û Zanist

Lêkolîn

Kovara Înstîtûta Kurdî ji bo lêkolîn û zanist-Hejmar 19-Bihar 2015

**Edîtor**  
Fevzi Özmen

**Redaksiyon**  
Ahmet Aktaş  
Aysel Avesta Aydın  
Omer Alî  
Mîrhem Yîgît

**Mîzanpaj**  
Fevzi Özmen

Körnerstr. 94, 58095 Hagen

Tel.: 00 49.23 31 97 18 913

[institutakurdî@yahoo.de](mailto:institutakurdî@yahoo.de)

[www.enstituyakurdi.com](http://www.enstituyakurdi.com)

Tekiliya Bank: Sparkase Hagen  
ISBN: DE50 4505 0001 0100 1848 04  
SWIFT-BIC: WELADE3HXXX

Înstîtûta Kurdî

ISBN: 3-930943- 67-0

**Naverok**

1	<i>Pêşgotin</i>		5
2	<i>Gotar</i>	<i>Ahmet AKTAŞ</i>	7
3	<i>Gotar</i>	<i>Îlhan KIZILHAN</i>	11
4	<i>Gotar</i>	<i>Alî Huseîn KERÎM</i>	19
5	<i>Gotar</i>	<i>Fevzi ÖZMEN</i>	78
6	<i>Gotar</i>	<i>Mecîd HESO</i>	89
7	<i>Gotar</i>	<i>Loqman BARIŞ</i>	103
8	<i>Gotar</i>	<i>Omer ALI</i>	108
9	<i>Dokumanter</i>	<i>Ronahi Tv</i>	112
10	<i>Gotar</i>	<i>Mîrhem YÎGÎT</i>	121

هه‌وێ نامه‌ی کتێب

## Pêşgotin

Merheba xwînerên hêja!

Em bi hejmareke nû û mijareke nû dîsa bi hev re ne. Wek tê zanîn, Kovara Lêkolîn ji hejmara xwe ya 12'an û vir ve dest bi rêze hejmarên xwe kiribûn. Di her hejmareke taybet de me cih dabû navdareke/î Kurd a/ê ku mohra xwe li çand, wêje, huner û dîroka Kurd û Kurdistanê xistibû. Her wiha me dîsa cih dabû mijarên sereke yên wek perwerdeya kurdî, çapemeniya kurdî, roman kurdî û yd. Di vê hejmara xwe ya Lêkolîn 19'an de jî em cih didin mijareke gelek girîng û aktuel, ango em ê di vê hejmara xwe de li ser rewşa Êzdî û Êzdiyatîyê rawestin.

Di vê hejmarê de hûn ê bi heşt lêkolînên curbecur û lêkolînerên hêja yên ku her yekê wan li ser mijareke Êzdî û Êzdiyatîyê rawestiyane û gotarên têr û tijî ji bo we xwînerên heja amade kirine, re bin û hûn ê gelê me yê Êzdî û baweriya wan a koka xwe ji bawerî, felsefe û rewîştta kevnare û kevneşopiya Mezopotamyayê ya ku beriya bi hezar salan ji aliyê bav û kalên Kurdan ve hatibû afirandin, ji nêzîk ve hîn bibin û nas bikin.

Gotara yekem bi navê "**Fermanên Qirkirinê, ji bo Çi bi Taybetî li ser Êzîdîyan Pêk Tê?**" ji aliyê **Ahmet Aktaş** ve hatiye amadekirin. Nivîskar Ahmet Aktaş li ser rewş û sedemên 74 fermanên li ser Êzîdîyan pêk hatine, rawestiyaye.

Gotara **Prof. Dr. İlhan Kızıllan** ya bi navê "**Ola Êzdiyatîyê**" li ser reh, riçal û dîroka Ola Êzdiyatîyê rawestiyaye, cihêti û nêzîktiyên Ola Êzdiyatîyê û olên din dane ber hev û nirxandiye.

Nivîskar û lêkolîner **Alî Husein Kerim** di gotara xwe ya bi navê "**Etimolojiya Nav û Navlêkên Êzdiyatîyê**" girtiye dest û reh û riçalên wan hetanî jêderka berî bi hezarsalan, bi ked û xabeteke mezin şopandiye û bi mînak û analîzên berfireh û kûr dahûrandiye û pêşkêşî we xwînerên hêja dike.

**Fevzi Özmên** jî di gotara xwe ya bi navê "**Êzdiyatî û Zimanê Kurdî**" de li ser Têkiliya Ola Êzîdîyan û Zimanê Kurdî rawestiyaye, nemaze li ser dîroz, sirûd, perestiş, û qewlên Êzîdîyan têkiliya wan a bi zimanê

kurdî re û li ser saziyên Êzdiyan yên ku ji zimanê Kurdî re xizmet kirine, rawestiyaye.

**Mecîd Heso** di gotara xwe ya bi navê "**Tiwafên Êzdiyan, Dîrok Rewîşt û Tîtal**" de li ser rêûresm, awa, cih, demên tiwafan rawestiyaye û bi mînak û tabloyên curbecur bi awayekî dewlemend ew vegotîne û şîrove kirine.

Gotara **Loqman Bariş** ya bi navê "**Di Şerê bi Riya Ragihandinê de Rola Medya Êzdiyan**" girtiye dest û nirxandiyê. Bariş bi çend mînakên balkêş yên ku ji medya cihanê girtiye û bi medya Êzdiyan re daye ber hev û nirxandiyê. Erênî û nerênîyên medya Êzdiyan yê di Qonaxa îro de li ber çavan raxistiye.

**Omer Ali** di gotara xwe ya bi navê "**Cih û Warên Kurdên Êzdî**" de pirsar cih û warên Êzdiyan dike û me li başûr, Bakur, Rojavayê Kurdistanê û li diasporayê digêrîne, Me dike hevparê rewş û kederên Kurdên Êzdî.

Dokumantera Ronahî Tv yê jî, ji karesat û tevkujiya Şengalê dest pêdikê û war bi war me bi dike hevparên êş û arazên zaro, jin, kal û pîrên Kurdên Êzdî yên Şengalê.

**Mîrhem Yigît** di gotara xwe ya bi navê "**DAÎŞtî Wek Zihniyeteke kevnar Desthilatdarîperest û Navguhêr**" de digire dest û ji beriya hezar salan û vir ve vê zihniyetê bi mînakên dewlemend û vegotîneke herikbar û şîroveyên ber fireh hetanî roja meya îro dinirxîne, tîne û her aliyê vê zihniyeta kirêt li ber çavan radixîne.

Hetanî hejmareke din bimînin di xweşiyê de.

**Înstîtûta Kurdî**  
**ji bo Lêkilîn û Zanist-li Almanya**

## Gotar

**Ahmet Aktaş**

### **FERMANÊN QIRKIRINÊ, JI BO ÇI BI TAYBETÎ LI SER ÊZDIYAN PÊK TÊ?**

Tê gotin ku bi dehan fermanên qirkirinê li ser gelê me yê ÊZDÎ pêkhatine, li goreyî gotinan vê fermana nuha ku di kesayeta ŞINGALÊ de li ser hemû gelê me yê ÊZDÎ tê meşandin jî ya 74'an e.

Ji xwe qasî ku em ji dîrokê zanin, gûmana herî xurt ew e ku olê gelê me, yê hemû Kurdan bi giştî yê despêkê ÊZDÎ ye.

Lê mixabin ji ber ku di serê vî gelî de ewqas fermanên qirkirinê yên giran derbasbûne; him bi piranî ji olê xwe jî derketine û him jî ji çand û hiner û ziman û bi giştî ji nasnama xwe ya resen jî gelek cewherê xwe wenda kirine, an jî birîndar bûne.

Li perçeyê **Bakur**, li çend bajarên biçûk, mînak li çend gundên derdora Bişêriyê, li Midyadê û li Wêranşarê mabûn. Ew jî him di bin zilma dewletê û misilmantîyê de dinaliyan û her roj derbe dixwarin. Heta salên ku Tevgêra Azadiyê derket, hinek bêhna wan hate ber wan, kê m be jî hinek bi aramî û azad karibûn nefes bistendana. Lê ev serdema jî dirêj nekişand, bi ser de faşîzma leşkerî ya 12'yê Îlonê hat, di nava salekê de, hema hema mirov dikare bêje ji sedî nod milletê me yê ÊZDÎ cih û warê xwe ji neçarî terk kirin; yê hatin girtin, yê hatin koç kirin û hwd.

Li perçeyê **Rojava** jî, eger ne weke Bakur be jî heman çarenivîs hate serê wan jî, ji xwe nufûsa wan hindik bû, hema hema mirov dikare bêje, piştî salên nodî hijmarek gelek kê m li Rojava ma, yê din li dor ji sedî nod hemû derketin Avrupayê.

Li **Rojhilat**, hema hema bi navê Êzdiyatîyê hejmarek berbiçav diyar nebû, lê bi navê olên nêzîkî Êzdiyatîyê, mînak Yaresanî, Elheq û hwd, hene. Lê evana jî di bin rejîma nijadperest û faşist de nikarin xwe bilivînin. Bêgûman bandora Tevgêra Azadiyê hinek li ser wan jî heye, kê m be jî tevlêbûnek an jî nêzîkbûneke sembolîk heye.

Em nuha werin ser perçeyê **Başûr** û fermana qirkirina 74'an.

Weke tê zanîn, li Bakur pêvajoyek nuh a **çareseriya demokratîk** dest pêkir, biçûk be jî hinek gav hatin avêtin. Lê pêngava herî mezin û bi bandor û çavê kevneperestiyê bi giştî; him ya herêmê û him jî ya cîhanê tirsand, **ŞOREŞA ROJAVA** bû.

Bêgûman di serê vê kevneperestiyê de jî rola herî mezin Dewleta AKP'ê hilda ser milê xwe.

Hema ji nişka ve Dewleta Suriyeyê dujmin îlan kir û xwest hema bi lez û bez êrîş bike û bikeve xaka Suriyeyê. Lê konjoktura cîhanê destûr nedayê. Vê carê xwest hinek kes û komikan bide ser hev; bi navê **Arteşa Azad a Suriyeyê** rejîmê bixe. Her wiha li gel vana piştgirî da rêxistina **IXWAN EL MISLIMÎN** jî.

Lê di demek kurt de, derket holê ku ji vê projeyeya buxçika çel pîne tiştêk bi ser nakeve. Hema bi lez bi rêxistinên çekdar yên weke **EL NUSRA'yê** re kete nava hevkarîyê û bi tundî evana ajotin ser Şoreşa Rojava. Lê bi rêya vana jî, ew encamên berbiçav ên ku ew dixwazin nikaribûn bi dest xista.

Bi tenê çareyek wan ma, ew jî; bi navê **DAÎŞÊ**, komek ji **EL QAÏDE** qetandin anîn, bi hemû hêza xwe û bi piştgriya kevneperestîya cîhanê hemû organîze û çekdar kirin û ajot ser **ŞOREŞA ROJAVA**.

Di çend mehên despêkê de, erê gelek derbe li Şoreşê da û gelek zerar û ziyar jî gihand gelê me yê Rojava. Lê li himberî hêzên **YPG û YPJ** nikaribûn bi serketana û derbeyên giran xwarin û li ser stratejiyeke nuh xebitîn.

### **Stratejiya DAÎŞ'ê Ya Nuh**

Di demek kurt de, plana wan a nuh derket holê û êrîş birin ser **Musilê** û bê şer ev bajar xistin destên xwe!

Hema li pey vê destkeftiyê êrîşî **Şingelê û Mexmûr** û hinek bajarokên Asurî-Suryaniyan û yên Tirkmenên Şîa û paşê hedefên xwe yên dagirkeriyê zêdetir kirin û berê xwe dan ser Kurdên Kakeyî û derdorên Kerkûk û hwd.

Êdî yek ji armanca wan a bingeîn eşkeretir bû ku ji bo karibin derbeya mezintir li **ŞOREŞA ROJAVA** bixin, divê ji alîkî ve xwe bi hêztir bikin, mînaka Musilê û pişt re derbê li reh/damara dîrokî ya gelê Kurd li navenda Kurdên ÊZDÎ, li **ŞINGALÊ** û paşê li **LALÊŞÊ** bidin.

### **Wateya Lêdana Şingalê û Mexmûr Bi Hev Re!**

Lêdana Şingalê û Mexmûr di heman demê de, gelek watedar e. Ji ber ku,



Şingal û ÊZDIYATÎ **temsîliya dîrokî** ya Gelê Kurd dike. Mexmûr jî temsîliya pergala jiyana hemdemî ya **XWESERIYA DEMOKRATÎK** dike. Lewma lêdana van a herdu wargehan bi hev re tê wateya ku naxwazin û lewma hewl didin ku **dîrok û îro** negihên hev, her wiha dixwazin derbeyê li herdu cîh û deskeftiyar bidin û paşê bizîvirin ser serê Şoreşa Rojava.

Wan xwestin, bi giştî gel û bi taybetî Tevgêra Gelê Kurd, ji dîrokê yek kokek/rehek wê maye wê jî qir bike, ji wê jî qut bike, gel bê bingeh bihêle, lê na xêr, hesabê wan berovajî zîvirî, gelê me û şoreşa me û Tevgêra me, nuha hîn xurtir li ser koka xwe bi cîh bû û bingeha wê ya cewherî nuha bi hêztir bû.

Erê DAÎŞ'ê derbeyek mezin û giran li me xist, lê belê bi ser neket. Ji ber ku hema di roja yekemîn de YPG û YPJ ê li ROJAVAYÊ û HPG jî li QENDÎLÊ, di hewara gelê xwe de çûn. Berxwedana Şingalê nuha jî dewam dike.

### **Dîsa Vegera Ser Rojava û Bi Taybetî BERXWEDANA KOBANÊ**

**DAÎŞ'ê**, bi wan çekên ku li Musilê bi dest xist, bû xwedî hêzek mezin û bi vê xurtiya xwe dîsa vegeriya ser Rojava û bi taybetî xistina KANTONA KOBANÊ ji xwe re kir armanc.

Bêgûman di van planan hemûyan da, Dewleta AKP'ê rola sereke dilîst û hîn jî dilîze. Ji xwe ew ne derxistina personelên Balyozxaneyê, gûmana raya giştî kişand ser helwest û siyaseta Tirkiyeyê.

Weke tê zanîn li gel şehadetên giran û wêrankirina bajarê Kobanê, DAÎŞ'ê şikestineke mezin xwar, bêgûman di heman demê de ev şikestina Dewleta AKP'ê û hevalbendên wê jî bû. Her wiha serkeftin û qehremaniya YPG û YPJ û bi giştî berxwedana gelê me di cîhanê de deng veda.

### **Encam**

Fermana qirkirina 74'na bi serneket, êdî dunya alemê hemû dît, an bihîst ku Gelê Kurd teslîmbûnê napejirîne, her çendîn mirin jî tê de hebe, dê berxwe bide heta ku bi serkeve.

Êdî divê, ne ew fermanên qirkirina me bidin, êdî divê ew nikaribin fermanan li me rakin, berovajî, divê êdî em karibin fermanên qirkirina dagirkeriyê li wan rakin û li welatê xwe em qira yên weke DAÎŞ'ê bînin û em vê zihniyeta reş ji welatê xwe paqij bikin.

Vê carê neyarên gelê me ne ghiştin mirazê xwe û ew ê êdî ticarî nikarin



## Gotar

**Prof. Dr. İlhan Kızılhan**

### Ola Êzdîyatîyê

#### Desptêk

Di lêkolînên dinyayê de cur bi cur navê Êzdiyan, wek „YÊzidî“, „Izdî“, Jesîdî“, „Yazidî“ û hwd. bi kar tînin. Lê ev civak û ol ji xwe re dibêje Êzdî, an go „Ez“ û Da”, tê wateya „Xwedê Da“. <sup>1</sup> Êzdîyatî oleke Xwedê nas e û ji bilî Xwedê tu xwedayên din qebûl nakin. <sup>2</sup>

Piştî Xwedê heft melek (ferîşte) hene, ku kêma an zêde olên Cihû, Xiristîyan û Îslamîyê jî behsa wan melekan dikin. Ev melek herdem perçeyekî duhayên Ezdiyan in. Serokê herî mezin yê melekan Tausî Melek e. Li goreya baweriya Êzdiyan Xwedê erk û delamet daye Tausî Melek ku berpirsyarî li dinyayê, riya rast nişan bike û Êzdiyan biparêze. Ji xeynî Tausî Melek di nav ola Êzdiyan de mirovên pîroz wek Şêx Adî, Şêx Assin, Şêx Şems, Şêx O Bekir, Şêx Faxredin û Şêx Sicadîn hene. <sup>3</sup>

Roj û heyv li gel Êzdiyan pîroz in. Şêx Şems nişana rojê û Şêx Assin (Sin) ya heyvê ye. Êzdî bawer dikin ku herdu elementên xwezayî, roj û heyv, ronî ya Xwedê xuya dikin. Ji bo her Êzdîyeki ferz e ku her sal sê rojan di meha kanûne de rojiyê bigirin. Ev rojî jî ji bo sipasiya afirandina dinyayê û ji bo bîranîna Xwedê û baweriya Êzdîyatîyê ye. Ji bo her Êzdîyekî/ê ferz e, di jiyana xwe de carekê here perestgeha pîroz ya Êzdiyan Lalişê, ku Êzdî jê re dibêjin „Lalişa Nûranî“.

Êzdîyatî xwedî baweriyeke bi prinsîpên gelemperî ye etîk, exlaq, rastî, heqîqetî, dirustî, hevgerî, hestbar, rehm û evînî ye.

#### Kurtecîroka Êzdiyan

<sup>1</sup> Kizilhan, İlhan: Die Yeziden, medico international, Frankfurt, 1997, S.9.

<sup>2</sup> Grant, Asahel: The Nestrians or The Lost Tribes, Philadelphia Press, Amsterdam, 1915, S. 31.

<sup>3</sup> Gotwald, Maria von: Die Jesiden«, Globus, V. 83, 1898, S. 181.

Dîroka olî ya Êzdîyatîyê bi dîroka gelê Kurd re girêdayî ye. Koçberî, talankirin û fermanên li ser Êzdiyan bi qedera dîrok û gelê Kurd re dimeş e. Lê taybetiyên Êzdiyan li ser civak, ol û fermanên Êzdiyan li ser navê Îslamiyetê ji dîroka Kurdên misilman û olên din cudatir e. Ji ber sedemên ola wan Êzdiyan bi hatina Îslamiyetê ji sala 637'an heta îro gelek jenosîd û ferman li Kurdistanê derbas kirine.

Şerê li dijî Ereban, êrişên Moxolan û bi zorbûna misilmaniyê hejmara Êzdiyan bi sistematîk hatiye kêmkirin. Bi pêşdarazen ku Êzdî tariqetêke Îslamî-muawî û baweriya wan ji melekên xirab heye, gelek neheqî dîtin e û ev yek bûye sedemeke asîmilasyon û fermanên li dijî Êzdiyan. Ji bo şerê desthilatdariyê li Kurdistanê ji aliyê împatoriya Osmanîyan û Farîsan ve teqrîben 1.2 milyon Êzdî heta îro hatine kuştin û 1.8 milyon bi zor û kotek kirine misilman.<sup>4</sup> Ji ber wan sedeman û sedemên din Êzdiyan xwe li gund û çiyayên Kurdistanê ji dinyayê heta sedsala 20'an îsole kirin ku lewra jî دنیا û gelek Kurd kêmkirî li ser bîr, bawerî û civaka Êzdiyan xwediyê agahiyan in.

Dîroka Êzdiyan heta 50 salên borî jî bi devkî ji aliyên pîr, şêx û qewalên wan ji nifşekê derbasî nifşa din dibû û lewra jî kêmkirî li ser Êzdiyan peyda dibin.<sup>5</sup> Tenê di sedsala 18'an de hinek lêkolînvan ji Ewropayê tiştên rast û hinek tiştên xelet li ser Êzdiyan nivîsandin ku îro ji bûne bingeha nasandina Êzdîyatîyê. Minak di pirtûka ensklopediya Îslamê de di sala 1941'ê de li Almaniyayê Êzdî wiha tên naskirin<sup>6</sup>: »Êzdî mirovên delal, bedenekî xweş û por dirêj in. Ew gelek bi xwe bawer in û bi gelemperî li çiya dijîn. Jinê wan wekirî û serbest in. Êzdî eşkiyatî û car caran karwanan talan dikin; ew bê tirs, şervanên baş û jêhatî ne. Êzdî li ser sozên xwe dimînin û lewra jî dijiminê wan ji wan re gelek rêz digirin. Ew baş û jêhatî li ser erdê xwe kar dikin, baxçe û bostanên wan bi nav û deng in. Her wiha ew gelek paqij in û xwedî li der, dor û malên xwe derdikevin. Ji gemariyê hez nakin û cilê spî li xwe dikin...«

Di literatura dinyayê de navê „Yezdî” “Jesidî” û hwd. ji sedsala 7'an ve

<sup>4</sup> Kizilhan, İlhan, Verortete Vergangenheit. Das kollektive und religiöse Gedächtnis der Yeziden in der Türkei. Berlin: VWB Verlag, 2014.

<sup>5</sup> Kizilhan, İlhan. Die Gegenwärtigkeit der Vergangenheit. Funktionen des Erinnerns von außergewöhnlichen Ereignissen im Kontext der Gegenwart. Berlin: Regener Verlag. S.15-21, 2008.

<sup>6</sup> Handwörterbuch des Islam. A.J. Wensinck & J.H. Kramers (Hrsg.) Leiden 1941, S.806-811.

peyda dibe. Heta vê demê Êzdî li Kurdistanê wek „Şemsanî“ an jî Rojperest dihatin naskirin. Her wiha di jêderan de behsa Şêx Adî Ibn Musafir (1161) tê kirin, ku di nava Êzdiyan de „sed û hed“, ango reform pêkanî ye. Li ser bingeha wan reforman îro jî Êzdî dijîn.

### **Ferq û wekhevîyên Êzdîyatîyê bi olên din re**

Rojhilata Nêzîk û Navîn her dem navenda afirandina bîr û bawerîyan bû. Her dem ji dîrokê heta îro gelek komên etnîk û olî li vê derê kom bûn e û bandor li hev kirin e. Bêguman her wiha bandora Cihutî, Xiristiyanî û Îslamiyê jî li ser Êzdîyatîyê û beravojî jî cêbûye. Lê bi taybetî bandora olên beriya Îslamiyê, ya olên Îranî li ser Êzdîyatî cêbûye ku îro di duaha, şert û bawerîyên wan de xuyaye. Lewra jî dixwazim bi taybetî li ser wekhevî û ferqên bawerîyên Êzdiyan bi Yarasan (Ehli-Heqq), Mîtraizm û Zerdeştîyê rabiwestim.

### **Êzdîyatî û Yarasan (Ehlî-Heqq)**

Wek tê xuyakirin, Tausî Melek ku li gel Yarasan navê Da'ud jî bikar tînin û sîstema wan ya melekan kêm zêde gelek nêzîkî hev e. Yarasan jî ji Xweda bawer in, heft melekê wan hene û bi kurdî, goranî, diaxivin.<sup>7</sup> Herdu ol behsa melekan wek Cebraîl, Mikaîl, Ezraîl û Esrafil dikin.<sup>8</sup> Herwiha jî hinek melekên bi navên din û mirovên wan pîroz hene. Bê guman bandora alewîti û şîî li ser yarasan li goreyê Êzdiyan zêdetir e. Lê herdu ol jî behsa çilmêr<sup>9</sup> dikin, ku li goreyê Êzdiyan îro meclîsa ruhanî bi ya 40 mirovî heye. Meclîseke wiha li gel yarasan jî heye. Wek li gel yarasan li gel Êzdiyan jî du avên pîroz, „Kaniya Spî“ û „Zimzim“ peyda dibin. Yarasan ji wan re dibêjin „Kaniya Buze (Buza) û „Kaniya Hanîta“.<sup>10</sup> Lêkolînavan texmîn dikin ku ev herdu av beriya Îslamiyê ji demên ku „xwedayê avê“ hebûn û di nav wan herdu olan de man e.<sup>11</sup> Di Avesta de jî besha „Xwedayê ava binerdê“ dike. Li goreyê Windischman (1856) ev av nîşana „baqîşî û zelaliyê“ ye û wiha jî nîşana Ahura-Mazda,

<sup>7</sup> Empson, R.H.W.: The Cult of the Peacock Angel, London, 1928, S.23.

<sup>8</sup> John, C./Edmond, A.: Pilgrimage to Lalish, Aberdeen, 1967, S.173; W.A. Pilgrim and Edgar T.A. Wigram: The Cradle of Mankind, (Life in Eastern Kurdistan), London, 1914, S.101.

<sup>9</sup> Edmond, A.: Pilgrimage...op. cit., S.11.

<sup>10</sup> Afzali, Daftar/Doureh-ye Damyari/Mohamed Mokri: Le Chasseur de Dieu et le mythe du Roi-Aigle (Dawra-y Damyari), Wiesbaden, 1967.

<sup>11</sup> Hamzeh'i, Reza M. The Yaresan - A Sociological, Historical and Religio-Historical Study of a Kurdish Community, Klaus Schwarz Verlag, Berlin, 1990, S. 7-11.

Xwedayê baş e ku dinya û tê hemû nebat û giyanewer afirandine.<sup>12</sup>

Êzdî û yarasan bawer dikin ku jiyanêke piştî mirinê heye û rihê wan dîsa tê ser erdê û di laşê giyanwerekî de dijî. Lewra jî baweriya herdû olan ji bihuşt û dogeh (cînet û cehnem) tine. Herdu ol duha û zeremoniyên xwe bi muzîkê pêk tînin, wek def û şîbab.<sup>13</sup>

Li ser afirandina dinyayê Êzdî û yarasan bawer dikin ku her jîyan, erd û ezman, av û erd ji dirrê derketiye. Li goriya wan olan dirr bi xwestina Xwedê teqiya ye û ji wiha dinya hatiye afirandin. Yarasan ji „dirr“ re dibêjin „dorr“.

Di dîroka gerdûnê de wiha cara yekemîn giyan û materî ji hev cuda bûne. Têoriya dirrê li gel ol û milletên din yê îranî jî risteke mezin dileyize.<sup>14</sup> Dirr wek sembola dayikbûn, bîrbûn û bakiriyê ye.<sup>15</sup> Herwiha mîtolojîyên herdû olan behsa „Ga“ û Gamasî“ dikin, ku li goriya baweriyên wan dinya li ser qilocên gamasî rawestiye. Teoriyên li ser Adem û Hava jî ligel herdu olan gelek nêzîkî hev in.<sup>16</sup>

### Êzdîyatî û Ola Mîtrayî

Teoriyeke din dibêje ku Êzdî ji ola mîtra ye ne. Ola mîtra yek ji olên herî kevn li dinyayê ye û tarîxa wî ji 4000 sal kevntir e. Mîtra serokê heft melekan bû. Navê melekan „Yazata“ bû ku tê wateya melek an jî „alîkarîdar“. Pîrên kevn gelek duha li ser Mîtra çêkiribûn û ew wek xwedayê rojê nas dikirin.

Bi derketina Zerdeşt rola Mîtra di nav olên îranî de kêmbû û Ahura-Mazda bû Xwedayê herî mezin. Lê dîsa jî di nav gel de tucar Mîtra an „Rojperest“ rolê xwe wînda nekir. Li gel zerdeştîyê Mîtra bû hêzek di nav tarî û ronîyê de. Mîtra wiha bibû koka hemû giyanwerî li ser rû û binerdê. Bi kurtayî di nav ola zerduştîyê de Mîtra bû sembola rojê.

Hinek ji wekhevîyên di navbera Êzdîyatî û Mîtrayî ev in:

<sup>12</sup> Fr. Windischmann: Die persische Anahita oder Anaitis, (Ein Beitrag zur Mythengeschichte des Orient), in: Abhandlung der phil.-philologischen Klasse der königlich-bayrischen Akademie der Wissenschaften, Vol.8, 1856, S.113.

<sup>13</sup> B. Geranpaye: Yaristan – Die Freude der Wahrheit. Religion und Texte einer vorderasiatischen Glaubensgemeinschaft. 2006, Göttingen, S.12-23.

<sup>14</sup> P. Kreyenbroek: God and Sheikh Adi are Perfect. Göttingen. 2005, S.25-27.

<sup>15</sup> M. Mokri: Le Symbole de la Perle dans le folklore persan et chez les Kurdes Fideles de Verite (Al-e Haqq), in: Journal Asiatique, 1960, S.477.

<sup>16</sup> Moradi, Golmorad: Ein Jahr autonome Regierung Kurdistan, Die Mahabad Republik 1946-1947, Hochschule Bremen, 1992, S.32.



- Guman heye ku navê „Êzdî“ ji navê „yazata“ an jî “yazdan hatiye ku di ola Mîtra de tê wateya melek an jî xweda.
- Çawa di nav Mîtra de roj pîroz e, di nav Êzdiyan de jî roj pîroz e û bi navê Şêx Şems îro jî maye. Êzdî li rojhilata navîn beriya Şêx Adî wek „Şemsanî“ ango rojperest dihatin bi nav kirin.
- Cejna Êzdiyan ji „Ezdî“ bi sê rojiyan dikeve meha kanûnê. Li vê derê agir tê pêxistin û semboleke giring e. Mîtrayî jî di meha kanûnê de rojbûna baweriya xwe û xwedayê xwe pîroz dîkin. Li gel herdû baweriyan agir roleke mezin dileyize.
- Di baweriya mîtra de di pîroziya xwe ji bo bîranîna Mîtra de, ga dihat qurbankirin. Êzdî jî ji bo bîranîna Şêx Şems di demsala payizê de li Laleşê ga qurban (gayê spî) dîkin.<sup>17</sup>
- Her wiha di baweriya Mîtra de dîk roleke dileyizt ku îro li gel komeke pîrên Êzdiyan jî heye. Grupeke jî pîrên Êzdiyan dîk pîroz dibînin.
- Her wiha perestgehên Êzdiyan û mîtra ji aliyê mîmarî ve wek hev in. Nêzîki Laleşê li Şengalê bajarokek bi navê „Baadra“ heye û bi zimanê aramî tê wataya „mala alîkardaran“, ango mala heft „yazata“, heft melekan, ku li gel Mîtra jî tê yek wateyê.

Navê Mîtra pêşî ne li Îranê ne jî li Hindistanê ji aliyê lêkolînvanan ve hat dîtin, na, ev li Kurdistanê hat dîtin. Gelek Êzdî îro jî dibêjin ku ev „rojperest“ in. Navê Mîtra di nav milletê bi navê „Mitanî“ ji bakûrê mesapotamiya di sedala 14 an de peyda dibe. Di heyama antîkê de li vê heremê gelek eşîrên Êzdiyan dijiyan.<sup>18</sup> Di nav eşîrên êzidiyan de ye eşîreke bi nav Xaltî hebû û di nav de jî qebilek xwe bi navê „Matinî“ di anî naskirin. Xaltî îro jî li herema Iloh, Qubîn û Sêrtê dijîn. Lê îro di nav Êzdiyan de navê Mîtra ne nas e. Mackenzic (1974) bawer dike ku Şêx Şems li gel Êzdiyan domandina navê Mîtra ye.<sup>19</sup>

Ola Mîtra di dema desthilatdariya yunanên (gerek) Helios û Roma de bandoreke mezin leyistiye û heta sala 65 pîştî zayinê li Italiya ola herî mezin bû.<sup>20</sup>

### Êzdîyatî û Zerdeştî

<sup>17</sup> Eigenes Interview mit den Yeziden in Lalish und Dihok im Nordirak, 1993/2006.

<sup>18</sup> Phythian-Adams, W.J.: Mithrasism, London: Constable and Company Ltd., 1915, S.11.

<sup>19</sup> Mackenzic, Donald A.: Mythos of Babylonia and Assyria, London: The Gresham Publishing Company Limited, 1974, S.54.

<sup>20</sup> Klaus, E. Müller: Kulturhistorische Studien zur Genese Pseudo-Islamischer Sektengebilde in Vorderasien, 1967. S.78.

Teoriya herî balkeş ku îro jî gelek tê gengeşekirin ev e ku ka zerdeştî û Êzdî yek in an na. Li goriya vê teoriye Êzdî berê zerdeştî hebûne û navê wan jî „Yazdan“ bû ye. Yazdan jî di pîrtûka pîroz ya zerdeştîyan Avestayê de wek navê Xwedê tê naskirin.<sup>21 22</sup>

Ji xwe zimanê Kurdî û zimanê îraniyan ê kevn, pahlevî gelek nêzîkî hev e, ku milletê Med jî bi wî zimanê diaxivin.<sup>23</sup> Tê zanîn ku Zerdeştî di dema imperatoriya Sassanîd de ola fermî bû û heta hatina Îslamiyê baweriyeke heta Afghanistan, Pakistan û Hindîstanê bi bandor bû. Lê ola Zerdeştîyê li Çiyayê Zagrosê û li Kurdistanê bandoreke mezin neliyîst. Zerdeştî zêdetir li herêmên Îrana îro li Esfahan, Yazd û heremên rohilatê cihê xwe girt. Tenê hine olperestên zerdeştî bi peresgeha (ateşgeh) zerdeştîyan li der û dorên Kermanşahê peyda dibin. Lewra jî di ilmê îranîstîk de mirov behsa olên rohilhat û rojava dike. Li rojava bêguman Zerdeştîyê li ser miletan gelek bandor kiribû û bûbû ola herî mezin. Li Îraniya Rojava (ango Kurdistanê) olên wek Şemsanî, Yarasan û paşiyê Elewiyan cihê xwe di nav gel de girtibûn. Bi taybetî li herêma bi navê „Bakurê Mesopotamiya“ temamî Şemsanî bûn û pêwendîya wan ya olî zêde bi zerdeştîye re tunebû.<sup>24</sup> Ola Êzdîyan ya îro bi hemî bawerî, melek û şertên jiyanê pîştî sed û heda Şêx Adî elementên Sofîzmê girtine û ji baweriya Avesta, Ahura-Mazda û Ehrîman, dûr e.

Lê dîsa jî hinek şertên Êzdîyatîyê û Zerdeştîyê nêzîkî hev in:

- Li gel Êzdîyan û Zerdeştîyan agir pîroz e. Li gel zerdeştîyan agir di perestgehên (Zerdeştî dibêjin „ateşgeh“) wan de divê ti car venemire. Ji bo vê yekê pîrê parastina agir hene. Tiştekî wiha li gel Êzdîyan tune, an jî winda bûye. Lê Êzdî mînak di cejna cemjiyayê de agirê di destê pîr de bi destê xwe nêzîkî dikin û li rûyê hembez dikin.
- Êzdî û Zerdeştî wexta duhayên xwe berê xwe didin rojê. Roj ji li gel herdu olan pîroz e.
- Tenê ji dayikbûna xwe mirov dikare bibe Êzdî an jî zerdeştî. Ji derva tu kes nikar e, bibe Êzdî an jî zerdeştî.
- Cil û bergên spî li gel herdu olan sembola ola wan in. Kirasekî bi şeş quncik divê li her Êzdî û Zerdeştîyan hebe. Navê wî kirasî “garîban”

<sup>21</sup> Avesta ist das heilige Buch der Zarathustra Religion.

<sup>22</sup> Empson, R.H.W.: The Cult of Peacock Angel, Witherly Press, London, 1928, S.225.

<sup>23</sup> Homes, Henry A.: ›The Sect of Yazidis of Mesopotamia‹. Biblical Respository and Classical Review, Series 2, Vol. 7, 1842, S.332.

<sup>24</sup> Dahman, Mohamed Ahmed: ›The Shamsiya in History, The Journal of Lughat al-Arab (arab.)‹, Vol.9, No.3, 1935.



(zerdeştî) an jî “gêrîvan” (Êzdî) e. Bi wî kirasî diyar e ku ev mirov zerdeştî/Êzdî ne.<sup>25</sup>

- Cejan Cemayî ya Êzdiyan û cejna Al-Mihracan ya zerdeştîyan nêzîkî hev in.

Billî hevqas nêzîkbûn ferqa herî mezin di dualizmê de ye. Zerdeştî du hêz, du alî didin ber hev: hêza baş, ango Ahura-Mazda û hêza xirab, ango Ehrîman. Ev herdû hêz herdem di nav şer de ne û zerdeştî bawer dikin ku rojekê hêza baş dê serkeve. Li gel Êzdiyan jî xirabî û başî heye, lê herdû hêz ji yek kokê, ji yek bîrê ne. Xweda li gel Êzdiyan himberî xwe tu hezeke din qebûl nake.

### Êzdîyatî û damezrandina “sed û hed” a Şêx Adî

Şêx Adî li gel Êzdiyan wek Pêxember nayê naskirin. Ev mirovekî bi keramet bû û di sedsala 11’an de reformên bi nav “sed û hed” xiste nav Êzdiyan. Di nav Êzdiyan de jî bi salan e, gengeşiyên mezin li ser sexsiyeta Şêx Adî û nasnameya wî tên kirin.

Di literatura heyî de Şêx Adî Ibn Musafir ji Libnanê, gundê Bait-al-Far (nave îro Hirbet Qanfah) di dema 1050’an jî 1075’an de hatiye dinyayê. Tê gotin ku ji malbata Ibrahim, lawê Abdul Mali, lawê Mervan Ibn Al-Hakam e. Şêx Adî bi temenê 90 salî jiyana xwe winda dike. Ev çûye Bexdayê û bi gelek îlimdarên sofîyan (wek El-Hallaj, El-Basrî û Abdulkadir Geylanî) re rûniştîye û ders dîtiye. Paşî Şêx Adî tê Laleşê û ji aliyên Şemsaniyan, ango Êzdiyan, wek mirovekî pîroz tê qebulkirin.

Abdul Kadir Geylanî ku bi Şêx Adî re li Bexdayê li ser sofîtiyê xwendîye, li ser Şêx Adî wiha dibêje:

„Ku mirovek bi keramet û mujadîn, bi zanêbûn û mirovatiya xwe heq kiribe, bibe pêxemberek, ev jî Şêx Adî ye.“<sup>26</sup> Di nav Êzdiyan de gelek teorî li ser Şêx Adî hene û ev bandoreke nakokî li ser ola Êzdiyan dike ku divê were zelalkirin. Bêguman ku mirov tebaxên Êzdiyan wek Mîr, Pêşîmam, Bavê Şêx, Pîr, Şêx, Mirîd, Qewal, Feqîr, Koçek û hwd. şirove bike, bandoreke sofîzm xuya ye.<sup>27</sup>

Li aliyê din jî gelek elementên Mîtra, an jî yê Şemsanî di nav ola

<sup>25</sup> Murad, Jasim Elias: "The Sacred Poems of The Yezidis", A Bell & Howell Company, Michigan, 1993.

<sup>26</sup> Ibn Khalakkan, Ahmed. Waffayat al-ayan (Arabic: The Deaths of Nobels), Editet by Ihsan Abbas, Dar Al-Thagafa, Beirut, Vol. 3., 1969, S.254.

<sup>27</sup> Fatemi, Narollah S.: Love, Beauty and Harmony in Sufism, New York, A.S. Barnes and Company, 1978, S.55-56.

Êzdîyatîyê de hevqas xurt in ku temamî nehatine windakirin. Wiha xuya dike ku Şêx Adî hinek taybetiyên sofîzmê wek yên El-Basrî û El-Hallaj bi xwe re tine û bi baweriya Êzdiyan ya rojperestî bi hev re taman dike. Bi taybetî rola Tausî Melek xuya dike ku Êzdîyatî oleke kevnare ye û ji bilî hevqas astengiyan di nav Kurd û Kurdistanê de yek ji nasnameya resen ya Kurdan bixwe ye.

### Dawî

Êzdîyatî oleke kevn e û dîroka wê xwe dirêj dike heta 2000 sal beriya zayinê. Êzdîyatî, wek Yarasan (Ehli Heqq) û Elewiyên Kurd ji olên iranî yê rojava ye. Zerdeştî bandoreke mezin li ser Êzdîyatîyê nekiriye û yek ji olên Îranî yê rojava ye. Lê olên Îranî yê rojava (Êzdî, Yarasan, Elewî) û olên rojhilat (Zerdeştî) wek xwîşk û birayên ducan in, ango ji dayik û bavekî ne, lê pêvajoya wan ji aliyê bawerî, etîk, exlaq, afirandina dinyayê û rista Xwedê û melean cuda bû ye. Her wiha jî hêja ye were gotin ku di jiyana rojane de û pê re guhartinên li Kurdistanê di nav hezar salan de, bi hatin, cûyîn û mayina ol û milletan re bandora xwe li civak û olan kiriye. Lewra jî bandora olên Îbrahîmî (Cihûtî, Xirstiyanî û Îslamî) di nav ol û milletên Rojhilata Navîn de diyar e. Lê billî hinek helandina elementên olan di nav hev de, baweriya Êzdiyan ya Tausî Melek ji destpêka ola wan ve heta îro xwedî taybetiyeke mezin e.

\*\*\*

## Gotar

Alî Huseyîn Kerîm

### ETÎMOLOJIYA NAV Û NAVLÊKÊN OLA ÊZDÎTIYÊ

#### ÇEND GOTÎN

Ji bo Êzdiyatî çî ye û ji kengê ve heye bête zanîn, divê mirov berê xwe bide kaniyên curbecur yên ol û zimanan û bibe rêwingê bêwest yê dîroka dûr û dirêj. Ji bo bersivên rast yên navlêkên Ola Êzdiyatîyê peyda bikin, divê carcaran bikevin kirasên wan kesên ku beriya deh hezar salan li ser teht û latên Gevarûk û Tirşînê fotoromana jiyana xwe ya rojane kişandine. Heta digel wan di warê hestyariyê de em jî li ser zinarekî wêneyê rojê wek bûkek bi xêlî û delal binexşînin. Paşê ji wir berê xwe bidin şikefta Şanîdar û bibin mêvanê şivan û cotkarên beriya heftê hezar salan. Em pala xwe bidin diwarên şikeftê yên ku bûne şahidên çendîn bûyeran. Yan jî çêtir e, di işkeftê de digel *Brahîm* (Pîrê Hîm) rewşa vê gerdûnê ya ku arsaxê wê bilind û balay e, bavêjin ber aqilan.

Her waha, bi mirovê sereta re bikevin empatiyê û bila pêyvên destpêkê ji nav herdu lêvên me derkevin. Ta ku hingê em bibêjin: “*ax, îx, ox, offff, xwe*”. Bala xwe baş bidin wan dengan. Ew bi tenê çend peyvên yek kîteyî nînin. Ew tekekîte bingehê zimanên 72 miletan in. Ji wan nav û hizra çar enasiran (element) û nasname derketine holê. (*ax* ‘ax, xak, xwalî ango erd’, *îx* ‘hûx, hilm ango hewa’; *ox* ‘xor ango roj û agir’; *off* ‘av’; *xwe* ‘kesayetî, nasname’). Lê belê ya herî girîng ji van dengên tekekite sembol û nîşana nasnameyê, yanê pêyva ‘*xwe*’ ye. Diyar e, ev pêyva tekekite bingehê hizir û ramanê ye. Her wusa diyar e ku cînava ‘*xwe*’ bûye pêngava yekemîn ya şaristaniyê û lêgera rastiyê.

Mijara vê xebata me jî li pey lêgera rastiyê ye. Êmidwar im ku bi saya lêkolîneriyêke pozîtîv em ê bikarin etîmolojiya navlêkên (Termînolojiya) Ola Êzdiyatîyê şîrove bikin.

#### ETÎMOLOJIYA NAVÊ ÊZDÎ

Li ser koka navê *Êzdî* heya naha gelek gengeşî çêbûne. Lê belê navnîşana kahniya jê derhatiye hîna eşkere nebûye. Zanîna jêderka resenî ya navê *Êzdî/yÊzdî* ji bo Kurdan pir pewîst e. Ji ber ku çanda Êzdiyatîyê heman

dem bingehe tewrê hizirkirin û bawermendiya Kurdan ne. Pêderxistin û selimandina navê Êzdî mirov xwe dighîne rastiyeke pir girîng. Lewre, bi selimandina kahniya jêderk ya navê Êzdî re, di heman demê de beriya hezaran salan Gelê Kurd bi kîjan zimanê hizir dikir, eşkere dibe.

Her waha:

*Êzdî/yÊzdî* navekî Proto-Hînd-Ewropî ye. Heta têkiliya xwe bi Zimanê Horîkî re jî heye. Lê belê ji ber ku xweseriya wê ya olî û ayînî heye, ketiye nav hemû zimanên ku têkiliya wan bi Mezopotamya jorîn û jêrîn re hene.

PHE *\*ieHg-* ‘payebilind, bişeref, birûmet’ ; *\*ues-* ‘cejin, ziyafet’; *\*ais-* ‘hurmet, ewrar, perestiş’; PHE. *yaj-* ‘payebilind, birûmet, hebandin, perestiş’; *uazl-* ‘hurmet, rêzgirtin, *\*di-*, *\*die-* ‘ronahî, roj, Xweda.

Her waha: PHE *\*ais-* ‘ewrar’ + *\*dî-* ‘Xwedê’ = *aisdi* ‘Xwadayê Ewrar’ → *azdî* → Êzdî. Ev jî tê wateya kesên ku Xwedayê rojê, Xwedayê ewrar perestiş dikin.

Hurr. *A’aş/En-hazizizi* ‘Yêzdanê jîrayî, YEzdanê hajêbûnê’, *izzumî* ‘wezîrê Xweda *Ea*’, *eše-* ‘erd, cih’, Kassidî *u-zi-ia/uzi-e* ‘ewê diparêze’, *u-za-a-a* ‘ew hate parastin’, *yaš* ‘welat’, hûza ‘Xwedê’, Hitt. *siu-* ‘YEzdan’, *isiya* ‘peydabûn, ji nehîniyê de dîtin, vahiy’, Lîdî *tiuvali* ‘yEzdan’, Luw. *tiyaz* ‘roj, Xwadayê rojê’, ewrar’; Etrûskî *ais* ‘YEzdan, Xwedê’, *aisna/eisna* ‘ayînî’; *aisine* ‘qurban’, Av. *yaz-* ‘qurbanî, perestiş, hebandin’, *yazata* ‘ferîşte’, Farsiya kevn *yad-* ‘perestiş’, Farsiya Serdema Navîn *yz-* ‘perestiş, ewrar, pîrozî’, Partî *yš-* ‘ewrari, perestiş’, *azdā-* ‘xeber dayîn, agahî kirin, vahiy’, Khotanî *gyaş-* (*jays-*) ‘qurban dayîn’, Sogdî *yz-* ‘perestiş, ewrar’, Îraniya Nû *jašn* ‘cejn, ziyafet’, Sarmatî *ιαζαδαγος* (*izagados*) ‘Xwedê, Yêzdan’, Osset Iron *zaed*, Osset Digor *izaed* ‘Xwedê, Yêzdan, Ferîşte’, Kurdî *Yêzdan*, *Êzdî*, *yÊzdî*, *Êzdayetî*.

Gr. *αγιος* (*agios*) ‘pîroz, evrar’, Lat. *iaiiūnus* ‘rojî, cejn kirin’

Di listeya jorîn de bigoreyî zimanên kevn û yê nû peyv û navên bi dibetî yên ku bingehiya navê Êzdî dike hatine nivisandin. Eger bi goreyî kevnariya zimanan dest bi gerana vî navî bikin, dikarin xwe bighînin çend qonaxan.

Ya yekemîn: peyvên mîna PHE *\*di-* *\*die-*, *\*deus-* ‘ronahî, roj, xwada’, *\*ieHg-* ‘payebilind, rêzgirtin, birûmet’; *\*ues-* ‘cejin, ziyafet’; *\*ais-* ‘rêzgirtin, ewrar, perestiş, homan’ in. Ev peyvên Proto-Hînd-Ewropî jederka seretayî ya navê Êzdî ne. Diyare ev nav ji hizra perestiş û ewrarê derketiye holê. Ji ber vê sedemê bi tewrekî dilrehetî dikarin bêjin ku koka

navê Êzdîyatîyê ji zimanên gruba Hînd-Ewropî ye.

Ya duyemîn: Peyv û navên mîna Hurr. *A'aş/En-ħazizizi* 'Yêzdanê jîrayî, YEzdanê hajêbûnê', Kassîdî *u-zi-ia/uzi-e* 'ewê diparêze'; *u-za-a-a* 'ew hate parastin'; *yaş* 'welat', Hitt. *siu-* 'YEzdan'; *isiya* 'peydabûn, ji nehîniyê de dîtin, wehî', Lîdî *tiuvali* 'yEzdan', Luw. *tiyaz* 'roj, Xwadayê rojê', Etrûskî *ais* 'YEzdan, Xwedê'; *aisna/eisna* 'ayînî'; *aisine* 'qurban', *aisna* 'ayîn' jî navê Êzdî/yÊzdî dest nîşan dikin.

Her wusa, Horîkî *A'aş* 'YEzdanê hiş, aqil û hizrê' dibe sedema bilêvkirina *az* → *îz* → *ez*. Horîkî bi zimanekî şêwe fîtikî ye. Yanê peyvên ku dengên mîna *s, ş, z, j* pir tên bilêvkin. Heta ev taybetiya xweser ji bo Zimanê Kurdî jî mîrat ma ye. (Ji bo gelek agahîyan bn. Pirtûka min ya "Destan, Helbest û Mîtolojiya Horiyan", Enstîtuya Kurdî Ji Lêkolîn û Zanîst-Almanya 2014)

Ya Seyemîn: Peyv û navên mîna PHA. *yaj-* 'payebilind, birûmet, hebandin, perestîş'; *uazl-* 'homan, rêzgirtin, ewrar', Av. *yaz-* 'qurbanî, perestîş, hebandin', yazata 'ferîşte, yê agahîyan dide', Yewnanî *Zeûs*, Farsiya kevn *yad-* 'perestîş, homan', Farsiya Serdema Navîn *yz-* 'perestîş, ewrar, pîrozî', Partî *yš-* 'ewrari, perestîş'; *azdā-* 'xeber dayîn, agahî kirin, vahiy', Khotanî *gyaş-* (*jays-*) 'qurban dayîn', Sogdî *yz-* 'perestîş, ewrar', Îraniya Nû *jašn* 'cejn, ziyafet', Sarmatî *ιαζαδαγος* (*izagados*) 'Xwedê, yêzdan), Osset Iron *zaed*, Osset Digor *izaed* 'Xwedê, Yêzdan, Ferîşte', Kurdî *yêzdan, Êzdî, yÊzdî, êzdayetî*.

Qonaxa sêyemîn serdemên peydabûn û biserûber bûna navê Êzdî ye. Ango navê *azd-, izd, ezd* 'Xwada, Yêzd, Êzdî, yêzidî' derbîran dibe.

Az, îz û ez çawa buye Êzdî, êzidî?

Ji bo aidîyet diyar be bi Zimanê Horiyan daçeka –*di* hildaye dawîya xwe. Ev daçek îro jî di Zimanê Kurdî de wek –*dî* tê bilêvkin.

Di Zimanê Horiyan de daçek û pêvekên aidîyet û navçêker yên durfa pêveka –*dî, de, hî* û –*î* ji bo Zimanê Kurdî mîrat mane.

Çend mînak ji daçekên bi horîkî:

–*ade*. (ammade 'bapîr', *firade* 'zadegan', *hurade* 'cengawer')

–*ti* (*keldi* 'silamet', *kumdi* 'birc, bilindahî', *hapti* 'xeleq')

–(*i*)*thi/e* (*paşšithe* 'peyamber, qasid, balyoz')

–(*a*)*thi/e* (*haşulathi* 'peyam, bihîstina besta', *zalmathi* 'sifatekî Xwedayê')



Nubadig')<sup>28</sup>

-t/da/-u-da 'di navê yek kiteyî de rewşa fermanî diyar dike' (*ašta* 'jin', *aştan* 'jinan')

Her waha, *ez* + *dî* → buye *ezdî*, Êzdî. Ango bi kesê ku baweriya wan *az*, *ez*, *îz* re heye dibêjin Êzdî.

### Navên Çend Xweda û Xwedawendan Yên kû Dişibên Navê Êzîd

*Azizos*: Di Palmîra antîk de navê Xwedayekî ye û bi stêrka serê sibê hatiye binavkirin.

*Eos*: Xwedawenda Ezmanan ya Hînd-Ewropî ye û navê wê bilêvkirina Yûnanî ye. Ew wek giyanê berbangê dihate perestin.

*Eostre*: Xwedawenda biharê ya Anglo-Saksona ye.

*Esus*: Xwedayê şer yê Avrupayê ye. Niviskarê Roma Lucian derbarê wî Xwedayî hin tişt nivisandîye. Nivisandîye û dibe ku Xwedayê daran be

*Îsis*: Navê Xwedawendeke Misrê ye.

*Izdubar*: Di dîrok û teogoniya Kaldenan de navê lehengekî ye. Ji bilî vê navê şahê Babîlê *Îzdîharê Kurê Qûş* e<sup>29</sup>

### Etîmolojîya Navê Xwedê

PHE \**dei-*, \**deia-*, \**dī-*, \**diā-* 'birqok, rewnaq, roj, Xweda, Xwedawend', Summ. *dUtu* 'Xwedanê rojê', \**deu-*, \**dou-*: \**du-* 'ayîn, perestin, biqudret'<sup>30</sup>, Hitt. *šiu-*, Hurr. *Hudana*, *Hudalera* 'Xweda û Xwedawenda çarenivîsê', Hînd-Aryanî *dī-dē-ti* 'îşiq, ronahî, vexûyan', *dyāuh* 'Bihuşt', *dēva-h* 'Xwedê', Av. *daēva* 'demon' Farsi *Xwedavend*, Kurdî *Xweda*, *Xwedê*.

ChSl. *bogŭ*, SCr. *bog*, Russ. *bog*, Pol. *bog*, Boh. *buh*, Lith. *dievos*, Lett. *dievs*.

Gr. *θεός* (*theos*), *Zeus*, *Aides* yan jî *Hades*, Lat. *deus*, It. *dio*, Fr. *dieu*, Sp. *dios*, Rom. *dumnezeu*, *zeu*, Alb. *zot*.

<sup>28</sup> Bi Horîkî *zalmî* 'pêyker, pût'

<sup>29</sup> H. P. Blavatsky, *The Theosophical Glossary*, The Theosophical Publishing Society, 2006, U.S.A

<sup>30</sup> Ali Husein Kerim, *Kürtçe Etimolojik Sözlüğü* (karşılaştırmalı) Enstîtûya Kurdî ji bo Lêkolîn û Zanîst li Almanya, 2013; J. Pokorny, 218-19:2, *Indogermanisches etymologisches Wörterbuch*, 1959.

Îr. *dia*, NÎr. *dia*, W. *duw*, Br. *doue*.

Goth. *gub*, ON *goð*, *tívar*, *áss*, Dan. *gud*, Sw. *gud*, OE *god*, *ōs*, NE *god*, Du. *god*, OHG *got*, NHG *gott*.

Kurdî Navê Xwedê ji pêyvên PHE yên mîna \**dei-*, \**deia-*, \**dī-*, \**diā-*, *deus-* ‘birqok, rewnaq, roj, Xweda, Xwedawend’ maye. Dîsa pêyvên PHE \**deu-*, \**dou-*: \**du-* ‘perestin, ayîn, biqudret’ jî vê diselimînin. Paşê ev di Zimanê Horiyan de wek *Huda û hudalera* ‘Xweda û Xwdawenda çarenivîsê’ hatiye bilêvkirin. Jixwe li serdema Mîtanîyan Zimanên Horîkî û Hînd-Ewropî tevlihev bûne û ji wê girêdaniyê bingehê Zimanê Kurdî hatiye avêtin.

Mînakî:

### Ji Dîrozeke Horriyan Çend Rêz û Riste<sup>31</sup>

1. *hur-li-li-ki-iş-ša-an me-ma-I*<sup>32</sup>: *Hebad m<sup>r</sup>uz<sup>ni</sup>*
2. *haž-o-l-ēž*<sup>33</sup> *Hebad<sup>d</sup> Šarruma haž-o-l-ēž*
3. *Daru<sup>d</sup> Dagidum<sup>d</sup> Hodena<sup>d</sup> Hodellur(i)r[a(<na)]*<sup>34</sup>
4. *haž-o-l-ēž en(i)-na heyaronna ašt(i)-o-hhe-na*
5. *wimmašš-i-až šalann-i-až haž-o-l-ēž*

### Analîza Dîrozê bi Zimanê Kurdî

1. (Ew Hurîkî dibeje): Hebat/Hewa (tu) Mezinî!
2. Hez û hesanî<sup>35</sup> (ji bo) Hewa (Hebat) û Şero yê me!
3. Dara, Degidî (û) Xudeyan Xudaleran re!<sup>36</sup>

<sup>31</sup> Ali Husein Kerim, *Destan-Helbest û Mîtolojiya Hûriyan*, Enstîtûya Kurdî ji bo Lêkolîn û Zanîst li Almanya, 2014; Dennis R. M. Campbell, *Observation on the Lyric Structure of Hurrian Songs and the Fragment KBo 35.39.*, ChS 1/5 1 iii

<sup>32</sup> *hur-li-li-ki-iş-ša-an me-ma-I* ev herdû pêyvîv bi Zimanê Hîtîtiyan e. Ji wêdatir bi Zimanê Horîkî ye.

<sup>33</sup> Di wateya bi rûn ve mesih kirine. Bi tekûz wateya rûnkirinê dide û di nav kiryarên kurdî de mina qijilandin, kizirandin bi kart e. Di niyazê de behsa rune ron ango qijilî hatiye kirinê.

<sup>34</sup> Îro jî kurd di niyaz û bergerên xwe de dibêjin *xweda û xwedalera*. *Hodena* û *Hodelluri*, *xwedawendên horiyan yên çarenivîsê ne*. Tîpa *d* ya li jora pêyvîv nîvîsî îdeograma *Xweda* yan jî *Xwedawenda* destnîşan dike. Ji Zimanê Somerkî ye û navê *dîngîr* ‘*xweda*’ destnîşan dike.

<sup>35</sup> Min di vê babetê de bi zanetî biwêja *hez û hesanî* bi kar aniye. Ji ber ku mesihkirin tê wateya *hez* kirin û *hesandinê*. Mîna piştta yeki *mizdin*, sere *zarokêkî mizdin* û *hwd*. Ça hebe *Hesan* di kurdî de nave *kevirê rûni* ye û pê *metalan tûj* dikin. Herwaha *horî* û *hîtî* di *ayînê* de *rûn* weke *teberikê* bi kar tînin.

4. Hez û hesanî (ji bo) xiriyana<sup>37</sup> êniyên<sup>38</sup> sîti xanan!<sup>39</sup>
5. Hez û hesanî (ji bo) keştiya lê nîştinê!
6. Hezî ji (bo) Wîmaş û Şalanayê.

Mirov di binehişî de Xwedê dişibîne bav, rêber û kesên desthilatdar. Jixwe pêyvên mîna PHE \*tata-, teta- ‘bav, hezkar’<sup>40</sup>, Hurr. *atta* ‘bav’, Hint-Aryan *tāta-* ‘bav, kur, hezkar’, Gr. (Homerkî) *τέτα* ‘ho bavo, Alb. *tatē* ‘bav’, Lat. *tata* ‘bav’, Letonî *teta*, Litvanî *tetis, tete, tetyis* ‘bav’ Russ. *tata*, Romen. *tata*, Kurdî *tata* ‘bav’ (bi Zaravê Hewremî) û hwd. jî destnîşaniya durf û ahenga bi navê Xwedê dikin.

Dema mirov berê xwe dide navên Xwedê yên bi goreyê curbecur zimanan dibîne ku ji bilî ChSl. *bogŭ*, SCr. *bog*, Russ. *bog*, Pol. *bog*, Boh. *buh* ku silavonî ne, yên dinê û bi kurdî wek hev in. Ji ber ku jêderka wan pêyvên Proto-Hînd-Ewropî \*dei-, \*deia-, \*dī-, \*diā- ‘birqok, rewnaq, roj, Xweda, Xwedawend’ in.

## ETÎMOLOJIYA NAVÊ MELEKÊ TAWÎS/TAWÛS

**Navê Melekê Tawûs tê wateya Homanê Tavê, angî Îlahê Tavê/Rojê.**

*Melekê Tawîs/Tawûs*, navekî kurdiya resen e. Di pêşnêrîn û pêşdarazê de ji mirov wêtrê ev navlêk ji navê teyrê tawûs derhatiye. Lê belê ne wusa ye. Berewajiyê wê, navê teyrê tawûs ji wir tê. Beriya hemû galgal û gotinan ka em binêrin koka van navlêkan ji kîjan zimanî ne.

### Etîmolojiya Navê Melek

Hurr. *melku* ‘îlah’<sup>41</sup> bingehê navê melek e. Ev nav ketiye nav zimanên samiyan jî. Lê belê diyar e, reseniya xwe bi horîkî ye. Êzdî gelek caran navê “*Mêrik*” bi kar tînin. Jixwe ev pêyva xwerû ya *melku* yan ji *melek* e.

<sup>36</sup> Ev nave xwedawendên horiyan yê çarenivîsê ne. Jixwe bi Zimanê Horîkî de hud-, xud- bi kurdî ‘pesin, hilovanî’ ye. Her waha Xwedê yê pesnê û hilovan e.

<sup>37</sup> Hur. *deyari*, Kurdî xir ‘hemû’, *heyaronna* jî dibe xiranan angî hemuyan.

<sup>38</sup> Hur. *Enî*, ‘xweda’, *eniya* ‘xwedayan’. Kurdî *enî*, *înî*, *ênî* wateya pîroz, roja pîroz, roja îniyê derbîran dike. Pêyva *en* şûna paşeka -tir, -tirê dibe *en bilind, en nizim, en xurt* û hwd. Angî en di wateya ‘herî’ tê bi kar anîn. Herwaha ketiye nav Zimanê Tirkî jî.

<sup>39</sup> Hurr. *ašti/ašte* ‘jin’, di Zimanê Kurdî de buye sit, sitî, sîtê. Herwusa *ašt(i)-o-ħhe-na* di kurdî de weke sitî xanan, angî sitê xanan+sitî xaniman.

<sup>40</sup> Julius Pokorny, 1056.

<sup>41</sup> RS, 137 Iva 15; <sup>d</sup>*Iš-ku-uš*= *Milkuš*, HT 14, 10; KUB XXXVIII 6 I 12, 15, 23, III 5, IV 11, 21. Saloxdar: Ali Husein Kerim, Destan-Helbest û Mîtolojiya Horriyan, 2014.



Di Zimanê Kurdî de pir caran dengên *r* û *l*, *d* û *z*, *b* û *w*, *s* û *z* bi hev re cîh diguherînin. Heta di Zimanê Kasîtî de *malî* tê wateya ‘meriv/mêrik’ û *Ma-ra-taş* jî ‘Xwedayê Şer’ e.

Mînakî:

*merkû* → *melkû*

*melik* → *mêrik*

*hadî* → *hazî*

*ab* → *av*, *aw*

Serdema Mîtaniyan ya herî bi nav û dengtirîn ya dîroka Horiya ye. Hingê kasta *mariyanû* hebû. Mariyanû ‘zadegan, şovalye’ ji pêyva *mêr* ‘zilam, leheng, mêrxwas’ çêbûye. Ew di rewşeke taybet de bûye *mêrik* ‘tek mêr, yekemîn mêr, mêrek’ ango ‘zadeganê sereke’. Her wusa dengê *r* yê vê navlêkê bi hikara samiyan wek dengê *l* yê hatiye bilêvkirin û ji vî navî navlêkên mîna *melek* ‘ferîşte’, *melik* ‘şah’, *malik* ‘xwedî mulk’ hwd. peyda bûne.

Mêrik, diyar e navê bavê Xweda û Xwedawendên Horiyan yê *Kûmarbî* ye. Bi goreyî kozmogoniya hîndûsan ya kevn *Kumaras* rewşa brût ya bûjenê ye û hebûna giyana paqîş e. Her waha tê wateya tiştê ku qet caran dest lê neketiye. Ev nav bi hevedudaniya ji pêyva *kû* ‘dijwar’ û *mara* ‘mirok, yê dimire’ ve çêbûye û tê wateya ‘yê ku qet namire, kes nikare bikuje’ derketiye holê. Jixwe ev rêwî di “*Destana Şahîtiya Ezmanan*” û “*Destana Îllîlûkûma*” ya Horiyan de diyare. Her wusa di Zimanê Kurdî de *mirov*, *merî* ‘însan’ tê wateya ‘yê ku dimire, mirok’. Lê belê di nav ola Êzdîyatîyê de *merî*, him dibe *melî*, *melik*, *melek* him jî dibe *mêrik*. Çima Êzdî nabêjin *merik*, şûna wê dibêjin *mêrik*? Ji ber ku *merik* di wateya merivekî di rêzê de ye. Lê belê gava ku rewşa tewangê diyar dike û dibe *mêrik*, hingê tê zanîn ku behsa kesayetîyeke bijarte tê kirin. Her wusa ew jî Melekê Tawûs e.

Her waha ji wate û hebûna navê *Kûmarbî* jî xûya dike ku birala (fidana) navlêka *Melek* cara destpêkê di nav Zimanê Proto-Hînd-Ewropî de hatiye çik kirin û koka xwe berdaye bin wî zemînê. Ji ber vê egerê di nav Zimanê Kurdî de jî pir tê bikarînan. Kurdî ferîşte jî tê wateya melek. Lê belê di destpêka hizrê de melek wek mêran, ferîşte jî wek jinan hatiye sêwirandin. Paşê her çiqasî navên melek û ferîşte hev wateyî hatibin zanînê jî, cûdahiya wan bi lêkolîneke asayî tê dîtin.

## Etîmolojiya Tawîs/Tawûs

PHE \**taus-* ‘aram, aşîtxwaz, bêdeng, aşbûyî’<sup>42</sup>, PHE *dieûs* ‘Xwedê’, Luwî û Palayî *Tiwaz*, *Tiyaz* ‘Xwedayê rojê’, Anglo-Sakson *Tiw* ‘Xwedayê ezmên û yê şerî’ ye. Ji bilî van hemûyan Pêyvên Hînd-Ewropî \**diwos* ‘ezman, roj’, \**diwyos* ‘homan, pîroz’, \**dyews* ‘Xweda, ezman’

*Deva*: Di Vedîk û Pûranîkê de navê gelemperî yê Xwedayê hîndîya ye. Ji Rig Vedayê de 33 *deva* hatine destnîşan kirin. *Deva* di Avestayê de bûye navê ‘demonan’

*Dievs*: Xwedayê ezmanan yê Lîtvaniyan (beriya xiristîyanîyê)

*Dionysos*: B.Z. 1500 Xwedayê şerabê yê Yonaniyan e. Hin caran jî jêre *Deunysos* jî tê gotin.

*Duzhî*: Li Afganîstanê herêma Kafir navê Xwedayekî ye.

*Dyaus pîtar*: Xwedayê afirînêr yê hîndûyan. B. Z. 1500, Dî Sanskrîtê de navê wî *Dyaûs* ‘e. Roman *Deûs*, Yûnanî *Zeûs*.

*Eos*: Xwedayê ezmên yê Hînd-Ewropî ye.

Dema mirov bala xwe bide navên Xweda û Xwedawendên jorîn, dibîne ku tîkiliya wan hemûyan bi ezmên û rojê re hene. Jixwe tîkiliya Melekê Tawûs jî bi rojê re ye. Di zimanê Proto-Hînd-Ewropî de \**dî-*, \**dîə-*, \**dîw-* ‘rewnaq, roj’ bûye \**dîeûs* ‘Xwedê’ yanê roj wek Xwedê hatiye hizirkirin.

## Tekiliya vê bi Zimanê Kurdî re çiyê?

Pêyvên kurdî yên mîna *tav-* ‘roj, enerjî’, *taw* ‘hereret, germî’ ji PHE \**dî-*, \**dîə-*, \**dîw-* ‘rewnaq, roj’ mane.

Hurr. *tab-/taw* ‘helandin, hereret’ jî meneya *Tawîs* diyar dike. Jixwe Zimanê Horîkî de paşekên mîna *-ûş*, *-îş*, *-aş* pir gelek in. Ji ber ku horîkî zimanekî fitikî ye. Di dawîya pêyvan de dengên mîna *s*, *ş*, *z*, *j*, *-îs*, *-îş*, *-îz* hertim hatine bi kar înanandin. Her wusa *taw* + *ûs* bûye Tawûs. Heta navê şahê Xwedayên Horityan jî *Teşşûb* e. Bi Orartûyî jî *Teîşeba* ye. Di vî navî de *Teşşûb* yan jî *Teîşeba* berê bûye *Tesûv* yan jî *Teîsew*. (Di Zimanê Kurdî de destûra dengê *b* bibe *v* heye) Her ji vê rêgehê re derbas buye û gihiştîye navlêka encamê ku ev jî Tawûs e. *Teşş(ûb)*, *Teîşe(ba)* tîjikên rojê ne. Jixwe *Teşşûb* di teswîrê xwe de li ser boxeyekî disekine û tîrêjên

<sup>42</sup> J. Pokorny 1056-57, Agahdarî ji Ali Husein Kerim, Kürtçe Etimolojik Sözlüğü (Karşılaştırmalı), Weşanen Enstîtûya Kurdî ji bo Lêkolîn û Zanîst li Almanya, 2013.

rojê yan jî tîrêjên berqwedanê di destê wî de ne.

Ev çawa buye Kurdî?

Zimanê Kurdî bi hev honandina zimanên Hînd-Ewropî û Horîkî bi ser û ber bûye. Kurdî *tav* + *wîs/wûs* → *Tawîs/Tawûs* → ‘yê tav ê, rojê’. Melekê Tawîs jî dibe ‘Homanê Tavê’ ango ‘îlahê rojê’.

Di vê mijarê de rola *Teyrê Tawûs* çiyê?

Ji nav hemû ajalan de yê ku pir dişibê rojê teyrê tawûs e. Dûvên teyrê tawûs wî mîna rojê guloverin û diteyisin. Ji aliyekî dinê li ser her pûrt û perên wî çavîkên sor û zer hene û ew jî dişibên rojê. Heta dibêjin ku ew her yek çavekî Xwedê diyar dikin. Ji ber vê egerê Kurdan navê tavê li vî teyrî kirine û jêre dibêjin *teyrê tawûs* ango ‘teyrê tavê’ yan jî teyrê deûs (Xwedê).

## ETÎMOLOJIYA NAVÊ ŞÊX ADÎ

Şêx Adî, di Ola Êzdiyan de kesayetiyek pir girîng e. Mîna ku Ew giyan û rûye zêrîn yê vê olê ye. Rastiya ola Êzdiyatîyê ji wir dibiriqê. Lê belê ji bilî Êzdiyan kes wê nabîne.

Derbareyê kesayetî, behremendî û felsefa Şêx Adî tiştên curbecur tên gotin. Êzdiyatî oleke xweser, tekûz û ser û ber e. Dîsa jî gelek lêkolîner, guhêzbar, teolog û dîrokzan hewildanên Şêx Adî bi musulmaniyê ve girê didin. Mixabin ew, di vê babetê de bi tenê ji sala 1100’î pê ve dinêrin. Ya rastî di dîroka ol û baweriyên Asya-Nêzik de bi sedan navên *Adî* (yên Xweda û rêberan) hene. Ev jî eşkere dike ku *Adî* ne bi tenê navek e, her wusa ûnwanekî dîrokî ye.

Ji bo vê angaştê biselimînin, divê berê xwe bidin kahniya jêderka vî navî.

## Etîmolojiya Navê Adî/Hadî

Di ola Êzdiyatîyê de pirsgirêka nasnameya Şêx Adî heye. Gelo kesayetiyek wusa hebû yan na? Eger hebû, îjar ew sofîyekî musulman yê sunnî bû yan Êzdî bû? Ew Kurd e, yan Ereb e? Derbarê van pirsan heya naha ti bersiveke tekûz nîne. Bi gorî agahiyên niviskarên serdema XII. Ew, şagirtê Gazalî, hevalê nêzik yê Şêx Abdulqadirê Gêylanî ye. Seranser ew wek alîgîrekî tundraw yê Emeviyan hatiye danasîn. Heta dibêjin ku ew bi xwe ji binemala Emewiyan e.

Dema mirov rewşa hingê ya Kurdên çiyayê Şengalê disêwirîne, bawer nake ku kesekî zimanEreb bikaribe hikareke wusa mezin li wê heremê bi asanî çêbike. Ji ber ku Kurdên li wê heremê ne hozên Efrîqî yên

wooddakar, ne jî wek seretayên li nav daristana Amazonê bûn. Ew gelê devereke ku şaristaniyên mezin lê hatine peydabûnê ne. Ji ber vê egerê mirov bawer nake ku Kurd hema wusa asanî mirovan bilindî asta homandinê bikin.

Eger Şêx Adî nesebEreb bûya, diyar e ku wî kurdî nizanibû. Baş e, wî Gelê Kurd çawa serwext dikir? Beriya her tiştî, dema ku Şêx Adî weaz dida çend kesan jê fehem dikirin? Pirtûkên ku wî dinivisand, çend kesan dikaribû bixwînin? Ji ber van egeran mirov dikare bêje ku, hebûna vî navî û vê kesayetiyê di nav xumamê de ye. Divê perdeya mijê bê rakirin ta ku mirov rastiye bibîne. Ji ber vê sedemê emê ji etîmolojiya, ango ji kahniya jêderk ya navê Adî dest bi mijarê bikin.

Beriya ku em şîrovekirina jêderkên navê Adî bikin divê bê zanîn ku B.Z. 1175'an li Şengalê Welatek jê re digotin Kurda hebû û navê şahê wê jî Hamûrabî Kurê Aştamar Addû ye. Ev dewlet caracaran serbixwe û carcaran jî wasalê Babilê bû. Navê Hamûrabî Kurê Aştamar di nivisarên şahê Marîyê Zîmrî-Lîm de wek Hamûrabî şahê welatê Kurdan hatiye nivisandin.<sup>43</sup> Navê Lalleşê yê antîk jî Alşe ye. Dibe ku Aştamar Addû navê bav û bapîrê ew kesên ku welatê Kurdan avakiriye be. Her wusa ev nav bûye inwanekî gerdîşî.

### Bi Goreyî Zimanê Hînd-Ewropî Navê Adî

Koka navê *Adî*, hewqasî ya mirovahiyê kevn e. Dema mirov bala xwe dide dîroka ol û baweriyên, gelek nav û navlêkên ji *Ad-*, *Adî-* dest pê dikin dibîne. Tu dibêjî qey ev nav bûye gerdîşa hemû ol û baweriyên (Navê Adem bînin bîra xwe).

Pêyvên PHE mîna \**ad-* 'ji', \**h<sub>2</sub>ed-* 'ji ... -yê', \**ant-s* 'berê', Skt. *adî* 'yê/ya destpêkê, resen, xweser', ku navê *Adî* wateya 'yê ji destpêkê', 'ji qal û bela yê', 'yê xwerû, resen, homan' rave dikin. Jixwe kahniya jêderk ya navê Adem bi xwe jî ji van pêyvên derhatî ye. Grk. *Adamas* 'bêhempa';

### Bi Goreyî Zimanê Horîkî:

Hurr. *attai-* 'bav', *abîwî* 'destpêk', *edî/îdî* 'kes, bixwe', *heldî* 'hilovan, bilind', *hazzîzzî* 'jîr û zana, hajêyî'. Bi goreyî horîkî *attai-* 'bav', hingê wateya navê *Adî* dibe 'bav, bapîr'. Her waha li ser vê analîzê Adî navê bapîr û sazkarê Êzdiyatîyê destnîşan dike.

Serdema hîtîyan niviskar û zanyarekî mezin neseb horî li payîtext

<sup>43</sup> Dominique Charpin, Hammurabi of Babylon, 2012, New York

Hatušša dijiya û tablêtên bi mixî dinivisand. Navê wî Mîtannamûwa bû. Ew niviskarê taybet yê şahê hîtîta ye. Pênc kurên wî hebûn û navê yekî ji wan Addûwa ye<sup>44</sup>.

### Bi Goreyî Zimanê Îbranî

Di Zimanê îbranîkî de *Adî* tê wateya ‘gevher, cewahir’ e. *Ado(nî)* ‘efendiyê min, ez benî’.

Navên *Adî*, *Azî*, *Hadî* û *Hazî* bilêvkirina heman navî ne. Di belgenamêyên dîrokî de tê dîtinê ku piraniya pêyvên teknîkî yên olên Asya Nêzik bi horîkî ne. Hetta navê Jetro yan jî Letro yê kû xezûrê Mûsa Pexember e, bi horîkî ye û ji pêyva attayî ‘bavo’ hatiye honandin. Di nivisarên mixî de kurtepêyva *lu* îdeograma mirov e, *et* jî bi horîkî attai ‘bav’ e. Daçeka *-ro* diyare devoka Medyana li herêma kenaniya ye. Yanê Letro tê maneya pîr, bav û yhw. Lê diyare dema ku jina Mûsa Zîpûrahê xwîşkên wê gazî bavê xwe dikirin digotin Lo Attro ‘lo bavo’. Jixwe navê Zîpûrahê jî horîkî ye.

### Bi Goreyî Baweriya Hînd-Aryani:

*Adîtî* navê Xwedawenda mezin ya Hînd-Aryana ye û mena navê wê jî ‘bêdawîti’ ye<sup>45</sup>. Her wusa hîndûs wê wek *Dîw* jî nas dikin. Di çanda Hînd-Aryanan de *Dîv* û *Sîmurg* her yek in. Bi goreyî baweriya wan ev *Sîmorg* li ser hêka gerdûnî biqupî ye. Ev hêk jî tovê dunyayê ye. Piştî biqupandina *Sîmurg* ew bûye cîhan.

Di nav olên mîna Sabiyîti, Yahûdîti, Manîhîzm, Xiristiyanî û Îslamê de navên hin kes yan jî ûnwanên mîna *Adî*, *Addaî*, *Hadî*, *Ado(nî)* hene.

### Di Tewratê de Navê Adî:

Ev nav, di Ola Yahûdîtiyê de ji bo *Yawhev* ‘Xwada’<sup>46</sup> hatiye bi kar înan û paşê derbirana vî navî hatiye qedexekirin. Wateya ‘Efendiyê min’, ‘ezbenî’ dide. Di tewratê de ev nav heye. ... Îbrahîm bersiv da: “*Adonâi* (efendiyê min, ez benî) *Yehova* (Xwedayo), *tu yê çi bidî min? Ez bê*

<sup>44</sup> Shai Gordin, Scribal Families of Hattuša in the 13<sup>th</sup> Century BCE, A prosopographic Study, 2088; Mascheroni, L. M, bi hurriti a Boğazköy: una verifica prosopografica”, 1984:160; Bryce, T. R. The Kingdom of the Hittites (New Edition). Oxford, 2005:231 f.

<sup>45</sup> Masato Tojo, Mitraism, An Introduction to the Simorghian Culture and Mithraism in the Asia, Mitraeum Japan, 2009

<sup>46</sup> Herwusa *Yawhev* bi xwe jî bi Zimanê Îbranîkî bilêvkirina navê *Xwadê* yan jî *Ya Xweda* ye.



*zurriyet dimirim; û mîratgirê mala min jî Elîzerê Şamê ye.*<sup>47</sup> Wek tê zanîn Îbrahîm bi xwe jî esil Hori ye. Adonai tê wateya ‘bav, mezin û efendî’. Her wusa Îbrahîm piştî koçberê welatê kenaniyan kiriye jî ev gerdîşa Horiyan meşandiye.

### **Di Încîlê de Navê Adî:**

Di Încîla Mateî 22:42-46 de behsa Adonai tê kirin. Ji bilî vê ya herî girîng di destpêka Xiristiyanîyê de Doktirîna Addai ye. Addai yek ji nav 72 hewariyê Îsa ye<sup>48</sup>. Ew, kesê ku cara yekemîn paşayek û tevî bendeganê wî kiriye xiristiyan e. Navê vî paşayî Abgarê Reş e û navê dewleta wî jî Orşana ye û payîtexta wê jî Edesa ango Ruha ye. Ev bûyer bi goreyî efsaneyekî hê ji dema ku Îsa dijiya rûda ye.

### **Di Baweriya Sabiyan de Navê Adî:**

Di pirtûka sabîyan “Haran Gaveyta” yê de behsa navê Adonai hatiye kirin. “...û (ew) bi hêz û banga jiyana şahê rojê heya dawîya emrê xwe jiyân. Ê wan hez ji Rebb, ango Adonai kirin.”<sup>49</sup> Haran Gaveyta ji bo herêma Haran û çiyayên Amanosan re tê gotin (Deşta Heranê jî tê de). Gelek çavkaniyên dîrokî Haran Gavetya’yê wek heremeke Medyayê nîşan didin.

### **Di Manîhîzmê de Navê Adî:**

Behsa navên mîna Addai, Adimantus, Ozeos û Îzdanbakh tê kirin. Lêkolîner dibêjin ev nav hemû jî, ji yê Adî derhatine. Ew hevalbendê Manî yê herî nêzik in û hizir û ramanên wî li Afrîka û Asya Navîn belav kirine.

**Di Pawlîkanîzmê de Navê Adî:** Pawlîkanî xiristiyanîyeke heterodoks e. Ango xiristiyanîyeke batini ye. Dibêjin ew di bin hikara hizrên Addai yê Manîhîst mane û li dijî îkonan, lûksê û pêykeran bûn.

### **Di Îslamiyetê de Navê Adî:**

Di Îslamiyetê ev nav wek Adî Bin Mîsafîr tê zanîn. (1075- 1162)

### **Di Êzdîtîyê de Navê Adî:**

<sup>47</sup> Geneza 15:1-2

<sup>48</sup> Benjamin Walker, Gnosticism, Its History and Influence, A concise survey of gnostic thought from its pre-Christian origins to its modern manifestations, The Aquarian Press, Wellingborough, Northamptonshire, 1983.

<sup>49</sup> Haran Gaveyta, r. 3; E. S. Drower, Haran Gawaita and the Baptism of Hibil Ziwa, Vatikan1953)

Bi gorî gelek lêkolîneran Şêx Adî, kesê ku bingehê Êzdîtiya îroyîn damezrandiye, ew bi xwe ye. Ji aliyekî dinê ve Ew tenasuha Melekê Tawûs e.

### **Navên Xweda û Xwedawendan yên ku Durif û Dengvedana Navê Adî tê de Hene:**

**Adad/Haddad:** Xwedayê Babîl-Akkad yê av û hewayê (B.Z. 1900î heya B.Z. 200).

**Adanûs:** Kurê Uranûs, yê ku bajarê Edeneyê avakiriyê.

**Adams:** Li Anatoliyayê afiredeyê sereta yê ku du cinsiyet e.

**Adephagia:** Xwedawenda ferexuriyê.

**Adhîmûktîcary:** Navê Xwedayekî piçûk yê bûdîstan e.

**Adhimuktivasita:** Navê Xwedayekî Bûdîst e.

**Adî:** Di Hîndûyîzmê de navê demonekî dikeve şiklê mar yan jî teyrekî. Her wusa ev pêyv tê wateya resen, cevher, yekemîn û weke Adi-Bûdha jî tê bikaranîn.<sup>50</sup>

**Adî-bûddha:** Bûdhayê xweser.

**Adiharma:** Xwedawendeka destpêkê ya Budaperestên Tîbet.

**Adikia:** Xwedawenda dadweriyê ya Yonanan.

**Adîmûrtî:** Xwedayekî Hîndûyan

**Adîtî:** Xwedawendeka Hîndûyan e û weke dayîka Xwedayan tê zanîn. Ew heman demê de dayîka 12 Adîtyasan e.

**Adîtya:** Navê hevbeş yê Xwedayên rojê (Vedîk-Pûranîk)

**Adonîs:** Di Mîtolojiya Yunan de mirîvanê ku evîndarê Afrodît û Persephonê ye. Ew nûneriya buharê ye. Çîroka wî û ya Dûmûziyê Mezopotamya wek hev e.

**Adranus:** Xwedayekî li Sîcîlya hatiye naskirin

**Athena:** Xwedawenda Yonanan ya şerî û parastvana Atînayê ye.

**Hazzî:** Xwedayî çiyayê horî û hîtîtiyan

**Hades:** Xwedayê cihana bin erdê ye.

**Îzates:** Kurê şahê Adiabenayê ye. Wek Ezad û Azad jî tê zanîn.

**Azazel:** Di ola Êzdîyatîyê de navê serekê ferîşteyan e.

Di wêjeya olî ya Hînd-Aryanî de, Xwedayê hîndûyan re dibêjin **Adî-Dev**. Ji bo Xwedayê afirênêr Brahma **Adî-Kartha**, Ji bo Destana Ramayana **Adî-**, bo Îndra **Adî-Kavya**, Ji kosmîka sifte **Adî-Pûrûşa**, Ji bo dayîka Xwedawend re jî **Adî-Şaktî** tê gotin.

**Advaita:** Yekbûn yan jî non-dualitiya (nedualîtî) filozofiya Vedanta.

<sup>50</sup> Julien R. Fielding, *Discovering World Religions at 24 Frames Per Second*, Scarecrow Press, Inc. Amerika

Sedsala hivdemîn weke reforma Hîndûyîzmê tevgeriya ye.<sup>51</sup>

### **Cîh û Bajarên ji Navê Adî Derhatine:**

**Adîabene:** Adîabene navekî kevn yê bajarê Hewlêrê ye.

**Adrî:** Bajarekî li ber derya Adrîyatîkê ye. Dibêjin navê împaratorê Romayê Adrîanûs yan jî Hadrîanûs jî ji wir tê. Heta dibêjin ev nav ji Zimanê Etrûşkî maye.

**Adana/Edene:** Ji navê Adonîs der hatiye.

**Adrîyatîk:** Navê Deryakî li rojhilatê Îtalya.

**Adîyeman:** Ev nav ji pêyva horîkî *attaiman* ‘bavên me’ derhatiye. Hîtîti ji vê derê re dibêjin *Atîman/Etîman*.

Wateya hemû nav û unvanên ku ji navê *Adî/Hadî/Hazî* derhatine wekhev in. Ango *Adî* tê wateya ‘yê sifte, ‘yê jîr û zane’, ‘rêber’. Her wusa, *Xwediyê herî nêzik*, ‘mafdarê yekemîn’ û navê *Adî* jî hev wate ne.

### **ETÎMOLOJIYA NAVÊ ŞÊX ŞEMS**

Koka navê Şems ji Hurr. *šimigi* ‘roj, tav’ derhatiye. Navê Xwedawenda rojê ya Horian *Šimegi* yan jî *Šemige* ye. Dibe ku yekser notila *Šemiš* jî dihate gotin. Ev nav pašê di serdemê Kasîtiyan de li Babîlê bûye *Šamaš* ‘Xwedayê parastvan yê Babîl’. Her wusa di Zimanê Erebî de bûye *šems* û tê wateya rojê. Ango ne diyar e, ev pêyv bi horîkî yan samîkî ye. Diyarê bi Horîkî ye. Ji ber ku PHE *\*sem<sub>3</sub>*- ‘havîn, germiyan’ taqetê dide vê hizrê.

Pêyva bi horîkî *šimige* ‘roj’ di kurdî de gelekî berfireh tê bi kar înan. (*şemî, yekşem, duşem, sêşem, çarşem, pêşem*)

Di Encamê de diyar dibe ku:

*Malku/Meriaku* bi Zimanê Horiyan ‘îlah, zadegan’ → Melek (pir caran dibe Mêrik)

PHE *dieûs* ‘Xwedê’, Lûw *Tiwaz* ‘Xwedayê rojê’, Kurdî *tav* → *Tawûs*

Her waha ev jî dibe *Melekê Tawûs* ‘Îlahê rojê’

*Adî* yan jî *Hazzî* ‘Xwedayê çiya yê Horiyan’, ‘yê destpêkê, rêber’ → Şêx Adî

<sup>51</sup> Roshen Dalal, *The Religions of India: A Concise Guide to Nine Major Faiths*, Penguin Books India, 2006.



Her waha *Şêx Adî* ‘rêberê Jîr û zana’

*Şêx Şemş* → ‘Jîr û zana û rêberê rojê’

## ETÎMOLOJIYA NAVÊN ADEM Û HEWA

Bi goreyî ol û hin mîtolojiyan navê bavê mirovahiyê yê destpêkê Adem û navê dayîkê jî Hewa ye. Heya naha ev nav bi kîjan zimanê ne û tên çî wateyê bi tekûz nahatiye selimandin. Ji ber ku ev navên şanaz ne bi Zimanê Samiyan, ne jî zimanên dinê bi wateyeke têra xwe nehatiye şîrovekirin.

Adem û Hewa bav û dayîka mirovan yên despêkê ne. Ji ber vê sedemê jî mafê mirovan heye ku bizanibin ka ev nav bi kîjan zimanê ne û mena wan çî ye? Ji ber vê sedemê mijara vê gotara me ya vê carê li derbareyê Etîmolojiya navên Adem û Hewa’yê ye. Bi goreyî lêkolînan diyare ku navên Adem û Hewa bi Zimanê Horîkî ne.

Her waha:

Horîkî *attayî* ‘bav’; *attayîarde* ‘bav û kal’; Urartuyî *ate* ‘bav’<sup>52</sup>

-*m* ‘morfema/yeketeşeya kesê yekemîn, di Horîkiya kevn de jî *-me* ji bo kesê siyemîn tê bi kar anînê

Mînakî:

*En(i)=n(a)=až=už attain=ve=n(a)=už* ‘Xwedayê bav’

*Atta(i)=ard(e)=iff=aš* ‘bav û kalên me jî’

*en(i)=na=aš=ta attan(i)=ne=va=NA=a š=ta* ‘ji bo Xwedayên bavê te’

Her wusa:

*atta(y)î + m* → *ataîm* ‘bavê min, bavê me’ derketiye hole û paşê jî bûye *Adem* ‘bavê mirovahiyê’ yan jî ‘bavê destpêkê.’

Pêyva *attayî* ne bi tenê di Zimanê Horîkî de heye. Ev pêyiv hemen dem di nav zimanên Hînd-Ewropî de jî bi tewrekî berfireh tê bi kar anînê.

Mînak:

Proto-Hînd-Ewropî \**attos-*, \**atta-* ‘bav, dayîk’<sup>53</sup>; Hînd-Îranî *atta-*

<sup>52</sup> Jensen, ZA 5, 199; Speiser, IH 56; RS quadr. 130 II 9; E. Laroche, Glossaire de la langue hourrite (Revue Hittite et Asianique, 34-35) Editions Klincksieck, Paris 1980; Arnaud Fournet & Allan R. Bomhard, The Indo European Elements in Hurrian, La Garenne Colombes, Cherleston, 2010

<sup>53</sup> Pokorny, 71, WP. I 44, WH. I 77, Feist 62, 233, Trautmann 16

‘xwîşka mezin, dayîk’; Avestî *āθwya* ‘unwanê zadeganiyê’; Grekî *ἄττα* (atta) ‘bavo’; Lattînî *atta* ‘bav, yê ku diafirîne’; Gothî. *attta-* ‘bav’, Tocharî A *ātäl* ‘mêrik, şû’; Etrûskî *atî* ‘dayîk’<sup>54</sup>, *aterî* ‘dêbav, bav û kal’<sup>55</sup>. Her wusa di gelek zimanên modern de jî *ata* û *tata* di wateya ‘bav’ de tê gotinê. Hetta di zaravayê Kurdî Hewremanî de jî *tata* ‘bav’ e.

Mirov Xweda yan jî Xwedawendan mîna bav û dayîkan dihizirin. Paşê jî rolên afirandinê didin wan û derbareyê wan de curbicur mîtolojî û serhewdeyan durust dikin.

Wek mînakên jorê jî diyar dike ku navê Adem ji Zimanê Horîkî ye û wateya ‘bav’, yan jî ‘bavê destpêkê’ dest nîşan dike. Her wusa gelek deveran di nav nivisên Horiyan de pêyvên mîna *ad-*, *ad-î-* wateya yê yan jî ya destpêkê hatiye bi kar anîn. Ji ber vê egerê mirov dikare bi dilekî asûde biselimîne ku çavkaniya vî navî Zimanê Horîkî ye. Diyare ji Horiyan derbasî nav zimanên samiyan jî bûye. Asurî yan jî kenaniyan ev nav li Xwedayê bagerê jî kirine. Ango bi Xwedayê bagerê re gotine *Addû*, *Addad* yan jî *Haddad*.

Navê Xwedayê bagerê yê horriyan *Teşşûb* e. Navê jina wî jî *Heba(t)* e. Ev herdu Xweda heman demê de mêr û jinên hev û du ne û jimarek Xweda jî kur û keçên wana ne. Ango dê û bav in.

Di vê navberê de navê *Heba(t)*ê jî bala mirov pir dikişîne ser xwe. Ji ber ku *Heba(t)*, serkeş û dayîka Xwedawendên Horiyan e û di belgenameyên dîrokî de di salên B.Z. 2000’î de behsa wê tê kirinê.<sup>56</sup> Ev Xwedawenda Horiyan ji hêla Hîtîtiyan ve jî hatiye hebandin. Hetta ev nav gihiştiye nav qada perestişa Yewnanî û romanî jî. Navê Xwedawenda ciwaniyê ya Yewnanan *Hebe* ye.

Di Zimanê Horîkî de:

*Anammi=tta* *ħaž=i=mma* *Tado-Heba=tta* ‘her wusa hajê min be Tado-Heba’<sup>57</sup>

<sup>54</sup> Guiliano Bonfante & Larrisa Bonfante, *The Etruscan Language. An Introduction*, 214, Manchester University Press, 2002

<sup>55</sup> Guiliano Bonfante & Larrisa Bonfante, *The Etruscan Language. An Introduction*, 214, Manchester University Press, 2002

<sup>56</sup> Michel Jordan, *Dictionar of Gods and Goddesses*, 1941.

<sup>57</sup> Catsanicos 1996: 225 (ChS I/I 41 iii 63)

(9) hbtd. *Dqtd* ‘ji bo Hebatê û Daqîtû’<sup>58</sup>

Diyar e, navê bav û dayîka mirovahiyê Adem û Hewa ji Zimanê Horiyan ketiye nav rupelên pirtûkên pîroz yên olên tek Xwedayî. Ji ber ku dîroz û dîrudên horriyan pir bi nav û deng bûn. Ji ber vê egerê pêyvên teknîkî yên di dema ayînan de, hetta amrazên perestgehên Horiyan, ji hêla hemû gelên antik yên Asya-Nêzik, Yewnan û Misrê ve hatine bikaranîn.

Di nav olên tek Xwedayî de cara destpêkê di ola Yahûditiyê de behsa navên Adem û Hewayê hatiye kirin. Dema mirov têkoşîn û jiyana pêxember Mûsa lêkolîn dike, bi awayekî eşkere pêdihese ku çavkaniya navên Adem û Hewayê bi Zimanê Horîkî ne û Mûsa Pêxember ev nav ji wan wergirtiye. Mûsa pêxember dema ku ji Misirê direve diçe kuderê? Diçe *Mediyanê*. Navê Mediyanê bi goreyî dengên samî weke MDYN tê nivisandin. Eger ev nav ji demên pir kevin ve mabe û mirovan bi tenê nivisên samîkî xwandibin gelek caran bilêvkirina wê ya rastî nikarin vexûyînin. Ji ber vê egerê MDYN wek *Medyan* xwandine. Ya rastî dibê ev nav wek *Mi-dta-a-nni* ango *Mitanni* bête xwandin. Mirov vê rastiye bi saya hinek navên wê hînge ve bi şeweyekî berfireh dikare biselimîne.

Her waha:

Navê Xezurê Mûsa YT-RW ango *Yetro* yan jî *Jetro* bi horîkî ye û ji pêyva *attaî* ‘bav’ derhatî ye. Diyarê Horiyan bi keşeyên xwe re wek *attal/tata* ‘bavo’ yan jî *ya atta* ‘yabo’ bang dikirin. Îro jî xiristiyan bi keşeyan xwe re dibêjin ‘ya bo, yan ji bavo’. Her wusa *Yetro* jixwe him bavê *Zipporah* a jina Mûsa ye û him jî keşeyekî Horiya ye jî. Navê *Zipporahê* ji *Huppi* ‘navlêkeke ji yê dayîka Xwedawend *Hepayê*’ derhatiye. Diyarê hizir û ramana Adem û Hewayê hê ji hêyama Horriyan dest pê kiriye.

Navê *Zipporaha* keça *Yetro* ango nave hevsera Mûsa bi Zimanê horîkî û curbecur wateyan vî navî hene. Lê belê hemû jî nêzikî hev in.

Mînakî:

Horîkî *zî* ‘kuliçe’ + *pe* ‘işareta nave Hepatê) + *puram*<sup>59</sup> ‘berdestî’ → *zîpûra(h)* ‘berdestiya ku nanê hepatê pêşkêş dike’. Ew nav li serhev dibe

<sup>58</sup> Ayîna Atarû ya dayîna boraqê, RS 24.261. Ev riste bi goreyê elfabeya Ugarî31 hatiye nivisandin. Ji ber vê egerê wek erebî bi tenê tîpên bêdeng hatine nivisandin.

<sup>59</sup> UR <sup>LU</sup>*pura, puraa*; RS 137 III 4; Ugar. V 244, 455; RS 137 III 4; Ugar. V 244, 455

'ya ku *zî(ppîni)yê*<sup>60</sup> dide Hepa'yê'. Piraniya navên keçên Horiyan bi – *Hepat* yan jî *Hebat* 'ê dihate girêdan. Mîna *Tadû-Hepa*, *Gilû-Hepa*, *Pudû-Hepa* û *Zîlu-Hepa* û hwd.

## AZAZEL

Ev navlêk ji Zimanê Horiyan maye. Bi goreyê nivisên olî yê îbraniyan Azazel endamê komek ji ferîşteyan e. Heft seriyê wî wek yê maran, çil rûçik û bîst baskên wî hene. Tê gotin ku ew Xwedayekî samiyên î kevn e. Her waha ferîşteyê cara despêkê ji ezmanan (Bihuştê) daketiye, ew e.

**Hazzî:** Xwedayî çiyên yê horî û hîtîtiyan + Hurr. **heldî** 'hilovan, bilind' → *Hazzîheldî* → *Hazîzeld* → *Hazazhel* → *Azazhel* → *Azazel* 'Xwedayê çiyên yê 'hilovan û pîroz'

*Hazzîzê/e* 'haj lê, jîr, bi hêz', *zalmî* 'pêyker', *heldî* 'hilovan, bilind'. Di kurdiya hevdem de tê wateya 'hêza hil(ovan)' yan jî 'hêzê lez'.

Ev navlêk, di nav Zimanê Îbranîkî de jî hatiye bikarînan û pêyiv bi pêyiv wateya 'yê xurt, yê bilind' destnîşan dike. Lê belê ji aliyê olî ve wateya wê hatiye guherandin û bûye *dûlêr*. Yan jî ew kesê ku mirovan ji *dûlêran* davêje. Beriya Îslamiyetê li Palmîrayê Xwedayek navê wî Azîzos hebû. Wek stêrka sibeh û êvarê dihat zanîn. Gorî baweriya mirovên wê hingê Azîzos rê nîşanî hesp û hêstiran dida.

Navê *Azazel* û *Azîmûn* Xwedayê Sabiyan nêzikî hev in. Koka nêv *Az-* e û hevwateriyê navê *Adî* ye. Her wusa wek rengdera *azîm* 'hilovan, bilind, gewremend' derbasî nav Zimanê Erebî jî bûye. Her wusa Di Quranê de behsa 99 navên Xwedê tê kirin û *Azîm* jî navek ji wan navaan e. *Azîm*, pir caran wek *adîm* tê bilevkirin. Diyare pêyva Horîkî *Ad-* bi zimanên samiyên wek *az-* hatiye bilevkirin. (Ji ber pirsgerêka dengvedana dalîn û zalînê)

Diyare koka navlêka *Azazel* jî wek *Hazzî* diçe li ser navê *Adî*.

### Navê Xweda û Ferîşteyên wek navê Azazel:

*Azael* (Asiel): Ferîşte ye û Xwedê hêzekî mezin dayê. Yek ji wan ferîşteyên ku tevî jinên mirîvan raketibû .

*Azar* (Azûr): Ferîşteyê nehê qanûnê ye.

*Azaradel*: Ferîşteyê ku nehîniyên hîvê dabû mirovan.

*Azarguştasp*: Yek ji herdû ameşa spentasên îraniyan e yê herî nêzik

<sup>60</sup> *zippinni* 'kulîçe' NINDA zi-ip-ipi-in-ni, KUB XXXII 129 I 21

Di serdema horiyan de ji bilî ajalan, nan jî wek boraqê pêşkêşî xwedayan dikirin.

Xwedê ye.

*Azariah*: Navek ji yê Îsrafil e. Di pirtûka Tabîtê de behsa navê wî tê kirin.

*Azarias*: Ev jî navekî Îsrafil e.

*Azariel*: Ferîşteyê yek ji bîst û heşt qesrên li hîvê ye. Her wusa ferîşteyê av û erdê ye jî.

*Azarxurdad*: Yek ji ferîşteyên Îrana antîk e.

*Azdai*: Ferîşteyekî Mandena yê perwerdê ye.

*Azer*: Ferîşteyekî êgir yê Zerdûştiyan e.

*Azfiel*: Parastvanê qata yekemîn yê ezman e.

*Azibeel*: Ji ber ku bi jinên mirovan şabûye ji ferîştebûnê hatiye avêtin.

*Azkael*: Serkêşê 200 kesên ji ferîştetiyê hatine avêtinê ye. Ji ber ku ew ji bi jinên mirovan şa bûbûn.

*Azliel*: Ji yek wan çardeh ferîşteyên ku bi navê Xwedê ayîn rêve dibirin.

*Azrael*: Jê re dibêjin Azrail, Aşriel, Azriel, Gabriel. Şahê ferîşteyên koma dûpişkan e. Navê wî yê gelepêrî Azrail û Gabriel e. Fêrîşteyê mirinê ye û li qatê sisemîn yê ezmên dimîne.

*Azra'il*: Bi goreyî Kabalayê ew li bakûrê Bihuştê dijî.

*Azza*: Ji ferîştebûnê hatiye avêtin.

*Azzael*: Jêre Uzza û Azza jî tê gotin.

## DERDAÎL

Ji bilî Ezazel pêwirên alîkarên Yêzdan yê dinê zêde diyar nînin. Diyarê Yêzdan kolektîvîzmê salix dide, lewma heft ferîşte afirandiye. Lê belê bi goreyî sîsteme afirandin û helwesta Ezazîl xwepêstî û takekesî derketiye li pêş. Diyar e ku rewşa kolektîvîzmê berê hebû. Lê belê anegoreyî sîstema civakî ya qatqatan/kastan paşê hatiye guhorandin.

### Etîmolojiya navê Derdaîl:

Ev nav ji Horî û Kasîtiyan maye. *Dûr* navê 'Xwedayekî bin erdê' yê Kasîtiyan e. Ev nav di Zimanê Horîkî de wek *Enna Tûrîna* 'Xwedayên jêrê' yê dogehê' hatiye diyarkirin. Di Zimanê Hîtîtiyan de jî jê re dibêjin *katteres siunes* (katerres 'jêrê' bi kurdî dibe ketê re. Ango ji lêkera ketinê derhati ye). Xwedayekî Hurrî û Hîtîtiyan yê rewşa hewayê jê re digotin *Tara* û paşê jê re gotine *Tarhûnt*. Ev Tarhûnt bavê *Telîpînû* ye. Xwedavendekî Hîndiyî navê Tara jî heye, ew Xwedawend hêza daxwazê ye.

Ji aliyekî dinê bi horîkî *tûrûhî* 'zilam, nêr' di Zimanê Kasîtiyan de bûye



*durûg* ‘mêr, nêr’<sup>61</sup>

Kasîttiyan ji ezmên re digotin *i-lû-lû*. Bi goreyê baweriya wan Bihuşt li ezmanan bû. Ji ber vê egerê ji Bihuştê re jî digotin *i-lû-lû*<sup>62</sup>. Bi Zimanê Horiyan ji bilî *en*, ji Xwedê re digotin *Îllîl*, *ellîl*. Jixwe ev nav ji bilindbûnê derketiye holê û kurdî *hil* wateya ‘jor’ û ‘bilindbûnê’ destnîşan dike. Diyar e ku ev nav, navlêk yan jî pêyiv bi samîkî ango babîlî nîne. Ji ber ku navê ezmên yan jî Bihuştê bi babîlkî *šamû* ‘ye. Diyar e, navê bajarê Şamê ji wir derhatîye.

Ev nav û navlêk çawa bûne Derdayîl?

Horîkî/Kassîdî *Dûr* ‘Xwedayê bin erdê’ + *i-lû-lû* ‘ezman, Bihuşt’ = *Dûrilûlû* ‘Xwedayê Bihuştê’ → *Derdayîl*; yan jî Hurr./Kass. *turûh/dûrûg* ‘zilam’ + *i-lû-lû* = *Dûrdilûlû* ‘dergevanê Bihuştê’ → *Derdayîl* derketiye holê. Mirov di Zimanê Proto-Hînd-Ewropî de jî dikare xwe bighîne jêderkên van nav, navlêk û pêyivên ku navê Derdayîl jê peydabûye.

Her wusa:

PHE *\*dhur-*, *\*dhur-* ‘derî’<sup>63</sup> + PHE *\*dhel-* ‘rewnaq, biriqî’<sup>64</sup> = *dhurdhel* ‘dergevanê rewnaqiyê’ → *Derdayîl* ‘dergevanê Bihuştê, Dergevanê rewnaq’ derdikeve holê. Mirov dikare vê sentezê bi şêweyekî baweriya Êzdiyan ve biselimîne. Wek tê zanîn Êzdî pêle şîpaneka deriyan nakin. Başê, ji bo çi pêlî şîpanekê nakin? Diyar e, ji ber hurmeta *Derdayîl*, ango hurmeta ‘dergevanê rewnaq, pîroz’ pêlî şîpanekê<sup>65</sup> nakin.

Jixwe di nav *pûranasên*<sup>66</sup> hîndûyan de jî rastî navê Derdayîl dibe. Navê Xwedayekî alîkar û piştevan yê Hîndûyan *Dhara* ye. Durfên wî lotûs, kotan, tizbiya sor û rim e. Eger Skt. *Dhara* ‘rim, ceryan’ û PHA *\*deiā-* ‘Xwedê’ yekhev be dibe *Dharadeia* ‘Xwedayê rimê’ û her wusa, divê paşpirtika *-il* jî bê şîrovekirin. Ev paşpirtik mezinbûn û pîroziyê dide nav û navlêkan. Her waha navlêkê *Dharadeia* ‘Xwedayê rimê’ + *-il* = *Dharadeiail* ‘Xwedayê rimê yê hilovan’ → Kurdî bûye Derdayîl. Ango ew kesê ku rima Xwedê di destê wî de wateya Derdayîl destnîşan dike.

<sup>61</sup> Emmanuel Laroche, Glossaire de la langue hourrite 1980:274. (= Revue Hittite et Asianique, 34/35.) Paris: Éditions Klincksieck.

<sup>62</sup> Albert Tobias Clay, Personal Names from Cuneiform Inscriptions of the Cassite Period. Reprinted 2009:37, Biblio Bazaar

<sup>63</sup> Julius Pokorny, 278-79.

<sup>64</sup> Julius Pokorny, 246:2

<sup>65</sup> Eşîga derî, şêmûg.

<sup>66</sup> Pûranas, nivisên derbareyê xweda û şahên hîndûyan yê demên antîk in. (Sanskritî pûrana)

**ÎSRAFÎL**

Navê Îsrafil bi Zimanê Horîkî ye. Bi Hurr. *îsî* ‘hesp’ + *îw(i)ri/ewri* ‘mîr, şah’ + *hel(dî)* ‘hilovan, sağ, pak, baş’ = Îşîewrîl → Îsewraîl → Îsrawîl → Îsrafil. ‘şah/mîrê siyarê bijîşk, siyarê ku nexwaşîyan pak dike’ biserûber dibe. Navê *Rafael* yê Îspanyolî jî di heman wateyê de ye û ji Hibrânî ketiye lîteratûra xiristîyanan. Jêderka vî navî horîkî ye.

Di seranserê cîhanê de navên Xweda û Xwedawendên ku bi koka *îs-* dest pê dikin zaf in. Ji nav wan yên herî nav û deng ev in:

1. *Îsa*: rûyekî Şîfayê ye. Navê di pûranayên hîndûsan de derbas dibe.
2. *Îsa*: Xwedawenda çem û rûbaran ya rojavayê Efrîqa.
3. *Îşara*: Xwedawenda zewacê û çêbûna zarokan.
4. *Îsdes*: Xwedawendêke Misirîyan ya dunya li bin erdê.
5. *Îsimud*: Li Mezopotamya Xwedayekî pêyamber.
6. *Îsîs*: Dayîka Xwedayan ya Misirê ye.
7. *Îşkûe*: Xwedayê bajarekî li Mezopotamya.
8. *Îssakî*: Xwedawendêke hîndûyan e.
9. *Îstadevata*: navê Xwedayekî hîndûyan e.
10. *Îstanû*: Xwedayê rojê yê hîtîtiyan e.
11. *Îştîr*: Xwedawenda bereket û şer ya Mezopotamya ye. Stêrka Bihuştê ye.
12. *Îsten*: Beriya Xiristîyanîyê Xwedayekî afinêr yê macaran.
13. *Îsvara*: Rengek ji yê Şîva ya Xwedawenda hîndûyan.
14. *Îşûm*: Xwedayekî piçûk yê li Mezopotamya. Birayê Şamaş e.
15. *Îûsaas*: Xwedawendeka afinêr ya Misira jêrîn e.

Dema bala xwe bidin navên jor navê Îsrafil pîşadî nîne. Bingehe xwe yê hezaran salan heye. Demên berê ew navê Xweda û Xwedawendan e. Îsrafil di ola Êzdîyatîyê de ferîşte û alîkarê Melekê Tawîs e.

**MİKAYÎL**

Navê Mîkayîl ji ola Yahûdiyan derbasî li Xiristîyanîyê û ji wir jî derbasî nav îslamîyetê bûye. Her wuha, diyar e ev nav yan jî navlêk di wêjeya olî ya Rohilata Nêzik de beriya Yahûdîtiyê heye. Ji ber ku bi horîkî navlêka *melku* ‘îlah’ hebû û diyar e, ev nav wek *mîkal* ‘Xwedayekî cîwarî’ dihate parastin. Diyar e, ev nav paşê bûye navê yekî ji ferîşteyên sereke yên olên tek-Xwedayî.

Bi goreyî Zimanê Îbranîkî *Mikayîl* tê wateya ‘yê ku dişibê Xwedê’ (*Mi* ‘yê’, *ke* ‘wek’, *El* ‘îlah, Xwedê’). Navê Mîkaîl yan jî Mikayîl di Zimanê Kurdî de jî heman wateyê destnîşan dike. Her waha: Kurdî *mînak* ‘wek’

+ hil = *Mînakhil* → *mînakhel* → *Mikahel* → *Mikayîl* ‘yê dişibê *el*’, ‘mînakê El’. Di vî navî de ‘El’ navê yê pîroz û hilovan e. Her wusa Kurdî *hil*, *hêl* tê wateya ‘yê di asta bilind de’, ‘pîroz û homan’.

Ji bilî van nav û pêyvên hevwater, di Zimanê Medî de jî *magî* ‘rahîbên ola mîtraîzmê’ hene. Ev nav ji hêla babîliyan wek *magûl* dihate bilêvkirin. Magiyan ji bilî rahîbtîyê bi karên dadgerî û tenduristiya mirovan re jî mijûl dibûn. Navû şanaziya wan ji hemû hêlên cihanê belav bibû. Jixwe, li aliyê rojava învânên mîna *μαγος* (magos) ‘seherbaz’, *medicus* ‘bijîşk’ ji învana *magî* mane. Ev învân hemem dem dibe koka navê Mikaîl jî. Di kurdiya nûjen de wek navlêka *maqûl* ‘hilaw, zanyar, mezinê deveran, aqilmend’ tê bi kar anîn.

### Kahniya Jêderka Navlêkên Maqûl/Mikaîl

PHE \**magh-*: \**māgh-* ‘alîkar, dikare, xwedî xêz, erkdar û desthilatdar’<sup>67</sup>  
+ PHA \**kai-lu-* ‘rewnaq, bijûndar’ = maghkailu ‘desthilatdarê rewnaq, bijûndar’ → *Mikayîl* ‘kesê hilovan’

Hînd-Aryanî *magha-* ‘deshilatdarî, bihêz, dewlemendî’. PHE \**mag-no-* ‘mezin, mekin’, Hitt. *mekk-*, *mekki-*, *mekkai-* ‘gelek, pir’, CLuw. *maia* ‘pir, gelek’, Skt. *mahi-* ‘fire’, *mahant-* ‘mezin’, Goth. *mikils* ‘fire, mezin’, Îzlaniya Kevn *mikill* ‘mezin, fire’, Tokh. A *māk*, Tokh. B *māk-* ‘mezin, fire’. Di zimanên latînî de pêyvên mîna *maxim*, *maximus*, Kurdî *mekin*<sup>68</sup> jî di nav vê rêzê de ne. Ji van pêyvên jî navlêka Mekail derdikeve holê.

### Xweda û Xwedawendên hevenavên Mikaîl

*Mokos*: Xwedayekî adan û bereketê yê beriya xiristîyanîyê. (Slavon)

*Molek*: Xwedayekî samiyên rojava ye û sinonîmê Molokê hibriya ye.

*Mikal*: Xwedayekî cîhûwar yê Fenîkiya ye.

*Milkom*: Xwedayê wesayetê yê amorîtan.

*Milkastart*: Li Umm el-Amedê Xwedayekî wesayetê piçûk e.

*Milqart*: Xwedayê lehengiyê yê Fenîkiyan.

*Malik*: Xwedayekî wesayetê yê Ereban.

### SEMAÎL

Hurr. *zamma(r)* ‘kilam, helbest’ + *El* = Zamael ‘helbestvanê hilovan’ yan jî tê wateya ‘semazenê Hilovan’ û paşê bûye Semaîl. Ji wateya vî navî di Zimanê Kurdî de dibe ‘yê ku lawijên *El* ‘Xwedê’ dibêje’ yan jî ‘yê ku semaha el’ pêk tîne, derdixe hole. Her wusa tîkiliya vî navî bi lawij,

<sup>67</sup> Julius Pokorny, 695

<sup>68</sup> Bi tenê aliyê Çiyayê Kurmênc û dor û berên wê tê bikar anîn.



semah û mûzîkê heye.

### Navên Xweda û Xwedawendên wek Semaîl:

*Sama*: Xwedayekî lehengiyê nediyar yê li başûrê Hîndê ye.

*Samael*: Xwedayekî afinêr e. Di Xiristiyanîya Gnostîkî de jê re dibêjin “Xwedayê kor”.

*Semele*: Xwedawenda Tarako-Frîgyan e. Ew keça Kadmos ya mirîvan e û dayîka Dionysos e.

*Soma* (puxte, essas): Xwedayekî piçûk yê hîndûsan e.

### CEBRAÎL

Ji ber ku navekî sereke yê olên semavî ye, lêkolîneran wateya vî navî yekser di Zimanê Îbranîkî de geryane. Her waha dibêjin bi îbranîkî tê wateya ‘hêza min ji Xwedê ye’. Diyare ev nav jî ji Zimanên Horiyan derbasî nav îbranîkî bûye.

Dema bi horîkî pêyva *kewira-nna* ‘gewre, maqûl’ û *îlîl* ‘îlah, hilovan, Xweda’ bi hevra bîna çespendin navê *Kewraîlî* ‘mezinê Xwedê, hîlbijartiyê Xwedê’ derdikeve holê.

Bi goreyî Îslamê Cebraîl qasidê di navbera Xwedê û pêxemberan de ye.

Wateya bi goreyî îslamê jî di Zimanê Horîkî de heye.

Mîna ku:

Bi yekheviya Pêyvên horîkî *keb* ‘şande’, *arî* ‘dayîn’, *îlîl* ‘îlah, Xwedê’ *Kebarîlî* ‘yê ku agahiyên Xwedê dide’ derdikeve holê. Paşê wek *Gebraîl* û *Cebraîl* hatiye bilêvkirin.

Demên antîk li Mezopotamya û Yewnanîstanê bi vî navî Xweda jî hebûn.

Wek nûmûne:

*Gabija*: Xwedawenda êgir ya lîtwaniyan. Ji bo gazî wê bikin diviya xowê bavêjin ser pêlên êgir.

*Geb* (erd): Xwedayekî misriyan yê binerdê.

*Gibil*: Xwedayê êgir yê Mezopotamyayê ye. Kurê *An* û *Kî* ye. Paşê dema Akkadian navê wî bûye *Gerra*.

*Jabrû/Jebrû*: Xwedayê Ezmên yê Elama ye.

*Kabeiroi*: Xwedayê hesinkar ê Yewnanan. Wek kurên Xwedayê hesinkar Hephaistos jî tê naskirin. Tê gotinê ku ev Xweda ji hêla etrûşkiyan hatiye

li herêma Yewnan û îtaliya. Beriya Yewnanan ev Xweda ji hêla gelên Anatoliyayê jî dihate zanîn.

## NÛRAÎL

Ev nav di encama nêrîna pêşîn wateya Erebi nûra Xwedê destnîşan dike. Diyar e ev nav paşê hatiye amadekirin. Gelo jêderka pêyva *nûr* ‘ronahî’ bi samîkî ye yan na? Ev mijar hinekî bişik e. Ji ber ku tê de *-ûr* heye. Di Zimanê Kurdî de navên mîna ro, ronahî dibin sedema ku mirov di navbera navê nûr yê samîkî seredana hinek lêkolînan bide.

Koka, ango jêderka ro, ronahî bi Hînd-Ewropî ye.

Mînakî:

Pêyvên PHE *\*leuk-* ‘ronahî, biriqîn’<sup>69</sup> (dengê *l-* di zimanên Hînd-Aryanî de bûye *r-*), Proto-Hînd-Aryan *roc-* ‘biriqandî, ronak’<sup>70</sup>, Proto-Îranî *rauč* ‘ronak kirin, teyisîn’, Xurde Avesta *roac-* ‘ronakbûn, teyisîn’<sup>71</sup>, medî û farsiya kevn *raucah/r-u-c* ‘roj’. Partî *rwc* ‘roj’, brwc- ‘vêxistin’, Khotaniya kevn *rrûs-* ‘rewnaqî, ronahî’, Sogdî *rwc* ‘roj’, Kurdî *roj*, *ronahî*, *rûz*, *rûc* û hww. mijarê eşkere dikin. Ango jêderka pêyva *nûr* ji Hînd-Ewropî ye û diyar e ji mîtaniyan derbasî nav zimanên samiyan bûye.

Her wusa: jêderk û koka *ronaîl* û *nûraîl* her yek e. Ev nav ji despêka dîrokê pê ve heye û her wusa di listeya jêrîn de ji navê hin Xweda û Xwedawendan de jî xûya dibe:

*Nara*: Enkarnasyoneke Vişnû yê Hîndê ye.

*Narada*: Navekî enkarnasyona Vişnûyê hîndûsa ye.

*Naradatta*: Keça Nara ye. Xwedawenda hînbûnê ya hîndûsa ye.

*Narasînha*: Enkarnasyoneke (tenasûla) dinê ya Vişnû ye.

*Narasînhî*: Xwedawend. Dayîka komek Xwedayên hîndiya ye.

*Narayana*: Xwedayê afinêr ê Hîndê ye.

*Nareu*. Xwedayê afinêr e.

*Narisah*: Xwedayê ronahiyê yê manîhîsta ye.

*Narkisos*: Xwedayekî piçûk yê Yewnana ye.

*Nataraja*: awayekî Şîva ya Hîndê ye.

*Nereus*: Xwedayekî piçûk yê Yewnana ye û di deryayê de dimîne.

<sup>69</sup> J. Pokorny, 687.

<sup>70</sup> Ali Husein Kerim, Kürtçe Etimolojik Sözlüğü, benda Roj, 2014, Rîg-Veda û hwd. EWAia II:463

<sup>71</sup> Xurde Avesta raocaiieiti (Yaşt 10.142)

*Nergal*: Xwedayê cihana binerdê yê Mezopotamya.

*Nîrtî*: Xwedawenda taRomarkirin û tarîkbûnê ya Hîndê ye. Di Rig-Vedayê de wek Xwedawenda êş, derd û kulê hatiye destnîşan kirin.

## ETÎMOLOJIYA NAVÊ ÎBRAHÎM

- Horîkî. *Appu* ‘navê mirovan’; *abi-bi/abiwi* ‘despêk, ya/yê despêkê’; *baban/papan* ‘çiya, bilind’; Urartuyî *baba* ‘çiya’, Hittiti. *pupuwahi* ‘bê regez, mirovê bê zurriyet’, Sanskrit. *abhjina* ‘bîrbirina yekser’, Etrûskî *apa* ‘bav’, Latin *appellare* ‘ajotina keştiyekî bervî welatekî’.
- Apo, di Zimanê Kurdî de wateya birayê bav tê gotinê. Sînonima wê, ango hemwateya wê jî *mam* e. Bi kurtî *ap* jî tê gotinê. Mam weke *emî* ketiye nav Zimanê Tirkî jî. Di ferhenga Divanû Lugatî’t-Turk ya Mehmûdê Kaşgarî de di wateya ap yan jî mam ti bendek nîne. Ango ev jî eşkere dike ku tirkan peyvên mîna amca, emî ji kurdî welgirtine. Apo, weke *pî* ‘bav’ di Zaravayê Zazakî de cih girti ye. Herwaha *pî* ‘bav’, di Zaravayê Kurmanckî de buye *apo* ‘mam’. Ev jî wateya ‘yê bav’, ‘kesê ji hêla bav’ destnîşan dike.
- Tê gotinê ku *Apo*, di Zimanê Kurdî de kinasiya navê Abdullah e. Di kurdî de nav tene civitandinê yan jî ji bo giringiyê bidin navan dengê *o* tînin dawiya peyvê. Lê belê *Apo* kinasiya navê Abdullah nîne. Anegoreyî vedana mantiqî navê Abdulah di kurdî de weke Abdo dicive serhev. Herwaha ji ber van egeran *Apo* hemwateya Abdullah nîne.
- Etîmolojiya Apo, bi Horîkî *Appû* ye. Di çîroka *Appû û Du KurênWî* de *Appû* navê lehengê sereke ye. Koka vî navî ji peyva horîkî *abi-bi/abiwi* ‘despêk, ya/yê despêkê’ derketiye holê. Herwusa ev jî wateya bav yan jî serokê hoz, êl yan jî deverekî derbîran dike.
- Anegoreyî mîtolojiya Horiyan *Appû* kesekî dewlemend, xayê hemû tiştê ye. Lê bitenê bê zarok e. Ne kur ne jî keçên wî hene. Mirovekî wusa ye ku, ew bi Xwedayan re diaxife. Heta mirov dikare bêje ku ew, pêxemberekî Horiyan e. Çîroka *Appû û ya Îbrahîm* pêxember nêzikî hev in. Herwusa:
- *Appû* pêxemberê Horiyan e. Hz. Brahîm jî pêxember e. Herdu jî bi Xwedê re diaxifin.
- *Appû*, ji Xwedayan daxwaza regezvanê (kur yan jî keç) xwe dike. Hz. Îbrahîm jî daxwaza kurekî dike.

- Xwedê du kuran didin Appû. Ew navê yê yekemîn datîne *Xirabnav*, navê yê dudemîn jî *Xwaşnav*. Di çîrokê de xûy û xesleta yê yekemîn xirabkarî, yê dudemîn jî weke xwaşkariyê hatiye diyarkirin. Xwedê du kuran dide Hz. Îbrahîm. Yek ji Hecerê ye û jê re dibêjin *Îsmayîl*, yê dinê jî ji Serayê ye û *Îshak* e. *Îsmayîl* bi peyvên Hurr. *h/i-îš-šî* ‘kur, ewlad’ û *îlîl* ‘Xweda, pîroz’ ve hevhatiye û ji vî navî meneya ‘kurê Xwedê, yê ku divê pêşkêşî Xwedê be’ derdikeve holê. *Îshak* jî dîsa bi serhevbûna pêyvên Hurr. *h/i-îš-šî* ‘kur, ewlad’ û *xaigallî* ‘qesir, seray’ peyda dibe. Hurr. *xaigallî* wateya mulk, padişahî, desthilatdarî jî tê danasîn. *Îshaq* di wateya ‘pisaxa, şahzade, yê ku piştî mirina bav li ser mulk dimîne’ de ye.
- Appû, ji ber ku Xwedayan re diaxife, bi çavekî nizim li jina xwe dinêre. Hz. Îbrahîm jî, dema ku Hecer pêdimîne, çavekî nizim li jina xwe ya berê ango Sarayê dinêre. Piştî ku Sarê Îsheq tîne dunê, hingê Hecerê bi tevî *Îsmayîl* diqewitînin. Buyereke nêzikî wêna jî di Çîroka Appû de heye. Hevrikiyên Navxwaş û Navxirab hene û Xwedayên Horiyan piştevaniya Navxwaş dikin.
- Hitt. pûpûwahî ‘bê regez, bê zurriyet’ ji Zimanê Horiyan hatiye welgirtinê û meneya wê ya bi rastî pêxemberê bê regez e. Diyare navê Appû bi vê peyvê ve xwe dighîne encameke berfirehtir.

Bi Zimanê Hurrî *ab-/abi* bi maneya ‘yekemîn, berê’; *bûrn/pûr(û)li* bi maneya ‘xanî, mal’, peyva *hamrî* jî tê maneya ‘mabed’ ê. Ew sê peyv dema ku tînen berhev peyva *Abûrham* der tê. Ew gotin di zimanê cihûyan de bûye *Abraham*, Zîmanê Erebî jî wekî *Îbrahîm* rû daye. Maneya navê Hz. Îbrahîm; yê ku yekemîn car perestgeh, ango kesê ku Mala Xwedê (Kâbe) yekemîn car awa kiriye. Jixwe anegoreyî Quranê yê ku Kabe awa kiriye jî Hz. Îbrahîm e.

Heman mane ji kurmanciya îroyîn de jî der tê. Wekî: *Ava +ber+hîm* buye *Ababerhîm*, *Aberhîm* û *Abrehîm* ‘kesê ku hîmê perestgehê kola ye’; di nav kurdiya nûjen de jî wekî *Brahîm* tête bilevkirin û danezana ‘mal û hosteyê mabedê’ destnîşan dike. Heta di zimanê Hurrî de peyva *pûr(û)lî* jî bo ‘mal û mabedê’ tê gotinê ku ji wê peywê jî navê ‘perestgehê’ der hatiye. Di Zimanê Horiyan de, peyva *hamrî* ji bêtirî navê mabedê bi maneya *sanktuarê* hatiye gotinê. Ew jî tê maneya *mala kultê*, ango mala ku dinyaya li bin erdê temsîl dike û di bin erdê de hatiye awakirin û bi hinek labîrentên çeşît û dirêj ve mirov xwe vedighînin heya li wê derê. Di Zimanê Kurdî de peyva *hîm* ‘bingeh’ yanê dabeşa awahiya ku li bin erdê maye ye.

## ETÎMOLOJIYA NAVÊN QASTÊN (QATÊN) OLA ÊZDIYAN

### MÎR

Navlêka mîr ji invanekî Mîtanî-Horiyan *mariyannû*<sup>72</sup> derhatiye. Ev unvan navlêka qatek ji zadeganên Horiyan e. Di destpêka dîroka Mîtaniyan de, hodaxên (ajotvanên) Erebeya cengê re digotin *maryanû*. Paşê kesên liyaqê xizmetên mezin jî ev invana werdigirtin. Ev invan mîna beramberî şovalyetiyê ye. Lê belê paşê bi mîrên herêman re jî gotine *maryanû*. Inwana *mîr*, bi kurdiya resen e û di Erebkî de wek *emîr* tê bilêvkirin. Diyare pêyva *emir* ango *ferman*, ji inwanê mariyanû peyda bûye.

### Etîmolojiya Navlêka Mîr:

Kahniya jêderk ya navlêka mîr rêngdêra PHE *\*merio-* ‘mirovê ciwan’<sup>73</sup> e. Yekser ji pêyva Hînd-Aryan *marya-* ‘mirov, ciwan, evîndar, daxwazkar, hespê kihêl, mirîvan’, *maryaka-* ‘nêr, mêr’ ji bo Kurdî mîrat maye.

Li nav Zimanên Hînd-Ewropî çend nimûneyên dinê jî ew in:

Av. *mairya* ‘hîlebaz, rêbir, xapxapok, xayîn’. Ev di nav Rîg-Vedayê de navê *deavaya* ye. Di Rîg-Vedayê de *deava* navê Xwedê ye. Lê belê di Zerdûştiyê de bûye navê sembola ‘yê xirab’. Gr. *μειραζ* (*meiraz*) ‘kur’, *μειρακιον* (*meirakion*) ‘keçik’, Lat. *maris* (*mas*) ‘nêr’, *maritus* ‘zewac, hevser’, Alb. *semere* ‘cariye, hempa’, *merkoş* ‘nêr’, Lith. *mergo* ‘xulam, berdest’. Ev nav di Yewnaniya kevin de bûye *βριτομαρις* (*bratomaris*) ango *Artemîs*.

### Xweda û Xwedawendên Navên wan Dişibên Navlêka Mîr

*Mara*. Xwedayekî bûdîsta ye. Di asta Xwedayê hîndûyan Kama ye.

*Marama*: Wek Xwedayekî Polinezya tê naskirin.

*Maramalik*: Xwedayekî binerdê yê Afganîstanê bû.

*Marduk*: Xwedayê afinêr û netewî yê Babîlê bû. (B.Z. 2000-200). Navekî wî jî Merodaç e.

*Marî*: Navê komek ji *dharanîsên* bûdîsta ne. Makedayîxa dravîdiyan e. Navê Xwedawendeke baskiyan jî *Marî* bû.

*Mari Mai* (dayîka mirî): Xwedawenda kula vebayê ya hîndûya ye. Tamîlî jêre dibêjin Mariyamman.

<sup>72</sup> Messerschmidt, Mit. St. 87; Speiser, IH 44, 84, 94

<sup>73</sup> 738-39; WP II 281; WH II 40 f.; Trautmann 170



*Marici* (birqok): Xwedawenda bûdîstan ya ezmanî ye.

*Marnas*: Beriya Îslamê li bakûrê Erebaştanê Xwedayekî wesayetê bû.

*Mars*: Xwedayê cengê yê Roma (B.Z. 400- P.Z. 400). Jêre Ares jî tê gotin.

*Martû*: Xwedayekî wesayetê yê Mezopotamya. Car caran wek Xwedayê bagerê jî hatiye bi nav kirin.

*Marutgana*: Xwedayê bagerê yê hîndûyan.

*Mercurius*: Xwedayê qasid yê li Roma.

*Meretseger*: Xwedayekî li binerdê yê misiriyan.

*Mirsa*: Xwedayê ronahiyê beriya xiristiyanîyê li herêma Qafqas.

### Etîmolojiya Navlêka Şêx

Şêx, di Kurdî de wek nav, inwan û navlêk tê bi kar anîn. Di rastiya xwe de ew cureyê rengdêrekî mirova ye. Her çendî carnan di Zimanê Erebaş de wateya ‘kal, pîr’ tê gotinê jî, di rastiye de ne wusa ye. Ji ber ku ev rengdêr ji ber ‘agahdarbûn’ û ‘ezmûndariya’ mirovên temen dirêj tê gotin. Şêx di Zimanê Kurdî de hevwatera *pîr* e û ev herdu navlêk jî bi kurdî ne.

Her waha:

Rengdêrê PHE \**ueik*- ‘hêz, enerjî: yê bijarte, yê serkeftî’<sup>74</sup> taybetiyên şêx destnîşan dikin. PHE \**keHs*- ‘perwerde kirin, selimandin, şaret kirin’<sup>75</sup>; Proto-Aryanî \**saHh* ‘yê dide fêrkirin, mamoste, perwerde’, Avesta Kevin *sāh*- ‘perwerde kirin, fêr kirin, mamosteyî kirin’<sup>76</sup>, Peh. *sahîg* ‘şayeste, liyaq’, Skt. *Saktî* ‘ji heft hêzên xezayê navê yekî ye’. *Saktî* enerjî û hêza gerdûnê ye.

Av. *saoka* ‘tiştê baş, sûd, bextewarî’, Skt. *şaktî* ‘hêzê afînêr, xulukdar’, Skt. *sūkha* (şûxa) ‘bextewar’, Luw. *šahhan* ‘serkirdayên feodalî’. Heya li vê derê pêyvên bi zimanê Hînd-Ewropî yên ku durif û wateya şêx dest nîşan dikin me li pey hev rêz kir. Naha jî emê yên anegoreyî bi Zimanê Horîkî diyar bikin:

Pêyvên bi horîkî mîna *asxû/aşxû* ‘hilovan, bilind’, *şehalî* ‘zelal, paqîş’, *şî-/şîhî* ‘çav, dîtin’ bi şeweyekî tekûz danezana çawabûna şêx şîrove

<sup>74</sup> J. Pokorny, 1128-29

<sup>75</sup> \**keHs* - yan jî *xeHs* → *SheX* → şêx ‘perwerdkar, diyarker’

<sup>76</sup> Avesta Kevin sâhit (Yasna 50.6)



dikin.

Bi kurtayî mirov dikare bêje ku:

Şêx, kesê ku ‘hilovan, homan, serkeftî, dilpaqîş, her tiştî dizane û dibîne û jîr’ e. Ji ber vê egerê gel yan jî bawermend Şêxan derhozevan û xwayî keramet dizanin.

### Navên Xweda û Xwedawendên wek Şêx:

*Şakka(n)*: Xwedayekî keriyê ajalan li Mezopotamya.

*Sakra*: Xwedayekî bûdîstan.

*Sakti* (enerjî): Hêza afirandinê ya Xwedayên bûdîst, jaîn û hîndûya ye.

*Sakyamuni* (Sakyasê jîr): Bûdîst-Lamaîst. Li Tîbetê hatiye perestin.

*Securita*: Xwedawendek li împaratoriya Roma bû.

### PÎR

Di Zimanê Kurdî de bi mirovê temen mezin, kal, rûsipî re dibêjin *pîr*. Lê belê ev hemû jî di wateya fîzîkî de ne. Wateya wê ya inwanî û derûnî jî heye. Ji ber vê egerê heman demê bi kesên xwayî ezmûn û rêberên olî re jî dibêjin *pîr*. Diyare navlêka *pîr* ji Kurdistanê derhatiye û gihiştîye wateya xwe ya derûnî. Ji wir derbasî hemû Anadolî û Yewnanîstan û hemû Ewropayê bûye. Ev pêyv di Kurdistan û Anadolîyê wek *pîr*, li Ewropayê jî wek *prester*, *priast*, *presbyter*, *presbyteros*, *patriarch*, *patrik* tê bilêvkirin.

Di rûpelên dîrokê de rola *pîran* gelekî eşkere ye. Di Mezopotamya, Anadolî, Misir, Yewnan û gelek deverên cîhanê de mirovên *pîr*, ango yên kal sembola sereke ya ezoterizmê (zanîsta nepenî) ne. Anegoreyî gelek ol û baweriyên *pîr*, sembola zanyariya komasî ya mirovahiya demên berê, yan jî binehişîya kollektîf e. Ji ber vê egerê di dîrokê de navê *pîr* û yê şêwirdaran herdem bi hev re tê hizir kirin. Di jiyana rastî, xewn û xiyalan de rêzan û rêber hertim *pîr* in. Ew bûne sembola duristiyê. Her waha ji ber van egeran di Zimanê Kurdî de navê *pîr* û paqîşiyê bi hev re tê bikar înan.

Heta li dawîya sedsala şanzdehan li Ewropa mezhebekî bi navê *pûrîtan* jî derketibû holê. Bi latînî *purus* ‘paqîş, saf’, di Yewnanî de wek *καθαρός* (katharos) tê gotin. Katharos, heman dem navê pawlîkanên Serdema Navîn yên li Balkanan û Ewropayê ne.

### Etîmolojiya Nav û Navlêka Pîr:

Kurdî pêyvên mîna *pîr*, *pir*, *pûr* di wateya ‘temen mezin, ezmûndar, bav,

gelek, tijî û paqîş, îlah, kesê hilovan, kesê bîr û bawer' tê bi kar înan. Pêyvên mîna *ber*, *berik*, *berê*, *buhurî* jî di wateya 'yê li pêş, dendik, tov, yê li ber, yê ji ezmûnan re derbas bûye', *bîr* tê meneya 'çala ku av lê kom dibe, hafîze' ye. Navê *pîr* wateya hevbeş yê van pêyvên jorê hemûya ye. Jêderka etîmolojîk ya vî navî gelekî eşkere ye.

Mînakî:

PHE \**per-* 'ji sera derbasbuyî, berê'<sup>77</sup>, \**pro-* 'sereta, berê'.<sup>78</sup>, PHA \**pâtêr* 'bav', \**prāi-*, \**prai-*, \**prī*, \**pri-* 'hesta dostaniyê, hevsengî, ahengi'<sup>79</sup>, PHE \**bher-gh-*, \**bhor-gh-*, \**bhr-gh-* 'bilind, hilovan, xurt: çiya, gir'<sup>80</sup>. Ev pêyvên Proto-Hînd-Ewropî jêderka navê *pîr* yê sereta ne. Her wusa, pêyîva *pîr* wek nav û rengdêrên jêrîn li gelek zimanên kevin hatiye bi kar înan.

Wek nimûne:

Skt. *Brahma* (bruhm) 'Xwedayê afinêr, wek afinêrekî', *Brahman*: 'cevherê gerdûnî', *para* (puraa) 'hilovan, pîroz ji ser hemû kesan re', *param* (pulum) 'metafizîk', *pramata(r)* (prumatur): 'zanyar, kesê destnîşan dike', *prema* 'evîna îlahî', *priya* 'hezkar, ezîz', *purana* (puraan) '18 çîrokên kevn yê di Vyasayê de', *purva* 'destpêk, berê', *prātar-* 'zû, li subê de, roja tê', Skt. *brhant-* 'bilind, xurt', *pitrī(s)* 'bav', *pra-* 'destpêk, sereta', *prana-* 'hilma destpêkê, jiyana destpêkê', *prūṣa-* 'mirovê mengî, îdeal'.<sup>81</sup>

Av. *be'rezô* (berez) 'berêz, homan, hilovan', *paurva* yê/ya destpêkê, yê berê', *para* 'yekemîn, pêş', *fra-* : 'destpêk'

Latin *pro* 'destpêk' Gr. *pater* 'bav', Lat. *pater* 'bav', *πρωι* (proi) 'zû, subeh', *πρωμος* (promos) 'qumandar, leheng'.

Hurr. *bayri/wahri* 'bedew, ciwan', *burni/pur(u)li* 'perestgeh', *bur/wur* 'dîtin', 'buru: saqlam', *pal-/pa-li* 'zanîn' *purapši* 'rahîb, keşe', *pu-u-ru* 'bi hêz, bi teqet'.

Hitt. *pariyan* 'ji wêdatir, pêştir, berê', *para-* 'durtir, wêdatir', Hitt. *par-ku-uš* 'bilind', Luw. *par(a)-* 'hodax (ajovan), diajo', *parran-* 'berê, destpêk, *parra*', *parî* 'dûrtir, wêdatir', *parkuwa(i)-* 'paqîşî, zelalî',

<sup>77</sup> J. Pokorny, 810-16:2a.

<sup>78</sup> J. Pokorny, 846

<sup>79</sup> J. Pokorny, 844.

<sup>80</sup> Pokorny, 140-41; Walde 172-72: Mann 74, 125.

<sup>81</sup> G. de Purucker Occult Glossary, A Compendium of Oriental and Theosophical Terms, Theosophical University Press, Pasadena, California, 2011

*pariyan-* ‘pile, berê’, *pāriyanala/i-* ‘wêdetir, pêştir’, *paray(a)* ‘bilind’, *purpurriyamman* ‘bêgavîti’, *purulliyaşşi(ya)* ‘ji bo mihrîcanê’

Kassîdî *bûr-/pûr* ‘hêz’, *bûrî* ‘beg, efendî’, Etrûşkî *prumts* ‘kurê kuran’, *purth(ne)* ‘desthilatdar’.

Ji bilî van pêyvên zimanên kevnar, gelek navên Xweda û Xwedawendên curbecur ku dişibên pîr hene.

Wek mînak:

*Birdu*: Li Mezopotamya Xwedayekî binerdê ye. Hevserê *Manungal* e û di asta *Nergal* de ye. *Buriyas*: Di demên şerî de Xwedayê parastvan yê Kasîtiyan e. Di tablêtên mixî de tê gotinê ku dema Kassîdî Babîl dagirtine vî Xwedayî ew parastin. (B.Z. sedsalên XVI.)

*Paramasva*: Xwedayekî bûdîstan.

*Paramita*: Îlahêkî bûdîstan Filozofîk

*Parasurama*: Tenasuha Xwedayê Vîşnû

*Parcea*: Xwedayê çarenivîsê yê Greko-Roman.

*Parendi*: Xwedawenda bextewarî û adanê ya hîndûyan.

*Pariskaravastita*: Xwedawendeke piçûk yê bûdîsta ye.

*Parjanya*: Di Vedîkê de Xwedayê baranê yê hîndûya ye û wek hemahenga îndrayê tê zanîn.

*Parna-Savari*: Xwedawendeke bûdîsta ye û bi pelgên daran xwe poşandî ye. *Parsva*:

*Partula*: Xwedayekî piçûk yê Romayê ye û bi karê zayînê re mijûl dibe.

*Parvati*: MakeXwedawend ya hîndûsa ye.

*Perende*: Xwedayê bagerê beriya xiristîyanîyê yê Arnavûtan e.

*Perkons*: Xwedayê bagerê yê Litwanan beriya serdema xiristîyanîyê.

*Perse*: Xwedayekî binerdê yê Yewnanan e.

*Persephone*: Xwedayê mirinê yê Yewnanan e. Wek Kore, *Persephesa*, *Pherephatta* û Roman jî wî bi nave *Proserpina* bîrtînin.

*Perun*: Xwedayê bagerê yê slavonan. (Li serdema pêş xiristîyanîyê)

*Peruwa*: Xwedayê hîtîtiyan yê ku hespan diparêze.

<sup>D</sup>*Pirwa*: Xwedayekî Lûwiyan

*Portunos*: Xwedayê derbasbûnê yê Roma.

*Prabhakari*: Xwedawendeke piçûk ya bûdîstan.

*Prabhas*: Xwedayê kar û bar yê hîndûyan.

*Pracanda*: Awayekî Xwedawenda Dûrga ya hîndûyan.

*Pradhana*: MakeXwedawendeke hîndûyan.

*Pradipatara*: Xwedayekî piçûk yê ronahiyê (Bûdizm).

*Pradyuma*: Xwedayê evînê li başûrê Hîndê.

- Prajapati*: Efinêrê sereta û rêzdar yê hîndûyan.
- Prajna*: Xwedawendeke bûdîstan.
- Prajnantaka*: Xwedayekî bûdîstan.
- Prajnaparamita*: Navê Xwedawendeke bûdîstan.
- Prajnapti*: Xwedawenda perwerdê ya hîndûyan.
- Prajnavardhani*: Îlahê zanyariyê yê bûdîstan.
- Prakde*: Îlahêkî cîwarî yê Efganîstanê.
- Pramudita*: Xwedawendeke piçûk ya bûdîstan.
- Pranasakti*: Xwedawendeke hîndûyan.
- Pranidhanavasita*: Xwedawenda bûdîstan.
- Prasuti*: Xwedawenda hîndûyan. Keça Svayambhuva û hevsera Daksa ye.
- Pratibhanakuta*: Xwedayekî bûdîstan.
- Pratibhana*: Xwedawenda bûdîstan ya rewşê diyar fike ye.
- Pratisamvit*: Navê gelemperî yê çar Xwedawenda ye (Budist).
- Pratyangira*: Xwedawendeke bêd ya hîndûya ye.
- Pratyusa*: Xwedayê refaquetê yê hîndûyan e.
- Prende*: Xwedawenda evînê ya beriya xiristîyanîyê. Priapos: Greko-Roman bereket tanrîsî
- Priapus*: Xwedayê sîberê yê romanan.
- Priti*: Xwedawenda hez û kêfxwaşiyê ya hîndûyan.
- Priyadarsana*: Xwedawendeke piçûk ya bûdîstan.
- Prometheus*: Xwedayê lehengiyê û afinêrê mirovan yê Yewnanan.
- Promitor*: Xwedayekî piçûk yê kişt û kal li Roma.
- Pronoia*: Di xiristîyanîyê de hebûna sereta ya gnostik.
- Proserpina*: Xwedawenda mirinê li Roma.
- Proteus*: Xwedayekî piçûk yê deryayê (Yewnan).
- Providentia*: Xwedawenda besîretê li Roma.
- Proxumae*: Navlêka gelemperî ya komek Xwedawendên Roma-Kelt.
- Prsni*: Xwedawenda sereta ya erdê (Hînd)
- Prthivi*: Make Xwedawend ya rûyê erdê (Hind)
- Pryderi*: Xwedayekî Keltan yê dojhê.
- Puranai*: Li başûrê Hîndê make Xwedawend.
- Purandhi*: Xwedawendeke adanê ya hîndûyan.
- Purusa*: Afinêrê sereta (Vedik, Hind).
- Purvabhadrapa*: Xwedawenda saman û sermalê ya hîndûyan.
- Purvaphalguni*, *Purvasadha*: Xwedawendên sermalê yê piçûk.

**QEWAL**

Qewal, ji piştî pîran qateke olî ya Êzdîya ne. Erka wan gerandina sincaqê ye. Lê belê erka wan ya sereke û herî girîng gotina qewil û lêdana def û bilûrê (qewal) ye. Jixwe navê wan ji qewilbêjî û bilûrwaniyê peyda bûye. Bi Zimanê Kurdî *qewl* soz û pêymanê, *qal* û *gal gal* jî gotina tiştên taybet destnîşan dike. Di warê oldariyê de soz û pêyman bi afinêr ango bi Xwedê re tê dayîn ku ev jî bi rêka lawijan pêk tê. Mirov derbarê hemû tiştan diaxife lê belê eger dixwaze axaftin bibe wek rêbaza jiyanê hingê *qala* wê dike. *Gal galî* jî heman tişt e û sohbetên olî, merîfetî û rewiştî dişamilîne.

**Kahniya Jêderka Navlêka Qewal:**

Pêyvên PHE \**gēi-*,: \**gōi-*: \**gī-* ‘girî, stran û lawij’<sup>82</sup>, \**ghel-* ‘qîrîn, bangkirin, girî û hawar’<sup>83</sup> \**g<sup>u</sup>ei-* ‘girî, gazinc’<sup>84</sup> jêderka navê qewal in. Navê qewal ji gotina qewil û lawijan peyda bûye. Her wusa gava destpêkê ya van gotinan jî pêyvên, ango gotinên PHE \**gēi-*,: \**gōi-*: \**gī-* ‘girî, stran û lawij’ in.

Herwusa ji wir derbasî nav zimanên Hînd-Îranî bûne. Wek nimûne:

Proto-Îranî *gaH<sup>3</sup>* ‘istirandin, gazikirin’, Aryanî *galbha-h* ‘dilsoz’, *gāyati-*, *gāti-* ‘stran’, *gātu-*, *gīti-*, *gatha-* ‘melodî’, Av. *pairi.gā.vacah* ‘yê ku distirê’<sup>85</sup>, *bərəzi.gāthra-* ‘stranên birêzî, hilovaniyê’<sup>86</sup>, , Skt. *gā-* ‘istirandin’, Kohtanî *gāha-* ‘ayet’

Bakûriya Kevn ‘*gjalla* ‘deng’, Goth. *gōljan* ‘silavdayîn, pêşwazî kirin’, Lith. *giedu*, *giestu*, *giedoti* ‘istiran, lawij, wîtina çivîkan’, *gystu* ‘istirandin’.

Hurr. *alilan* ‘zêmar’, *kad-* ‘gotin’, *kul/gul-* ‘gotin’ *kalite* ‘wîtewît, çivîk’<sup>87</sup>, Kassîdî *qa-ta-a-a* ‘ew hat bêje’, *al-* ‘axaftin’<sup>88</sup>.

Pêyvên jorê rêzbûyî jî tê dîtinê ku navê qewal bi kurdiya resen e. Ji ber ku him di zimanên Hînd-Ewropî him jî di yê horîkî de bingehê vî navî

<sup>82</sup> J. Pokorny, 355, WP I 526 f., Trautmann 76,

<sup>83</sup> J. Pokorny, 428, WP I 628.

<sup>84</sup> J. Pokorny, 467:1.

<sup>85</sup> Yasna 57.20

<sup>86</sup> Yaşt 10.89

<sup>87</sup> Messerschmidt, Mit. St. 9; Speiser, IH.

<sup>88</sup> Jean Catsanicos, L’apport de la bilingue Ḫattuša à la lexicologie hourrite, Jean-Marie Durand (ed.),

*Amurru 1*. Paris: Éditions Recherche sur les Civilisations, pp. 197-296., 1996.



gelekî zelal e.

Her çendî di Erebkî de jî pêyvên mîna *qul* ‘bêje ku’, *qal* ‘behsê bike’, *gul*, *gel* ‘got’ û *gotilî* ‘gotê’ hebin jî ew ji Zimanê Mîtanî, Horîkî, Kasîdkî derbasî wir bûne.

## FEQÎR

Navlêka feqîr bi zimanê bazarê tê wateya kesê hêjar, kesê bêmal û bêsamman, kesê derfetên wan yên aborî kêm, kesê belengaz. Lê belê wateyên vî navî yên derûnî jî hene. Kesên ku dev ji jiyana bûjenî berdane û bi tenê perestîşê dikin re jî dibêjin feqîr. Erk û pêwirên feqîrên Êzdiyan jî wusa ne. Ango hemû hebûna xwe fedayî Xwedê dikin. Feqîrên Hîndê û yên Kurdistanê him di asta nav, him jî ya wateyê de mîna hev in. Di nav civakê de aşîtî û ahengê pêk tînin.

Etîmolojiya Navlêka Feqîr:

Vî navî yan jî vê navê mirov ji du beşan de dikare binirxîne. Ji ber ku du wateyên xwe yê sereke hene.

1. PHE *\*b(h)e-*, *\*b(h)eġ-* ‘bê, derî wê,’<sup>89</sup> + *\*k<sup>w</sup>er* ‘kirin’ = *b(h)ek<sup>w</sup>er* ‘kesê derî wê, kesê bê hebûn’ ango kurdî *b(h)êk<sup>w</sup>ar* → *bêkêr* → *bêkar* → *wêker* → *fekêr* → *fekar* → *feqar* û di dawiyê de bûye *feqîr*. Ji ber vê egerê dikarin bêjin ku feqîr jî pêyvek ji pêyvên kurdî ye. Ev pênasiya wateya ku kesên hêjar e. Wateya wê ya derûnî jî li nav Zimanê Horiyan de dikarin bibînin.
2. Hurr. *wayrî/wayr* ‘bedew, baş, fexir’<sup>90</sup> paşê wek feqîr hatiye bi lên kirin. Bi taybet dema ku derbasî nav zimanên samîkî bûye hatiye guhorandin. Dîsa di Zimanê Horîkî de pêyva *fahrî* ‘baş, qenc’ heye ku ev pêyiv kurdiya bi zaravayê Hewremankî wek *fexir* tê bilêvkirin û wateya ‘başî’, ‘qencî’ û ‘pakiyê’ destnîşan dike. Diyar e, pêyva *fexir* yan jî *fexrî* ya bi zaravayê hewremanî bûye rengdêra bingehîn ya navê feqîriya ku di wateya derweşiyê de tê bikaranîn.

<sup>89</sup> J. Pokorny, 112-13:1; WP. II. 137; Trautmann 28.

<sup>90</sup> André-Salvini, B. & Salvini, M. Un nouveau vocabulaire trilingue sumérien-akkadien-hourrite de Ras Shamra. In: Studies on the Civilization and Culture of Nuzi and the Hurrians 22, 1998; E. Laroche. Glossaire de la langue hourrite. Paris, 1980;292; Jean Catsanicos, L’apport de la bilingue Hattuša à la lexicologie hourrite 1996:281; Salvini, M. & Wegner, I. Die mythologischen Texte (ChS 1/6). Roma, 2004:177; Richter, Th. Kleine Beiträge zum hurritischen Wörterbuch. In: Altorientalische Forschungen 32/1, 2005:27.



**KOÇEK**

Ev qata jî mîna feqîran dev ji jiyana bûjenî berdide û bitenê bi perestişê re mijûl dibe. Pêywireke wan jî şîrovekirina xewnan e. Helbet wateya nav û navlêkan bi girêdayî erk û pêywir û rola wan e. Hin kes dibêjin navê koçek ji guçik ‘guh’ derhatiye. Lê belê ev nêrîneke li serasera ye. Wateya wê ya bingehîn ne wusa ye. Her waha:

Hurr. *kaššapte* ‘afsûn, sêhr’<sup>91</sup>, *kešše* ‘kesê şanaz, kesê afsûnan dike, keşîş’, *ag-* ‘rêber, pêşeng’, *eg=ušši* ‘paqîş, zelal, dilpaqîş’ pêyvên koksaz yê navlêka koçer in. *Kešše + ag- = Keššeag* ‘rêberê afsûnbaz’ → *keššeg* → *koşek* → *koçek* ‘keşîş yan jî rêberê afsûnbaz’. Jixwe taybetiyeke koçekan ji nepenîbûnê dîtina tiştan û şîrovekirina bûyera ye.

**MIRÎD**

Qata binî ya qasta Êzdîya ye. Endamên vê qastê mercên olî pêk tînin û alîkariya bûjenî didin qastên ser xwe û alîkariya derûnî ji wan werdigrin. Ji navlêka mirîd wateya ‘mirov, ê dimire, yê ku nexwaşê, ango heyranê hin kesa ye’ derdikeve holê. Ev navlêk bi kurdiya resen e û ji Hînd-Ewropî û Horîkî mîrat maye.

Wek nimûne:

PHE \**mer-*, *merə-* ‘mirin, mirdin’, Skt. *etî-* ‘çû’, Lûw. *i-ti-* ‘çû’, Hîtt. *i-it-* ‘here’, Latt. *eîti* ‘çûn’, Zimanê Kevn yê dêra Slavonî *îdo-*, *îti* ‘çûyîn’<sup>92</sup>

Her wusa:

Hurr. *mar-al* ‘kuştin’, *îdd-* ‘çûyîn’, *îzzûrî* ‘bezvan’

PHE \**mer-* ‘mirin’ + *itî* = ‘yên dimirin, diçin mirinê, mirîvan’; Hurr. *mar-* + *îdd-* = *marîd* ‘mirîvan, yê dimire’

Ji lêkerên jorê jî diyar dike ku têkiliya navlêka mirîd çûyîna bi mirinê re heye. Ev hizreke sereke ya olên antîk e. Demek ji deman Xweda û Xwedawend bê mirin bûn. Paşê desthilatdaran xwe wek nûnerê wan dan xwûyandin. Her wusa ew jî mîna nîv Xweda yan jî Xwedawend hatin pêşwazîkirin. Mirovên dinê jî mirîvan in. Her wusa mirîvan di bin xizmeta Xwedayan de ne. Bi goreyî hizra wan ew piştî dimirin diçin ba Xwedayên nemir. Ji ber vê egerê divê ew xwxdayan hêrs nekin. Li pêş

<sup>91</sup> Nom. *ga-aš-ša-ap-te-ne-e-a*, KBo XI 19 Vo 18; *ka(a)-aš-pa-a-ti-(il)*, KBo XIX 145 IV 41, 42, 47, 49; *ga-aš-ša-ap-te*, KBo XIX 141, 17; KUB XLV 21 Vo 8, 11; KUB XLVII 62, 5; KBo XXIII 23, 20, 51.

<sup>92</sup> J. Pokorny, 293, 297; Walde I:102, 105; Mann 234, Kloekhorst, 375-76.

wan çok vedin û ji bo jiyanêke aram û adan li ber wan bigerin. Piştî ku hizira mirovan pêşve çû şûna nîv Xwedayan, vê carê desthilatdar bûn siya Xwedayan. Ji pey re jî bûn maqûlê Xwedayan. Ji ber vê egerê sîstema qatqatî berdewam kir. Niha tê zanîn ku mirîd û yên dinê hemû jî mirîvan in. Lê belê yên dinê dîsa jî maqûlê Xwedê, mirîd jî kesên ku xizmeta wan dikin.

## SEMBOLÊN (DAWER) OLA ÊZDAYETIYÊ

### Ajalên Pîroz

Di ola Êzdiyatîyê de hin ajal pîroz in. Heta ji van hinek bûne sembola vê olê. Ji van yê sereke Teyrê Tawûs e. Paşê teyrê Enqe (Sîmorg) heye. Jixwe tawûs wek nimayîşa teyrê Enqe li ser rûyê erdê hatiye pejirandin. Boxe, dîk, kevok û mar jî pîroz in.

### Teyrê Tawûs

Bi goreyê gelek bawerîyan teyrê Enqe li ezmên dimîne û dibêjin ku ew li erdê di bin şiklê teyrê tawûs xwepêşanî dide. Di efsaneyan de hatiye gotinê ku teyrê Enqe bêmîrin e. Eger wî bavêjin nav êgir û bişewitînin, dîsa ew ji xwalya xwe diveje. Roleke wusa dane teyrê tawûs jî. Dibêjin goştê teyrê tawûs xirab nabe.

Li ser per û baskên tawûsê bi taybet li ser dûwa wê hezar çav hene û ew çav mirov ji qeda û belayê diparêzin. Her waha bi wan re dibêjin “çavên Xwedê”.

Teyrê tawûs sembola çi ye?

1. Bêmîrinî, 2. Şanazî û bedewbûn, 3. Duristî, 4. Hişyarî, 5. Serdestî, 6. Manevîyat, 7. Konetî (qurnazî).

Ev heft taybetiyên sereke yên teyrê tawûs, li heman demê taybetiyên heft ferîşteyên ola Êzdiyatîyê jî destnîşan dikin. Heta ev heft taybetî di kesayetiya Melekê Tawûs de jî diyar dikin.

### Etîmolojiya Navê Teyr:

Ji serdema mirovên sereta û pê ve mirov hin ajal û tiştên xezayî ji bo xwe wek sembolan destnîşan dikin. Ev ji hizrên totemî û yên anîmîzmê derhatiye. Heta îro jî li ser al û deverên şanazî yên mirovên hemdemî nîşan, simbol û wêneyên wusa hene.

Teyr, “sembola bilindahiyê, giyanê rojê û weke prensîp sembola giyanê her tiştî ye. Teyr, weke çivîka ku jiyanêke bi tîrêjên rojê dagirtî dijî, hatiye naskirin. Ew balindeyeke cewherê wî ji elemendên ronahiyê, ango ji agir

û hewayê serûber bûye. Tersê wîna jî kund e û ew jî sembola tariyê û mirinê ye. Teyr, bi rojê re hatiye naskirin. Ew bereketê dide erdê û rola bav dilîze. Herwusa nimûna cinsê mêran e. Ew bi leza bagerê difire weke sembola esalet û lehengiyê hatiye pênasînê.” “.... teyr di kevneşopiyên Vedîk’ê de qasidê Îndrayê ye û hilgirtê somayê ye. .... Teyrê bi mil yê ku li Suriya antîk hatiye dîtin, ew perestina rojê eşkere dike. Ango bi vê sembolê hizra giyana bêmirin destnîşan kirin e.”<sup>93</sup>

Bi goreyî hizrên ezoterîk teyr sembola bilindbûna giyanê ye. Her wusa giyan wek rojê bilind dibe û diçirûse. Teyr bi xwe balindeyeke ronahiyê ye û tijî enerjî ye. Enerjiya teyr ji êgir û hewayê pêk hatiye. Ango temsîla jiyanê dike. Balinda dijberê wê jî kund e û ew jî tarîbîn û mirinê temsîl dike.

Ji ber ku teyr bi rojê re tê naskirin, kiryarên wê bi mêranîyê ve hatiye girêdan. Ji ber vê egerê teyr wek bav hatiye hizirandin.<sup>94</sup> Ew bi leza firandina wî şibandine leza agir û brûskê. Ji ber van sedeman ew ketiye nav lehengiyên hilowan. Heta demên antîk teyr bi tevî Xwedayan beşdarî şer û cengan dibûn.

Navê teyr ji Proto-Hînt-Ewropî ye. Lê belê di nav hemû zimanan de weke PHE cîh girtiyê. Wek mînak: PHE \*er-, \*or- ‘teyr’, Sumerî (*h*)u-ri-in ‘teyr’, Hurr. *erbuskî* ‘teyrê Teşşêb yê bask zêrîn’, *herari-* ‘bask’, Hitt. *haran-*, Gr. orneon, Bakûriya kevn *ari-*, Misiriya Kevin *horus*, *hor* ‘Xwedayê rojê’<sup>95</sup>,

Bi kurdî navê *tawûs*, ji navê *tav* (roj) û Xwedê hatiye welgirtin. Ango ji ber pirengîbûnê û çawikên li ser perên wê şibandinê “tavê” û “çavên Xwedê”.

Etîmolojiya navê tawûs:

PHE \*taus- ‘aram, aşîtxwaz, bêdeng, aşbûyî’, PHE *dieûs* ‘Xwedê’, Luwî û Palayî *Tiwaz*, *Tiyaz* ‘Xwedayê rojê’, Anglo-Sakson *Tiw* ‘Xwedayê ezmên û yê şerî’ ye. Ji bilî van hemûyan Pêyvên Hînd-Ewropî \*diwos ‘ezman, roj’, \*diwyos ‘homan, pîroz’, \*dyews ‘Xweda, ezman’ jî hene.

Dema mirov bala xwe bide navên Xweda û Xwedawendên jorîn, dibîne ku têkiliya wan hemûyan bi ezman û rojê re hene. Jixwe têkiliya Melekê Tawûs jî bi rojê re ye. Di zimanê Proto-Hînd-Ewropî de \*dî-, \*dîə-,

<sup>93</sup> J. E. Cirlot, A Dictionary of Symbols, second edition, Routledge, London, 1971.

<sup>94</sup> ENEL, La langue sacrée, Paris 1952.

<sup>95</sup> Xwedayê rojê Horûs bi teyrekî dihate destnîşan kirin.

\**dîw*- ‘rewnaq, roj’ bûye \**dîeûs* ‘Xwedê’ yanê roj wek Xwedê hatiye hizirkirin.

### Tekiliya Tawûs bi Zimanê Kurdî re çiye?

Pêyvên kurdî yên mîna *tav*- ‘roj, enerjî’, *taw* ‘hereret, germî’ ji PHE \**dî*-, \**dîa*-, \**dîw*- ‘rewnaq, roj’ ma ne.

Hurr. *tab*-/*taw* ‘helandin, hereret’ jî meneya *Tawîs* diyar dike. Jixwe Zimanê Horîkî de paşekên mîna *-ûs*, *-îs*, *-as* pir gelek in. Ji ber ku horîkî zimanekî fitikî ye. Di dawiya pêyvan de dengên mîna *s*, *ş*, *z*, *j*, *-îs*, *-îş*, *-îz* hertim hatine bikarînan. Her wusa *taw* + *ûs* bûye *tawûs*. Heta navê şahê Xwedayên Horityan jî *Teşşûb* e. Bi Orartûyî jî *Teîşeba* ye. Di vî navî de *Teşşûb* yan jî *Teîşeba* berê bûye *Tesûv* yan jî *Teîsew*. (Di Zimanê Kurdî de distûra dengê *b* bibe *v* heye) Her ji vê rêgehê re derbas bûye û gihiştîye navlêka encamê ku ev jî *Tawûs* e. *Teşş(ûb)*, *Teîşe(ba)* tîjikên rojê ne. Jixwe *Teşşûb* di teswîra xwe de li ser boxeyekî disekine û tîrêjên rojê yan jî tîrêjên berqwedanê di destê wî de ne. Her çiqasî *Teşşûb*/*Teşşûw* wek navekî horîkî bê dîtin jî, koka xwe PHE \**dî*-, \**dîa*-, \**dîw*, *dîeûs* ‘rewnak, roj, Xwedê’ ye. Ango *Te*- = \**dî*-, \**dîa*-, *-şûw* = *ûs* û di encamê de bûye *dîeûs* û li dem û cihên cûda mîna *Teşûw* hatiye bilêvkirin.

### Ev Çawa Bûye Kurdî?

Zimanê Kurdî bi hevbonandina zimanên Hînd-Ewropî û Horîkî bi ser û ber bûye. Kurdî *tav* + *wîs/wûs* → *Tawîs*/*Tawûs* → ‘yê *tav* ê, roj ê’. Melekê *Tawîs* jî dibe ‘Homanê Tavê’ ango ‘îlahê rojê’.

### Di vê mijarê de Rola *Teyrê Tawûs* çiye?

Di nav hemû ajalan de yê ku pir dişibê rojê *teyrê tawûs* e. Dûvên *teyrê tawûs* mîna rojê guloverin û diteyisin. Ji aliyekî dinê li ser her pûrt û perên wî çavîkên sor û zer hene û ew jî dişibên rojê. Heta dibêjin ku ew her yek çavekî Xwedê diyar dikin. Ji ber vê egerê Kurdan navê *tavê* li vî *teyrî* kirine û jêre dibêjin *teyrê tawûs* ango ‘teyrê *tavê*’ yan jî *teyrê Deûs* (Xwedê).

Eşkereye ku di baweriyên curbecur de cihekî girîng yê *teyrê tawûs* heye. Rola vî *teyrî* ya herî mezin di ola Êzdîyatîyê de tê dîtin. Ev helwest tiştekî ji xweber nîne. Têkiliyên vê yên taybet bi baweriyên kevna re hene. Têkiliya wê ya sereke bi olên Mezopotamya re, bi taybet ol û mîtolojiya Horiyan re heye.

Dema mirov li nav pelgên dîroka kevna dinyêre, gelek caran rastî *teyrê tawûs* û *teyrê Enqeyê* tê. Xwedayê kişt û kalê *Temmûz* ê *Babîlê* wek

teyrê tawûs hogiriya Xwedawend Anatê dike. Li Yewnan û Romaya kevn tawûs sembola şahbanûya bû. Di Ola Xiristiyanîyê de jî tawûs sembola bêmiriniyê tê zanîn. Di ola hîndû û bûdîstan de tawûs şeweyê jiyana cîhanî destnîşan dike. Dayîkên Bûdha Mahamayurî-Vidyarajî li Erebeyên ku ji hêla tawûsan dihatin kişandin sîyar dibûn.

### Etîmolojiya Temmûz/Dûmûz:

Sûmerî Dûmûz, Akadî Temmûz, navekî Hînd-Ewropî û Hûrîkî ye. Ev nav bi hevedudaniya PHE \**dei-*, \**deiə-*, \**dī-*, *diā-* ‘rewnaq, roj, Xwedê’ û PHE \**meġ(h)-*: *mēġ(h)-* ‘mezin, gir, hilovan, qerese, *mega*’<sup>96</sup> ve çêbûye û wateya ‘Xwedayê Mezin’ dide. Diyar e sûmeriyên ev nav ji der girtine. Ev jî eşkere dike ku têkiliyên wan bi Hînd-Ewropîyan re hebûn. Yan jî berê ew û Horî di nav hev de bûn. Ji ber ku Horîkî *Te-* ‘destpêka navê Teşşûb’ + Horîkî *mûz-* ‘rast û durist’ = Temûz ‘Xwedayê rast û durist’. Yan jî Hurr. *Te-* + *maz* ‘alîkar’ = *Temaz* ‘Xwedayê Alîkar’ derketiye holê<sup>97</sup>.

Têkiliya Horiyan bi teyr û rojê re gelekî eşkere ye. Heta li ser ala mîtanîyan resmê roja ku bi baskên teyran ve difire hatibû çêkirin. Ev nîgar di heman demê de mohra şahê mîtanîyan e. Teyr û roj digel dara jiyânê ji hêla Horiyan ve dihate homandin.

Brahma, wek afinêrê hemû tiştên ji sereta û heya heyayê tê bawerkirin. Gerdûn bi dengê *Aum* (om) ve afirandiye û di bingehe her tiştî de şopa vî dengî heye. Ew li teyrê *Hamsa* siwar e. Ev teyr carna wek qazê carnan jî wek qûyê tê şanîdan. Lê belê *Hamsa* bi Zimanê Sanskrîtî tê wateya “*So Ham*” ‘ez ew im’, yan jî “*Aham Sa*” ‘ez ew nînim’. Hevsera *Brahma Saraswathî* jî teyrê Tawûs siware. Teyrê Tawûs him bedew e him jî êrişî maran jî dike. Kuştina maran ji hêla wê, heman demê tê wateya kuştin û dûrxistina hewesên mirov yê xirab<sup>98</sup>.

Di Brahmanî de gotinên sanskrîtî “*So Ham*” ‘ez ew im’, “*Aham Sa*” ‘ez ne ew im’ û axaftina Xwedê û Melekê Tawûs tîne bîra mirov. Ev gotin di nav ola Êzdiyatîyê de jî hene. Xweda ji Melekê Tawûs dipirse: “*Tu kiyî, ez kî me?*” Melekê Tawûs dibêje: “*ez ezim tu jî tu yî.*” (Misheba Reş)

<sup>96</sup> J. Pokorny, 708-9.

<sup>97</sup> Îro jî di Kurdistanê de mirovên ku nave wan *Temez* hene.

<sup>98</sup> Kathryn Wilkinson, Kökenleri ve Anlamlarıyla Semboller & İşaretler, Alfa yayınları, 2010; Henrich Zimmer, Hint Felsefesi, İstanbul 1992.



**TEYRÊ ENQER (SÎMİR)**

Sîmurg, teyrê efsanevî ye. Di derbarê vî teyrî de li hemû deverên cihanê efsane û çîrokên curbecur hene. Di mîtolojiyên Yewnanî de jê re dibêjin fhoenix. Efsaneya sereke ya sîmurg ji jêderkên Hînd-Îranî dertên û jêre dibêbijin “*mundane egg*” ango “Hêk, yan jî tovê dunyayê”.

**Etîmolojiya Navê Teyrê Enqer:**

Navê Enqer bi heve dudaniya pêyva PHE *\*ank*-<sup>99</sup> ‘hêz, pêdivî’ û navê PHE *\*er* *\*or*- ‘teyr, teyrê deryayê<sup>100</sup>’ ve pêk hatiye. Mînakî: PHE *\*ank*- + PHE *\*er*- = anker- ‘teyrê xurt’ derketiye holê. Mirov dikare nimûnekî dîsa bide. PHE *\*egnis*-<sup>101</sup> ‘agir’ + *\*er*-‘teyr’ = *egniser*- → *egnier*- → *Enqer*- ‘teyrê ji agir’.

**Etomolojiya Navê Sîmir (Sîmorg)**

Heya naha derheqê navê teyrê sîmir gelek şîrovekirin çêbûne. Lê belê piraniya lêkolîneran her tim li dora Zimanê Farisî hatine û çûne. Ji ber vê egerê negihîştine encameke tekûz. Ya rastî, navê teyrê sîmir beriya zimanê farisî ye. Ji ber vê egerê divê yekser di Zimanê Proto-Hînd-Ewropî de lêbigerin.

Her waha:

PHE *\*(s)mer*- ‘hizirandin, bîranîn’<sup>102</sup> + PHE *\*er*-, *\*or*- ‘teyr’ = *\*smeer* û dawiyê de bûye *sîmir/sîmor* yan jî *sîmorg* ango tê wateya ‘teyrê hizrê, teyrê bîrewar’. Jixwe, bi goreyê efsaneyek Îranî sê çaran hilweşandina dunyayê dîtiye û ji ber vê egerê ew xwayî zanyariya hemû dema ye. Ango ji wê zanetir kes û tişt nînin.

**DÎK**

Dema behsa dîk tê kirin, banga wî ya dema elendê tê bîra mirov. Ango ew teyrê berbangê ye. Berbang yan jî elende dema hilatina rojê ye. Dîk jî agahdarê wê demê ye. Ji ber vê egerê dîk mîna dawerê rojê hatiye hizirkirinê<sup>103</sup>. Ji ber ku mizgîniya roja nû dide ew heman demê de sembola vehişyarî û vehereketê ye. Di ola Êzdîyatîyê de bûyerên bişibin temasûhê pîroz in û ji hêla Xwedê yan jî Melekê Tawûs ve pêk tên. Her wusa, dema ku dîk bang dike, mizgîniya tenasûhê dide. Ji ber vê egerê

<sup>99</sup> J. Pokorny 25:1

<sup>100</sup> J. Pokorny, 325-26:1

<sup>101</sup> J. Pokorny, 293.

<sup>102</sup> J. Pokorny, 969-70

<sup>103</sup> Harold Bayley, *The Lost Language of Symbolism*, London 1951.



ew pîroz hatiye pejirandin.

Mîna ku:

Ji PHE \**dei-*, \**deiə-*, \**dī-*, \**diā-* ‘roj, Xwedê’ + \**iek-* ‘axaftin’<sup>104</sup> = \**deik* ‘yê ku agahdar dike’<sup>105</sup>, wek Xwedê diaxife’ → *diek-* ‘Xwedê dibêje’ → *dîk* ‘banga Xwedê’ peyda dibe. Diyarê navê PHE \**digh-* ‘bizin’<sup>106</sup> jî her wusa maye. Ango dema totemîzmê ew û Xweda şibandine hevûdu. Xûyaye di nav mercên Mezopotamya de pirtika –il bi navê *dîk* ve hatiye çespendin û bûye *dîkil*. Ev tê maneya *dîk-* + -El ‘El şahê Xwedayan’ ‘*dîkê şahê Xwedayan*’

Her waha *dîk*, sembola ronahiya ku dawiyê dide tariyekê ye<sup>107</sup>. Bingehe hemû ol û baweriyên li ser tekoşîna navbera qencî û neqenciye hatiye avakirin. Wek sembola neqenciye tarî, ya qenciye jî ronahî hatiye pejirandin. Subehê zû ji banga *dîk* pê ve hemû hêz û bûyerên neqenciye jî tune dibin.

*Dîk*, ji kîjan ol û baweriyê dibe bila be, ji bo hemû Kurdan pîroz e. Lê belê vî teyrê nav malê di nav Êzdiyan de cihekî sereke wergirtiye.

## BOXE

Boxe sembola hemû tiştên têra xwe xurt û jêhatî. Ew li Kosmosê hêza birûsk, berq û bagerê ye. Li erdê sembola bereket û zayîne ye. Di kesatiya mirovan de hêz, lezgînî, wêrekî û hêza navajoyî ye. Li serdema Horiyan Ajalê pîroz yê ku şahê Xwedayan Teşşûb lê siyare, boraqa Mîtra ye. Êzdî jî gerdîşa Mîtra pêk tînin û wek boraq boxeyan serjê dîkin. Ango xwîna boxe dirêjînin. Bi goreyê Mîtrayîzmê ji xwîna boxe vejîn û tenasuh ango rekarnasyon pêk tê. ■

Etîmolojiya navê Boxe:

Diyar e PHE \**bhēgh-*: \**bhōgh-* ‘berxwedan, dij rawestan’<sup>108</sup> jêderka navê boxe ye.

## MAR

Li ser tirba Şêx Adî wêneyê marekî heye. Ji bilî vê kesên bi maran re mijûl dibe û wan re dilîze yan jî wan dihewîne ji hêla Êzdiyan mirovên

<sup>104</sup> J.P. 503-4

<sup>105</sup> J.P. 188-89

<sup>106</sup> J.P. 222

<sup>107</sup> Ivan Evseev, Dictionar de Simboluri și Arhetipuri Culturale, Timișoara, 1994.

<sup>108</sup> J.P. 115

xwedî kerametan tèn pêşwazîkirin. Bi taybet marê reş sembola cihana bin erdê ye. Ango ya xwaliya reş e. Gotina “xwaliya reş” wek hizir, navlêk û biwêj cara destpêkê ji hêla Horiyan bi ser û ber bûye. Ji wan jî belavî hemû hêlên cihanê bûye. Her wusa tê gotinê ku marê reş her tim seredaniya cihana binerdê, anga cihana xwaliya reş dike. Di lîteratûra kurdî de ji vîna re dibêjin erdê reş û tarî. Bi vê biwêjê dixwazin warê mirinê, devera ku ruhên miriyan diçine, destnîşan bikin. Heman biwêj wek “kara toprak” derbasî nav tirkî jî bûye.

Mar, di gelek çand û gerdîşan de wek fîgurekî sereke hatiye pejirandin. Bi taybet mar buyê mijûldariyek mezin ya xwediyê baweriyên ezoterîk. Helbet çend sedemên girîng yê vê babetê hene. Ji van ya sereke awayê fîzîkî yê mar e. Zirav û dirêj e, dixuşxuşe bi dilopek jahr filan dukuje. Him li ser erdê him jî li bin erdê dijî. Ev jî bûye sedema ku mirov maran wek ajalên bi nehîni û razdariyê binirxînin. Ango ew agahdarê cihanên ser û binê erdê ye. Taybetiyek dinê ya mar jî guhortina kirasan e.

Tê gotin ku mar parastvanên kahniya jiyanê, nemirinê û gencîneya mezin ya giyanê hilovan e. Diyar e, rola marî li ser diwarê tirba Şêx Adî jî parastvaniya wê tîrbê, ava zemzemê ye.

Ji bilî vejînî veciwaniyê mar sembola tirs û mirinê ye jî. Ango ji derbasbûna şêmûgê yan jî sînoren diyarkirî mar bi mirov vedide. Bi vî awayî mar dibe sedem û delîla ku mirov sînor bide ber hewesên dozînî. Her jixwe bi kurdî navê mar jî mirin û tirsê derhatiye.

Di Ola Xiristîyanî û Îslamê de mar bûye sembola du rewîştan. Yek jê xapandina Hewa û Adem e ku ew jî bûye sedema ji Bihuştê bîn avêtin. Ya dinê jî, dema tofanê qula keştiya Nûh dixitimîne û nahêle av têkevê. Dîsa, rola başiya mar di bûyera gopalê Mûsa de tê dîtin. Goplê Mûsa dibe mar û hemû marên sêhîrbazên misrê duxe.<sup>109</sup> Diyare olên yek Xwedayî jî xwe ji hikarên mar yê razdar rizgar nekirine.

Zanîsta pozîtîf jî derbarê mar hinek şîrovekirin çêkirine. Ji nav hemûyan de ya Psihanalist Sigmund Freud pir balkêş e. Freud dibêje, mar sembola seksê ye<sup>110</sup>. Di binzanetiya mirov de gelek tiştên pelixandî hene. Her waha ji wan yek jî dozîna seksê ye û bi şêweyê maran ji warê zanîna binî xwe dighîne warê zanîna li ser.

<sup>109</sup> Jean Chevalier & Alain Gheerbrant, Dictionar de Simbolluri, Bucureşti, editura Artemis, 1995.

<sup>110</sup> Doina Ruşti, Dictionar de Simboluri din Opera lui Mircea Eliade, Editura Coresi, 1997.

### Etîmolojiya Navê Mar:

Navê mar bi tenê Zimanê Îranî de tê bi kar înan. Ji ber vê egerê kok û jêderka vî navî Hînd-Ewropî ye. Her waha:

PHE *\*nē-tr....*, *\*nə-tr-* ‘mar, marê reş’ di Zimanê Kurdî de wek mar tê bilêvkirin. Lê belê di kurdî de gelek pêyvên ku awa û rewîştîya mar destnîşan dikin hene. Mîna:

PHE *\*mer-* ‘ben, weris’<sup>111</sup>, PHE *\*mormo(ro)-* ‘tirs, saw, erjeng’<sup>112</sup>), Gr. *μορμώ, μορμών* (mormo, Mormon) ‘heçepîl, tirsnak’, Lat. *formido* ‘tirs, rêz û hurmeta olî’, Lat. *natrix* ‘marê avê, penîs’, Îr. *nathir* ‘xişxişok, mar’, Kîmerî *neidr* ‘mar’, Îzlandî *naor, naora* ‘reşe mar’<sup>113</sup>, PHA *\*mer-*, *\*merə-* ‘mirin’<sup>114</sup>, *\*mer-*, *\*mer-s-* ‘gir û hêrs, xişim’<sup>115</sup>, *\*mer-*, *mor-(u)-* ‘reşayî, rengê tarî’<sup>116</sup>, Hurr. *mar-al* ‘kuştin, mirin’.

Pêyvên li jorê nivisî rêwiştê *mar* didin xûyakirin. Mar, mirovan dukuje; mîna ben û werisa ye; tirsnak û bi talûke ye; di Kurdistanê de piraniya rengê maran reş e.

### ROJ

Di teogoniyê de<sup>117</sup> roj lehengê serek e û di nav şewqa xwe de diçirûse. Ew yekser wek kurê Xwedayê ezmanan hatiye zanîn û her wusa rewîşt û jêhatîbûna Xwedayî li ser e. Ew hemû tiştan dibîne û dizane. Li Hîndûstanê Surya çavên Varûna; li Îranê çavên Ahûra Mazda; li Yewnanîstanê wek Helîos çavên Zeûs yan jî Ûranûs; li Misrê çavên Ra; û di îslamê de yê Xwedê ye.(35) Hin caran roj û ezman şûna hev jî digrin. Roj sembola bav e. Wek zilaman şûr bi destan de çekdar e (bi êgir çekdar e).

Ji ber karakterên rojê yê nêzikî yan jî wek Xwedayî ew di ola Êzdîyatîyê de pîroz e.

### DARA HERHERÊ

Sembola Horiyan ya herî pir bi navûdeng, kompozisyona teyr, roj û dara jînê (Dara Herherê) bi hevra ye. Mircea Eliade dibêje: “*Dar, simbola*

<sup>111</sup> J. Pokorny, 733:1

<sup>112</sup> J. Pokorny 749; Walde-Pokorny, P II: 308; Walde-H I:532

<sup>113</sup> Julius P. 767; Walde-P. II 327f.; Walde-Haust II: 147.

<sup>114</sup> J. Pokorny 735:4.

<sup>115</sup> J.P. 737-38:6

<sup>116</sup> J. P. 734:3.

<sup>117</sup> Teogonî hizra çêbûn û daketina xweda û xwedawenda li gerdûnê.

jiyana bêmiriniyê ye.<sup>118</sup>“ Eger bi şeweyekî ontolojîk (zanyariya hebûnê) bête nirxandin bêmiriniya darê ‘rastiyêke mîsoger e.’ Lewra ji bona ku dar tîk û dirêje weke sembola germiçankê dinyayê hatiye destnîşan kirinê. Ji bilî vê, bi rihên xwe ve dinya li bin erdê; bi şaxên xwe yên daketî û hilketî mîna pêlikan ve çiyân, ango bi dunya navîn, bi bilindiya xwe ve jî ezmên derbîran dike.”<sup>119</sup>



Bi goreyî mîtolojiya Babîl darek heye û ew navenda gerdûnê ye. Her wusa ev hizir ji hêla Sûmeriyan ve jî hatibû pejirandin. Di nivisaran de dibêjin: “*Li Erîdû Keskanûyê Reş hêşîn bû; Ew deveveke pîroz hatibû afirandin; şewq û şemala wê mina*

*tîrêjên kevirên lacîwerd bûn û digihîştin heya ber Apsû. ...*”

Di Avestayê de dara Gaokarana Haoma heye. Ev dar ji hêla Ahûra Mazda ve hatiye afirandin, dermanê hemû derdan e. Ev dar li gola Vourakaşayê ye û dibe sedema hêşînbûna ku bi hezaran curbecur gul û giyayan. Li ser şaxekî wê hêlîna teyrê pîroz Saena heye. Gaokarana dara bêmiriniyê ye. Ehrîman, li aliyê dine gumgumokek afirandiye taku ew hevsengiya Gaokarana xirab bike û hikara wê darê ya bi derhozeyî (mûcîze) nemîne.

Dara Gaokaranayê şewq û şemala xwe daye li ser rûye erdê jî. Ew der çiyayê Haraiti ye. Li destpêkên afirandina erdê Haoma li wî çiyayî hatibû çandin.

Li nav Vîkîngan û gelên Bakûr dareke pîroz heye û jêre dibêjin Yggdrasil. Ev dar deriyê navbera cihanan e. Kokên vê dare xwe berdide heya dilê cihana binerdê ku welatê mirinê yê Xwedayên binerdê ye. Ji kokên vê dare sê jêderk derdikevin hole. Ji van yek Pozoyê ji Juventûdê

<sup>118</sup> Mircea Eliade, *Istoria Credintelor și Ideilor Religioase*, 2007, Polîrom, București.

<sup>119</sup> . Black & A. Green, *Mezopotamya Mitolojisi Sözlüğü-Tanrılar, İfritler, Semboller*, Aram yayınları, İstanbul, 2003; Mircea Eliade, *Dinsel İnançlar ve Düşünceler Tarihi*, Kabalcı yay. 2007-İstanbul; Sigmund Freud, *Dinin Kökenleri*, Payel yayınları, 2002-İstanbul; Ebru Uncu, *The Cult of the Sun in Mesopotamia, Anatolia and the Egypt Civilizatons*, Volume 5, s. 349-366, 2013

(nefretê), ya dine Mîmîr e (jîrbûn û nasyarî), yek jî tiştê ku hemû av û çemên cihanê jê dertê ye ku jê re dibêjin Hvergelmîr.

Di kevintirîn nivisarên hîndûyan Athar Vedayê de tê gotinê ku cosmos teşeyê dareke mezin e. Bi vê dare re dibêjin Aşvatha. Vê dişibînin dara hêjîra ficûsê. Dibêjin Bûdha ji nav ronahiya wê re derbas bûye. Di îlahiyên Bhagavad Gita<sup>120</sup> de tê gotinê ku gerdûn mina darekî serobino ye.

Di Kabalayê de jî behsa dara afirandinê hatiye kirin û jêre dibêjin Sefîrot. Li ser vê derê plana wêneyê afirandinê hene û bi goreyî wê gerdûn tê revebirin. Enerjiya human ji wê derê dadikeve ser cihana bûjenî.

Di Xiristiyaniyê de behsa darên Bihuştê tê kirin. Ji aliyê rohilatê ezmên du dar tèn xarê, ji wan yek ya rastiye, ya dine jî ya jiyane ye. Di Încîlê de tê gotinê ku Hewayê ji hêla mar ve hatiye xapandin û mêyveyên ji dara nasyariyê xwar û ew jî bûye sedema qewitandina wan ji Bihuştê.

Li Misira kevnar dar pîrozbûn û mina Xwedayan ew dihomandin. Dibe ku ev hizir ji ber kêmaniya daran a li herêmê wusa bû. Digotin li aliyê rohilatê dareke geylazan ya kozmîk heye û Xweda li ser wê rûniştine. Li aliyê rojava jî dara Çînarê heye û Xwedawenda Hathor li wê derê gerdûn afirandiye. Her wusa dara çînarê pir pîroz e.

Di mîtolojiya Yewnanan de jî her Xwedayek bi darekî hatiye temsîl kirin. Bi goreyî erk û kesayetiyên wan dar destnîşan kirine. Sembola Zeus dara berûyê ye. Di nav keltan de jî dara berûyê pîroz e û nîşana jiyane ye.

Heta di Ola Îslamê de jî behsa dara Hûmayê tê kirin ku dibêjin ew dara Bihuştê ye.

Diyare nave herî baş û guncav yê kurdî ye. Ango Dara Herherê ye.

## DURR/MIRWARÎ

*Durr*, elementê sereke yê Êzdiyatîyê ye. Ji ber ku Yêzdan gerdûn ji mirwarî çêkiriye. Bi goreyî Misheba Reş, Xwedê di heft rojan de heft ferîşte afirand. Durrekî spî çêdike û 40.000 salan di hundirê wî mirwarî de dikeve nav înzîwayê. Piştî van çil hezar salan durr şikand û jê derket. Bi parçeyên wî erd û ezman, av û stêrk çêkir.

Belê ji bo çi *durr* ango *mirwarî*? Gelo ev hizir tişteki pîşadî ye yan bi zanetî ketiye nav kozmogonîya Êzdiyatîyê? Helbet mirov bi asanî nikare bighêje encama resen. Lê belê, derfetên selimandina vê hizrê jî hene.

<sup>120</sup> Bhavad Gita XV, 1, 4.



Mirwarî, tiştêkî bi nîrx, hebûna wê kêma û bedew e. Çêbûna mirwar dişibê ya jîndaran. Ew di zikê îstiridya biqemûş û avê de çêdibe. Hemû ol û baweriyên berê de vera ku teyrê tawûs wek sembola nîşan dane, mirwar jî dane ber wê. Yan jî teyrê Tawûs dane er mirwar. Ji ber ku ew wek sembola zelalî û paqîşiyê hatiye naskirin. Mirovên antîk digotin mirwar wek sembola hîvê, afsûndar e; sembola cinsê mê, jiyana û zayînê ye. Îraniyên berê ji bo mirwar digotin “hêsrên çavên Xwedayan.” Ji rojhilatê heya rojavayê hemû gelên cîhanê durr madeyekî avsûndar ê ku hêza wî ya vejîndariyê heye.

Hebûna mirwar/durr tiştêkî pir girîng diselimîne. Warê ku durr lê çêdibe û dikemile av e. Ev jî tê maneya ku bi goreyê ola Êzdiyatîyê aferîdeyên zindî cara destpêkê di avê de çêbûne. Gelekî balkêş e ku behsa almas, yaqûd û zumrûdan nayê kirin. Ew hemû cure kevîr ji durrê giranbuhatir in. Lê belê dîsa jî behsa *dûrrê* tê kirin. Dema mirov bala xwe bide formûla kîmyevî ya dûrr rastî elementên jînê yê bingehîn dibe. Dendikê durrê % 6 madeyên organîk, dora wê jî % 90 ji kalsiyûm karbonatê û %4 jî ji avê peyda bûye. Her waha karbon, kalsiyûm, elementên organîk û av bingehê jiyane ne.

Helbet mirovên beriya hezaran salan ev rastiya kîmyevî belkîm nizanibûn. Lê belê ji bo pakbûna ji hin cureyên nexwaşîyan derreyê hêrandî dixwarin.

Diyar e kosmogoniya durr ya ola Êzdiyatîyê hizrek gerdîşî ye. Ji ber ku di vê babetê de behsa tov yan jî hêkekê tê kirin. Her waha di lîteratûra kozmogoniya gelek olên cîhanî de ji vê hêkê re dibêjin “*aNDakoza, mundane egg, Anguinum. Ovum*”<sup>121</sup> ango ‘hêka cîhanî’ yan jî hêka ku dunya jê derketiye. Çêbûn û kemilandina durr, di hundirê wê de înzîwaya Yêzdan ya 40.000 salan, şikandina wê û ji parçeyên wê çêkirina cîhanê, roj, hîv, dunya, av û stêrkan hemû jî dişibên çêkirina hêkê û jiyana ji wê derketî. Her wusa efsaneya teyrê sîmir û hêka cîhanê jî çêbûn û afirandina gerdûn û jîndaran dişibê ya efsaneya durr a Êzdiyan. (mîna Destana Kerr Kulik hêk)

Navê durr, diyar e, ji Zimanê Horiyan maye. Hurr. *du-* ‘jêr’ + *ûr-* ‘rastî’ = *duûr* ‘rastiya jêrê’ ango ji van herdû pêyvan navê *durr* ‘rastiya bin avê’ peyda bûye.

## ŞEH


Kesên ji Ola Êzdiyatîyê pêyva şeh bi Melekê Tawis re wek dijûnê

<sup>121</sup> The Edinburgh Encyklopedia, Science and Arts, 1832, Philadelphia



dinirxînin. Lê belê li ser tirba Hesil Mameh û ji nav deqên Êzdiyan de gelek wêneyên şêh hene. Ka em lê binyêrin di bingeha vê helwestê de çî derdikeve holê.

Şeh kevintrîn amrazekî mirova ye. Tê gotinê ku ji destpêka dema neolotîk û pê ve şeh heye. Ji hingê ve şeh wek sembola mêbûnê, yanê ya organê mehlikiyê hatiye pejirandin. Ji ber ku diranê şe por berhev dike û ev jî dibe sedema berhemdariyê, yanê zayîn, dewlemendî û adanê. Di ezoterîzmê de eger diran ber bi jorê bin, cinsê mêr û rojê, diran ber bi jêrê bin, yan jî dora wî av û nexş hebin, hingê dibe sembola mê bûnê (Xwedawend). Nexşê şeh yê li ser diwarê turbeya Pîr Hesil Memê diran li jorê, yê li wêneyê di pirtûka A. H. Layard, Nineveh and its remains de jî li jêr in.




Li Pîr Hesil Mame nexşeyên şeh<sup>122</sup>

Diranên şeyî wek tîrêjên rojê jî hatine selimandin. Bi tîrêj û bingehê wê yê diran jê dertên, yekheviya mê û nêr û dawîya kiryarên siruştî bûyera zayînê pêk tê. Di folklorê kurdî de şeh diyariya sereke ya xortan ji bo keçan e. Di çîrokên kurdî de lehengê çîrokê şeh davêje erdê li pey wî deviyek mezin tiji sitirî çêdibe. Her waha dêw nukare xwe bighîne wî.

Di wêneyê jêrê de yê deqên li ser laşê jinên Êzdiyan şeh çî diselimine gelekî baş diyar dike<sup>123</sup>

<sup>122</sup> E. S. Drower, Peacock Angel, Being some Account of Votaries of a secret Cult and their Sanctuaries, London 1941

<sup>123</sup> Ev wêne ji pirtûka E.S. Drower, Peacock Angel: Being some Account of Votaries of a Secret Cult and their Sanctuaries, London, 1941



Hejmara 1: Cismê gilover hîv e. Hîv, hîjdemîn nepena Tarotê ye. Tarot ji pêyva kurdî terxan ‘cûda kirin, teksîs kirin, amade kirin’ maye. Ev pêyv wek tarh ‘derxistin, danîn, hîştin’ Erebkî, wek taroux fransîzkî mîna tarocchi jî derbasî nav îtalkî bûye. Her çendî ji sala 1500 li Europa wek falê hatiye destpêkirin jî hebûna wê ji beriya mîladê dest pê dike. Diyarê ji magiyên Mîtanî û medan pêve heye. Ji bo ayende bê zanîn ji cîsmên kosmîkî û cîhanî kelk werdigirtin. Ji van cîsman yek jî hîv e. Bi goreyî Tarotê hîv mîna pencereya ku ronahiya korik/loş jê dertê ye û ji wir keçeke ciwan bi harpê distirê. Di vê dîmenê de hîv destnîşaniya mirinê, keçik jî ya giyanê/ruh e. Ji ber vê egerê pir caran di fala Tarotê de hîv pir caran mîna agahdarê bûyerên negatîf tê pejirandin.

Di Mîtolojiya Kurdî de rola hîvê nezikî ya Tarotê ye. Keçik û xemdariya wê mijara hevbeş e. Heta ronahiya hîvê ya korik jî hevbeş e. Bi goreyî Mîtolojiya Kurdî hîv û roj xwîşk û birane. Hîv xwîşk, roj jî bira ye. Hinek deveran hîv bira, roj xwîşk e. An goreyî efsanê bira wenda dibê xwîşk jî li wî digere. Her waha xwîşk piçûk û xemgîn e û digirî. Ev hemû jî bûne mijara Tarotê.

Di îkonên horriyan de hîv û roj digel hev hatine çêkirin. Herdû jî wek Xweda hatine perestîn.

Hejmara 2: Diranên şeh in û tîrêjên rojê destnîşan dikin. Ji ber ku tîrêj diyar dibin û berê wê li jor e. Her waha bi vî avayî şeh nêrzatîyê diselimîne. Ango roj e. Di vê pozîsyonê de yekheviya hîv û rojê derdikeve holê. Yanê Mîtolojiya Xwîşk û biratiya roj û hîvê şîrove dike. Di kompozîsyona wêneyî ya deqkeşaniya jêrê de, hîv quncikê herî dûr cîhwar e û roj jî bi hemû şewqa xwe ve gerdûnê ronahî dike taku bikaribe xwîşka xwe bibîne.


Hejmara 3: Deq yanê xal e. Xal sembola yekheviya jêderk û navendê ye. Ango tovê hebûnê ye. Ev wek hêka yan jî materyalê jêderka gerdûnê hatiye sêwirandin. Bi goreyî Mîtolojiya Kurdan ev Durrê YEzdan e. Wek di Mishefa Reş de jî tê gotin, jêderka Roj, hîv û cîsmên ezmanî hemûyan durrê kozmîk e.

Hejmara 4: Ev jî xaç e. Xaç nûnêrtiya çar dem (buhar, havîn, payîz û

zivistan), çar enasir (hewa, erd, av û agir), çar taybetîyan mezin yê jîndaran (zayîn, jiyîn, mirin û tenasûh), çar şêweyên sereke yê jîndaran (yên digerin, yên difirin, yên dixuşxuşin û yên di avê de ne).

Li goreyî Schneider di navbera şeh û kelekê de têkiliyeke pir nêzik heye. Ji ber ku herdû jî dikarin bibin dawêra av û agir<sup>124</sup>. Lê belê şe, taybetîya semyanê, heyberên mê, Pîra Xapxapok<sup>125</sup> û pêriya avê ye. Ji vê têkiliya di navbera şe û masî de jî eşkere dibe. Bi tenê dûva pêriya avê wek ya masiya ye. Her waha dûvên masiyan û bê goşt in. Organê bê goşt jî mirin û goristanê tîne bîra mirov. Şeh dişibê dûva masiyan û pir caran wek sembola tirb û goristanan jî hatiye nirxandin. Ji ber vê egerê Êzdî ji pêyvên ku şeh di serî de hebin, hers dibin. Lewre mirinê tînin bîra mirov. Her wisa hemû Kurd bi tewrekî bêxem û bêtirs behsa mirinê nakin. Dibêjin ku li kuderê mirov zêde behsa mirinê bike, hema li wê derê bûyerê mirinê pêk tînin. Heta Kurd tirban bi tilî û destên xwe nîşan nadin. Eger tiştêkî wusa bikin, tiliya xwe gezdikin û dixin bin nigê xwe.

Diyar e, wateya razdar (mîstîk, batîni) ya şeh hatiye jibîrkirin, paşê jî ew weke dijûn li hemberê Melekê Tawîs hatiye nirxandin. Lê belê ji bîrnekin di wêneyê destkêşîya John Usher ya sala 1965 an de şeh jî heye. Li ser diwarê tirba Şêx Adî wêneyên şeh hene. Dîsa li ser rûyê jinên Êzdî jî wêneyên deqî yên mîna şehî hene.



John Usher, *A journey from London to Persepolis*, 1865

### Etîmolojîta navê şeh:

Di Zimanê Proto-Hînd-Ewropî de nave şeh nayê zanîn. Lêbelê lêkera

<sup>124</sup> Marius Schneider, *El origen musical de los animales-símbolos en la mitología y*

*la escultura antiguas*. Barcelona, 1946

<sup>125</sup> Di mîtolojiya Yûnanan de jêre dibêjin Lamias ‘pîra ku zarokan duxwe’.

\*skei- ‘jêkirin, traşkirin, ji hev cûdakirin’<sup>126</sup> wateya tiştên ku bi şeh bên kirinê dide xuya kirin. Him dengvedana pêyvê him jî wateyên wê dibe ku jêderka kurdî nave şeh be. Ji bilî vê bi horîkî gelek pêyiv hene ku awayê şeh destnîşan dikin.

Mînakî:

Mirov Hurr. *şahri* ‘baxçe’ dikare asanî vegeerîne *şeh*. Ji ber ku por û baxçe dişibên hevûdû. Dibe ku *şeh* ji bo amraza ku baxçeyan paqîş dike hatiye bikar înan. Lê belê horîkî nave *şîş-i-he* ‘bêr, tevir, tirmix’ jêderka etîmolojîk ya *şeh* avayekî pir zelal eşkere dike. Lewra *şeh* bi xwe dişibê neprûçkê (tirmixê). Ango bi wateya neprûçka por hatiye gotin.

Bi Zimanê Elamî *še-e* tê wateya ‘por, pîrç’ê. Her wusa diyare di hemû zimanên kevin yê yafestîk de wusa tê gotin. Helbet ev pêyiv di Zimanê Horîkî de jî hatiye bikarînan. Bi horîkî pêyiva *şahri* ‘baxçe’, ‘bax’ yan jî ‘devî, daristan’ jî teşeyê *şeh* tîna bira mirov. Di çîrokên kurdî de dema lehengê çîrokê şeh davêje li pey xwe devî û daristanên gur peyda dibin û hingê dêwê heftserî nikare wî bigre. Bê şik ev çîrok ji dema Horiyan ve mîrat maye. Ango di hizra Horiyan de porê mirovan mîna devereke bir rivêkan dagirtî ye û dişibê bax û baxçeyan. Yan jî navê por û pîrçê li bax û baxçeyan kirine.



Ji aliyekî dinê ve Diyare nav ê *şahri* ‘baxçe’, ‘bax’ yan jî ‘devî, daristan’ ji Hurr. pêyv *eşe* ‘erd, xakê’ derhatiye. Her wusa di van nav û navlêkan de mirov dikare sedema hêrsa êzîdîyan ji bo bilêvkirina navê şeh bizanibe. Ji ber ku di gerdîş û şeweyê hizirandina kurdewarî de “*xwalîserî*” tiştêkî nerênî ye. Dema dibêjin *şeh*, hingê “*xwalîserî*” tê bîra wan. Helbet vêga di Zimanê Kurdî de *eşe* buye *ax*, yan jî *xwalî*. Lê belê wek *şeh* maye. Ango di hizra axa ku bax û baxçe lê hene hê tê bikar anîn. Lê belê wate û hafîza wê ya dîrokî hatiye guhêrtin û li bervî hêl û wateyên çewt hatiye kişandin.

## GOPAL


Tiştêkî pir balkêş e ku li ser turbe û peresgehên Êzîdîyan wêneyên gopalan hene. Hinek kite kit hinek jî di destikê wê de çember heye. Diyar e wateyên girîng yê gopal hene. Beriya her tiştî amrazê desteg û alîkariyê ye. Ji bo mirov mîna piyekî sisemîn e. Mirov ji gopal hêz û desthilatdariyê werdigre. Ji ber van sedeman ew mîna sembola kesatiya mezin û desthilatdar hatiye nirxandin. Bingehê hemû sembolen ol û baweriyên nivisa hiyeroglîf e. Bingehê sembolen ol û baweriyên li

<sup>126</sup> J. Pokorny, 919-22

Kurdistanê hiyegrolîfa Enedolî û ya Mezopotamya jorîn e. Bêhtirê wê ji ya lûwiyan derhatiye. Bêşek hinekî hikara ya Misrê jî tê dîtinê. Lê belê taybetiyên ya Lûwiyan zêdetirin e. Bi taybet Lûwî di vê nivisê de pir pêşkeftibûn. Hîtît, Hûrî, Ûrarto û cînarên dor û ber ji hiyeroglîfa lûwiyan sûd wergirtine.

Sembolên Lûwîkî  ‘kesekî girîng’ û Misirkî  ‘rêber, şah’ wateya gopalên li ser turbeyên Êzdiyan eşkere dikin. Bi nîşandana gopalan dixwazin bêjin ku “li vê derê kesên girîng hene. Yan jî li vê derê turba rêberan heye.

Semboleke bi taybet ya Êzdiyatîyê jî çerxa salê ya li nav destikê gopal e<sup>127</sup>. Gopal sembola desthilatdariyê ye. Mirov navê *Gopal û çerxa Dem û Dewranê* lê bike çêtir e. Bi vê simbolê dixwazin bêjin ku ev der cîhwarê Xwedayê ku dem û dewranê dughorîne, ye.



Jixwe ev simbol dişibê mohra Xwedayê rojê Şimîgê/Şimîjê yê Horiyan. Navê wî yê li Babîl Şamaş e. Xaçê nivekê yanê milên nîvekê nûnêrtiya vegera demsalan diyar dike. Hata navê rojan bi kurdî ji nave rojê bi horîkî mane (şemî, yekşem, duşem, sêşem, çarşem, pêncşem, îni<sup>128</sup>). Jixwe demên antic hatina dema cotkariyê, çandin û dirûtina dexil, kişt û kal hemû bi goreyê vê salnameyê dihat durist kirin.



Çerx 1.



Çerx 2.



Çerx 3.

<sup>127</sup> E.S. Drower: *Peacock Angel*,

<sup>128</sup> îni/en bi horîkî navê Xwadê ye. Her wusa îni/enî jî dibe roja Xwadê.



Çembera yekemîn sembola gerîneya gerdûnê ye. Çar enasir, çar demsalan û mirin û vejînê diyar dike. Her waha ew cure çerx tegera kozmîk ya mîtolojiya Kurdan e. Xaça orta wê hêza îlahî, çembera dora wê ware hêzê îlahî; çembera duyemîn ware vejînê, ya der û mezin jî hemû vexuyanên li kosmosê ne.


Çerxa duyemîn sembola roj û ronahiyê ye.

Çerxa Sisemîn Kevintrîn sembola olî ya mirovahiyê ye. Çerxên xaç di navê de ji dema serete ya dîrokê û pê ve hene. Bi taybet demên neolîtîk û bironzê gelekî hatine çêkirin. Lê belê hînge dihate çî wateyê bi temamî nayê zanîn. Naha jî ji hêla baweriyên ezoterîst û ocultist tê bi kar înan û tê wateya erdê. Diyarê baweriyê Êzdîyatîyê dixwaze bêje ku çar hêlên cîhanê hene û devera ku ev perestgeh lê ye navenda cîhanê ye. Her wusa ola Êzdîyatîyê Laleşê wek navenda cîhanê dizanin.

Her waha:

Sembolên li ser perestgeh yan jî turbeyên ezdiyan rola nivîsên hîeroglîfê jî pêktînin.

Mîna:



Her wusa koma van sembolan tê wateya:

*Ev der mala Xwedayê mezin e. Divê mirov û mirova mezin yê vê dinê baweriyê ronahiyê bikin. Ew ji çar enasiran peyda bûne.*

## ETÎMOLOJIYA NAVÊ LALEŞ

Laleş devera pîroz ya Êzdîya ye. Mîtolojiya Êzdiyan Laleşê wek navenda cîhanê dide xûyakirin. Her waha ew der devera perestgeha navendî û




hecê ye. Helbet her navek koka wî, her bajarek avakerên wî û her perestgehek perestvanên wê hene. Laleş kevintirîn perestgeha cihanê ya ku heya naha tê bikaranîn, e. Lê belê pir caran hatiye rûxandin û dîsa hatiye avakirin. Navê wê ji Zimanê Horiya mîrat maye û jê re digotin Alşe yan jî Alze. Ji hêla Horriyan hatiye avakirin û heya roja îroyîn hiker û gerdîşa wan li her deverên wê xûya dike.



Alşe yan jî Alze navekî hevedudanî bi Zimanê Horiyan e. Bi horîkî Alla(nî) Xwedawenda rojê ya binerdê ye. Dîsa El yan jî Al versiyona kenani ya Teşşûb ‘Xwedayê bagerê’ yê Horiyan e.

eşe/îzi<sup>129</sup> jî navê erdê ye. Her waha Alla +eşe = Alaeşe ‘erdê Xwedê’, yan jî ‘erdê Xwedawendê’. Paşê ev bûye Aleş û Alşe. Di Zimanê Horîkî de pêyv tu caran bi dengê l dest pê nakin. Diyar e, bi hikara mîtaniyan ev qeyde hatiye guhêrandin, ango bûye Laleş. Laleş tê wateya Erdê Xwedê yan jî Erdê Xwedawendê.

Laleş, dema Horiyan navê heremeke mezin e. Heta dikarin bêjin ku ji hingê û pê ve rêvebirîyeke xwe ye taybet hebûye. Di nav konfederalizma Horiyan de rewşa wê bi tewrekî xweser bû.



Piştî hilweşandina deshilatdariya mîtaniyan navê Laleşê kêr hatiye bîhistin. Lê belê li serdema orartuyan dîsa perî çavan bû. Ji ber ku navê

<sup>129</sup> RS h. 2, 26; 16, 13; 19, 164 r 5; iš-gi, h. 9, 7; 19, 6.; eš-ḥi, KUB XXIV 13 I 16; UR ešî ‘erd’

Kumanû li wê derê pêş dikeve. Kumanû deverên navend yên oldariya Horiyan bûn. Ji wan yek li Gurgumê heye. Ya dinê jî Laleşê ye. Kummana cîhê perestgeha şahê Xwedayan Teşşûb e. Allani ango Hebat hevsera Teşşûb e. Diyare li Alşê şûna Xwedawendê, vê carê Xweda derdikeve asta pêşîn.

### KETÎNA NAV ÇEMBERÊ

Bi goreyî gerdîşeke Kurdan dema dora mirov çember bê kişandin ew bêyomî tê zanîn. (bi taybet dora Êzdiyan) û heya ew kesê çember kişandiye veneke, kesên dorkêş nikarin jê derkevin. Helbet di bingehe hemû gerdîşan de hizir û baweriyên nepenî hene.

Ji bo mena çembera ku dora mirov tê kişandinê zanibin divê wateya mayîna navendê bête şîrovekirin. Beriya her tiştî divê wateya ketina li nav navinciyê çi ye wê zanibin.

**Orte, navincî, navîn:** Ji bo çemberek hebe divê navendek jî hebe. Ev çember li dora navendê tê kişandin. Herwaha liv û beza çemberê ji derve bervî hundir, ya navendê jî ji hundir bervî derve pêk tê. Ango defdana hêza der bervî navendê dixuşxuşe û çeperekî dide li pêş hereketên navendê yên ku bervî derve dilivin. Ev bûyer zagona rikeberiya li navbera bizav û vebizavê ye. Ev tekoşîn ji armancê ber bî têşeyê ve yan jî hin caran ji têşeyê ber bî armancê ve; ji pircureyiyê ber bî yekbûnê ve; ji demkîbûnê ber bî hetahetayê ve berdewam dike.

Dema ku li dora mirov çember tê kişandin rewşa derûnî çawa ye?

1. Di hişê mirovên dorpêçkirî de hesta tenêbûnê peyda dibe. Gelek tirsên mirov hene û ji vana yek jî tenêbûn e. Çember hesta tenêbûnê di hişê mirov de diafirîne. Hesta tenêbûnê rê li ber hemû êş û eleman vedike.<sup>130</sup>(Lynch, 1977:20). Mirov afînerekî civakî ye. Ji ber vê sedemê kesên dorpêçkirî xwe derî civakê dihesibînin.
2. Xwe wek zîndanî dizanin
3. Bê desthilat û bê hêz in. Hesta kesên bêkêr di hişên wan de peyda dibe.
4. Mîna ku li cîhwarekî tirsnak in û dê ji tehtan re bikevin xarê.
5. Qey dibê ketine dojehê
6. Xwe mîna boraqên ku pêşkêşî dêwê heftserî kirine dibînin

<sup>130</sup> J. Lynch, *The Broken Heart: The Medical Consequences of Loneliness*, 1977, New York

## 7. Hingê hê bêtir bi qedrê azadî, qencî û evîndariyê dihesin.

Ev jî dihêle ku mirov bi hayedarê gerdûnê be(29). Ango Gerdûn devereke bêser û bêber e. Lê belê di merkeza çemberekî de mayîn zebûnîtî ye. Derî çemberê mayîn jî azadî ye. Di navenda çemberê de mayîn dij-ajovanî ya ajoker e. Ajoker yê li navendê ye. Dixwaze bilive lê belê dora wî hatiye pêçandin. Çember rola dij-ajovaniyê dilîze û nahêle ew liva xwe ya azad pêk bîne. Liv ne bi tenê di warê fîzîkî de ye. Ew di warê hişî de jî hildipeke li pêş. Ango asta hişî û ya fîzîkî bi hev re derdikevin li holê.

Çember tiştêkî wusa têkûze ku hemû wêne, form û durif ji wê derdikevin. Ji ber vê taybetiya wê ya sereke di hemû çand û hunerên de roleke gerdûnî dilîze. Dem, bi goreyî heyberên gilover yên kosmosî tê hesab kirin. Xwedê li navenda kosmosê de hatiye sêwirandin û devera ku Xwedê lê dimîne jî pîroz e. Her waha çember pîroz hatiye pejirandin. Çember nimûnerê him ezman him jî ebediyetê ye. Çember sembola rojê ye. Eger dora wê bi tîrêjan xemilî be cinsê nêr yanê Xwedê, naxwe eger dora bi av û xemlê ve hatibe pêçandin hingê cinsê mê eşkere dike ku, ew jî dibe sembola Xwedawendan. Çember bi hejmara 10 ve hatiye nûnêrandin. Sedema vê jî ev e: Di navendê de 1, li dorê jî 9 xal hene û bi goreyî baweriyên ezoterik piranî ber bî kêmaniyê ve yanê yekê çerx dibe.

Bi goreyî doktrîna hîndûzmê Xwedê di navenda kosmosê de dimîne û ji wê derê ronahiyê diweşîne. Dora wî sîwaneke mîna behîvê heye. Herwiha ji wê siwanê tîrêjên ronahiyê ber bî erdê ve diweşin. Her wusa roj wek navenda kosmosê hatiye hizirandin. Ji ber vê egerê gelek deverên cihanê perestgehên gilover çêdikin. (Wek nimûne perestgehên Horiyan, malên Heranê, hundirê dêr û mizgeftan û hwd.)

Di baweriyên nepenî de çember ango hevêrk di warê kozmîkî de sembola ezmên e. Ew hertim di nav liv û bizavek bêserî û bêdawî de ye. Di heman dem û mekanî de ew sembola demê ye jî. Hemû mîtolojî û destan çemberê mîna devera ku kaos lê nîne şîrove dikin. Dûrbûna hemû xalên dora wê, heya li navînciya nediyar wekhev in. Bi van nexasîmên xwe yên girîng ve çember nûnertiya Xwedê jî dike. Ji ber vê egerê gelek Xweda û Xwedawend bi çemberê ve hatine naskirin.

Diyare di Êzdîyatîyê de ketina nav çemberê tê wateya mirin û vejînê. Eger dora kesekî çember bê kişandin ew tê wateya qedandina jîna wî. Yanê giyanê wî diçe ber destê hêza sereke ya Xwedê. Dema çember betal be, ev jî tê wateya vejînê, yanê tenasûhê (rekarnasyon).

**Kurtenav:**

PHE	Proto-Hînd-Ewropa
HA	Hînd-Aryan
Hitt.	Hîtîtî
Peh.	Pehlewî
Hurr.	Horîkî
Luw.	Luwîkî
Av.	Avesta
Skt.	Sanskritî

**Bibliografî:**

A. Walde – J. Pokorny, *Vergleichendes Wösterbuch der indogermanischen Sprachen*, I, Berlin-Leipzig, 1930

A. Walde- Hofmann, *Lateinsches Etymologisches Wörterbuch*, Heidelberg 1938.

Albert Tobias Clay, *Personal Names from Cuneiform Inscriptions of the Cassite Period*. Reprinted 2009:37.

Ali Husein Kerim, *Destan-Helbest û Mîtolojiya Hûriyan, Enstîtûya Kurdî ji bo Lêkolîn û Zanîst li Almanya*, 2014.

Ali Husein Kerim, *Kürtçe Etimolojik Sözlüğü (karşılaştırmalı) Enstîtûya Kurdî ji bo Lêkolîn û Zanîst li Almanya*, 2013.

Ali Husein Kerim, *Hurriler, Khuritler, Kürtler, Enstituya Kurdî ji bo Lêkolîn û Zanîst*, 2014

Ali Husein Kerim, *Tarihte Balkan Yarımadasında Kürtler*, 2011

Andre -Salvini, B. & M. Salvini, *A new trilingual vocabulary from Ras Shamra and relationship between Hurrian and Urartian*, 1999.

André-Salvini, B. & Salvini, M. *Un nouveau vocabulaire trilingue sumérien-akkadien-hourrite de Ras Shamra*. In: *Studies on the Civilization and Culture of Nuzi and the Hurrians* 22, 1088.

Anna Komnena, *The Alexoid of Anna Komnena*, Penguin Classics, London, 1979.

Arnaud Fournet, *A Tentative Etymological Glossary of Etruscan (article)*

Arnaud Fournet, *The Kassite In a Comparative Perspective with Hurrian and Urartean (Article)*.

Benjamin Walker, *Gnosticism, Its History and Influence*, A concise

survey of gnostic thought from its pre-Christian origins to its modern manifestations, The Aquarian Press, Wellingborough, Northamptonshire, 1983.

Bryce, T. R. The Kingdom of the Hittites (New Edition). Oxford, 2005:231 f.

C. Girbal, *šummi* im Boğazköy-Hurritichen. In: Altorientalische Forschungen 21/1, 1994.

David Michel Weeks, Hittite Vocabulary, 1985.

DENİSS Campbell, Mood and modality in Hurrian, The University of Chicago, 2007.

Dennis R. M. Campbell, Observation on the Lyric Structure of Hurrian Songs and the Fragment KBo 35.39., ChS 1/5 1 iii

Dila Baran Tekin, Mani ve Öğretileri, Hitit Üniversitesi Sosyal Bilimler Enstitüsü Felsefe ve Din Bilimleri Ana Bilim Dalı, Çorum 2014.

Doina Ruști, Dictionar de Simboluri din Opera lui Mircea Eliade, Editura Coresi, 1997.

E. Laroche, Glossaire de la langue hurrite (Revue Hittite et Asianique, 34-35) Editions Klincksieck, Paris 1980; Arnaud Fournet & Allan R. Bomhard, The Indo European Elements in Hurrian, La Garenne Colombes, Cherleston, 2010

E. S. Drower, Haran Gawaita and the Baptism of Hibil Ziwa, Vatikan(1953), Haran Gaveyta, r. 3;.

E. S. Drower, Peacock Angel, Being some Account of Votaries of a secret Cult and their Sanctuaries, London 1941.

G. de Prucker, Occult Glossary, A Compendium of Oriental and Theosophical Terms Theosophical University Press, California, 2011.

Georggi Ostrogorsky, Bizans Devlet Tarihi, Ankara, 1981.

Guiliano Bonfante & Larissa Bonfante, The Etruscan Language. An Introduction, 214, Manchester University Press, 2002

H. Craig Melchert, Lexica Anatolica Volume 2, Cuneiform Luvian Lexicon, Chapel Hill, N.C. 1993.

H. P. Blavatsky, The Theosophical Glossary, The Theosophical Publishing Society, 2006, U.S.A

Harold Bayley, The Lost Language of Symbolism, London 1951.



- Ivan Evseev, Dictionar de Simboluri și Arhetipuri Culturale, Timișoara, 1994.
- J. Catsanicos, l'apport de la bilingue de Hattusha a la lexicologie hourrite. Paris, 1996
- J. Lynch, The Broken Heart: The Medical Consequences of Loneliness, 1977, New York
- J. Pokorny, 218-19:2, Indogermanisches etymologisches Wörterbuch, 1959.
- Jean Catsanicos, L'apport de la bilingue Ḫattuša à la lexicologie hourrite, Jean-Marie Durand (ed.), *Amurru I*. Paris: Éditions Recherche sur les Civilisations, pp. 197-296., 1996.
- Jean Chevalier & Alain Gheerbrant, Dictionar de Simbolluri, București, editura Artemis, 1995.
- Johny Cheung, Etymological Dictionary of the Iranian Verb, Leiden Indo-European Etimological Dictionary Series, Volum 2, Brill, 2077.
- Julien R. Fielding, Discovering World Religions at 24 Frames Per Second, Scarecrow Press, Inc. Amerika
- Kathryn Wilkinson, Kökenleri ve Anlamlarıyla Semboller & İşaretler, Alfa yayınları, 2010; Henrich Zimmer, Hint Felsefesi, İstanbul 1992.
- la escultura antiguas*. Barcelona, 1946.
- M. Dietrich & W. Meyer, Hurritische Weihrauch-Beschwörungen in ugaritischer Alphabetschrift, 1994.
- Marius Schneider, *El origen musical de los animales-símbolos en la mitología y*
- Masato Tojo, Mitraism, An Inrtroduction to the Simorghian Culture and Mitrahism in the Asia, Mitraeum Japan, 2009
- Michael Ferber, A Dictionary of Literary Symbols, Cambridge University Press, 1999.
- Michel Jordan, Dictionar of Gods and Goddesses, second edition 1941, New York
- Michiel de Vaan, Etymological Dictionary of Latin and ather Italic Langueges, Leiden – Boston, 2008, Brill.
- Mircea Eliade, *Historie des Croyances et des idees reigiesus*, Paris 1983. Raspandirea creștinismului in imperiul part, Revista Transilvania



Roshen Dalal, *The Religions of India: A Concise Guide to Nine Major Faith*, Penguin Books India, 2006.

Salvini, M. & Wegner, I. *Die mythologischen Texte (ChS 1/6)*. Roma, 2004:177

Shai Gordin, *Scribal Families of Hattuša in the 13<sup>th</sup> Century BCE, A prosopographic Study*, 2088; Mascheroni, L. M, *bi hurriti a Boğazköy: una verifica prosopografica*”, 1984:160.

*The Edinburgh Encyklopedia, Science and Arts*, 1832, Philadelphia.

هه‌و‌نا‌مه‌ی کتێب

## Gotar

Fevzi Özmen

### ÊZDÎTÎ Û ZIMANÊ KURDÎ

#### BI GIŞTÎ OL Û ZIMAN

Bi kurtî mirov dikare têkiliya ol û zimên wiha diyar bike. Hemû ol vê diyardeya ziman wek diyardeyeke herî pêş û pîroz dinirxînin. Em dikarin li mîtolojiya vejînê ya ‘Gilgamêş’ û yên din binêrin. Di hemûyan de hêza Xwedayî bi mirovan re bi alikariya zimanekî di nav diyalogê de ye. Di vî warî de mirov dikare mîtolojiya ‘Birca Babîlê’ wek mînaekeke herî balkêş şanî bide.

Di kitêba pêşî ya Tewratê de serpêhatiya Birca Babîlê wiha ye:

Piştî tofana Nuh, mirov ji zarokên Nuh dîsa li ser dinyayê zêde bûn. Di wê demê de zimanê hemû mirovên dinyayê yek bû û axaftina wan jî yek bû. dema ku wan ber bi Rojhilatê ve koç kirin, li herêma Şînarê deştek dîtî û li wir cî û war bûn. Wan jî hev re got: «Werin, em ji xwe re bajarekî û birceke ku serê wê bigihîje ezmên, ava bikin, da ku em nav û dengê xwe derxin; nebe ku em li ser rûyê hemû erdê belav bibin. Werin, em kelpîçan çêkin û em wan baş biqelînin.»

Wan weha kir û dest bi avakirinê kirin. Di şûna keviran de kelpîçên wan û di şûna xercê de jî zifta wan hebû.

Xweda Mardûk bi niyeta wan dizanî û li wî bajarî û li wê birca ku mirovan çêdikirin, nêrî. Wî jî xwedayên din re got: «Ew hemû yek nîjad in û zimanê wan hemûyan yek e. Wan dest bi vê yekê kiriye û êdî tu tiştê ku bixwazin bikin, ji wan re ne zehmet e. Werin, em dakevin jêr û zimanê wan tevlihev bikin, da ku ew zimanê hev fêm nekin.»

Xwedayên din bi ya wî kirin û daketin jêr. Mirovan zimanê hev fêm nekirin, devjenî derket û wan zû dev ji avakirina bajêr berdand û li ba hev neman.

Bi wî awayî Xwedêyan mirov li ser rûyê hemû erdê belav kirin. Ji ber vê yekê ji bajêr re "Babîl" hat gotin, çimkî Xudan zimanê hemû mirovan li wir tevlihev kir û bû "bile bila" wan.

Berî hatina Mesîh di sala 586'an de, qiralê Babîlê Nebûxadnezar bi ordiya xwe ve hat û Orşelîm wergirt. Wî sûra bajêr û Perestgeha Xwedê ya ku Silêman padîşah ava kiribû, xera kir, şewitand û gelek mirov hatin kuştin.

Nebûxadnezar jî gelek Cihû sirgûn kirin, anîn herêma Babîlê. Cihû li wê derê 70 salî man. Di wê demê de, li Babîlê Zebûr 137 rûpel hat nivîsîn.

Heta Zanyar û filozofê Grêkî Platon jî di berhema xwe ya bi navê 'Protagoras' de qala çîrokeke yan jî mîtolojiyêke afirandinê dike, Di wê mîtolojiyê de li ser ziman wiha dibêje; "Ji ber ku Prometheus nîv mirov bû, bi alikariya hêza xwe ya afirîner dengêkî ku mirov dikare pê derd û kulê xwe bireşîne, da mirovan; piştê jî ji wan denga gotin pêk anî..."

Dema em li pirtûkên pîroz dinêrin, di wan de jî gotinên pêşîn û pîroz li ser ziman in. Heta ziman kilîta baweriyê ye. Mînak, di Quran' û Încilê de bi dehan ayetên li ser ziman hene.

Li aliyê din em awirekê bavên ser ola Mûsevîtiyê. Dema Mûsa li Misrê bû, ola Mûsewîtiyê bi zimanê semboli yê keşeyên Misrê bû. Ji ber vê egerê zêde kesî ji wan simbolên hieroglîfê fêhm nedikirin û her wiha jê serwext nedibûn. Paşê di serdema Silêman Pêxember de Tekvîn ji nûve hat sererastkirin û ew jî bi Zimanê Fenîkî bû. 800 salî piştî Mûsa keşeyekî bi navê Ezra Tevratê ji nû ve dinivîsîne. Ji wê demê û pê ve zimanê olî yê Îbraniyan dibe aramî. Her wiha heya niha berdewam dike.

Wek tê zanîn, yahûdî ji hêla Roma, xiristiyan û misulmanan ve gelek caran ji cî û warên xwe hatin qewitandin. Lê belê yahûdiyan di diasporayê de ziman û çanda xwe bi riya olê berdewam kirin. Dema ku sirgûnê Babîlê jî dibin, ew bi zimanê xwe dinivîsin û wî pêşve dibin.

Wek mînak; piştî zayîne di sala 1200'î de li Îspanyayê bi navên 'Zohar' û "Seferitsire" du şaheserên olî hatin nivisandin. Her çiqasî ew pirtûkên olî bin jî, lê belê bi zimanê yahûdiyan hatibûn nivisandin. Ji ber vê egerê bi dirêjahiya gelek çerxan wan bi saya van xebatan hebûna xwe ya zimanî, çandî û olî heya niha karibûn bidomînin.

Disa piştî Îslamiyetê ji dema desthilatiya Emewiyan bigire hatanî xwe bigihêjîne dawîya desthilatdariya Ebasiyan, Ereban bi saya dîne Îslamê piraniya gelên Bakurê Afrîkayê yê wek Qiptî, Dom û Berberi û yd. asîmile kirin û kirin Ereban.

Ango bi kurtî em dikarin vê bejin:

1. Dîroz, sirûd û perestiş bi kîjan zimanê be ew ziman baştir xwe diparêze û pêş dikeve.
2. Eger gelek dîroz û perestişê bi zimanên biyanî bike, ew gel ziman û çanda xwe nikare bi pêş ve bibe.
3. Eger li welatekî û di nava gelekî de perwerde bi zimanê dayîkê nebe, an jî perwerdeya zimanê dayîkê tunebe, ew gel nikare xwe ji pişavtin û xwebişavtinê(otoasimilasyonê) bifilitîne.

## ÊZDÎTÎ Û ZIMANÊ KURDÎ

Êzdiyan ziman û gelek nirxên Kurdan yê neteweyî parastine û heta îro anîne. Ji ber ku şêweya jiyana Êzdiyan, ziman, çand, huner, wxarin, cil û berg, dawet, govend, stranên govendê, hemû stran û zargotinên Êzdiyan bi kurdî ne. Kesên ku Êzidîtiyê diparêzin, di heman demê de nirxên Kurdan yê neteweyî jî diparêzin. Zimanê Kurdî jî, ji bo parastin û pêşdexistina Êzidîtiyê merceke sereke ye. Ji ber ku piraniya qewl, diha û beytên baweriya Êzidîtiyê ango dîroz, sirûd û perestişê Êzidîtiyê bi kurdî ne. Êzidîtiyê mirov dikare tenê bi kurdî bijî.

Bi hatina Îslamê li Kurdistanê pergala perwerdeyê jî hat guhertin. Dibistanên wek medrese tên zanîn, bûn cihê perwerdeya bingehîn a ola îslamiyê. Rêzimana Erebi, mercên Îslamê, felsefeya Îslamê, arîtmîk û hemû dersên din, bi Erebi dihatin xwendin. Xwendina kitêba Pîroz Qur'an bingeh dihat girtin. Nimêj, merasîmên olî hemû bi 'Erebî bûn. Zimanê Kurdî ji bo tegihîştina naveroka van pirtûkên tevlihev dihat bikaranîn. Ango kurdî bûbû zimanekî navgînî î alîkar.

Di perwerdeyê de xwendin û têgihîştina pirtûkên kurdî gelekî zor bû. Tenê ji bo têgihîştina zimanê Erebi pêwîstî bi kurdî hebû.

Di nav pirtûkên kurdî yê herî têkûz de, pirtûka Meleyê Batî ya ku jiyana pêxember tîne zimên, „Mewlûda Kurmancî“, Ferhenga Ehmedê Xanî ya bi avê „Nûbihar“ ku Kurdî- 'Erebî ye, û pirtûka gramera érebî ya bi navê „Tesrîf, Zurûf û Terkîb“ a Mele Yunus bûn.

Bi derketina pirtûkên kurdî yê ku Îslam vedigotin û şîrovekirin, re kurdî bû zimanê alîkar ê perwerdeyê.

Li gel vê yekê pirtûkên pîroz ên ola Êzidîtiyê ku bi tevahî malê Kurdan in, hema rasterast bi kurdî hatine nivîsîn û hetanî roja me ya îro hatine xwendin û parastin.

**Kitêbên Pîroz Yê Ku bi Kurdî hatine nivîsîn: Kitêba Cîlwe û**

**Mishafa Reş** in. Rêgezên Êzîdîtiyê yên bingehîn di van pirtûkên pîroz de hatine nivîsîn. Herdu Pirtûk jî bi kurdiya kevin û bi alfabeyên kurdî yên taybet hatine nivîsîn.

**Kitêba Cîlwe:** Ji aliyê Melek Şêxsîn (Melekê Tawis) ve bi qelesa wî û bi alfabeyeke taybet a kurdî û bi zimanê kurdiya kevin hatiye nivîsîn. Pirtûka wehyê ye. Nûsxeya wê ya tê zanîn 8 rûpel û 109 rêz in. Dîsa tê texmînkirin ku ev pirtûk B.Z. di navbera 4200 û 2700 salî de hatiye nivîsîn. Ev pirtûk zêdetirîn mijarên li ser dustûrên xwedayî û axretê digire dest.

**Mishafa Reş:** „Mishefa Reş“ jî, ji aliyê Şêx Hesên ve hatiye tomarkirin û nivîsandin. Di „Mishefa Reş“ de rêzik û rêgezên ola Êzîdîtiyê û avabûna cîhanê, rê û rêbaza bingeha mirovahiyê, hatin afirandina pêxamberê bi navê Adem û Hewayê vedibêje. Ji 152 rêzan pêk tê û bi Alfabeyeke kurdî a bi şîfre, bi zimanê kurdiya kevin hatiye nivîsîn. Di awayê tomarî de ye û zêdetirîn mijarên cihanî di xwe de vedihewîne.

Bi kurtasî em di derbarê vê mijarê de dikarin van tiştan bibejîn:

1. Her çiqas dîroz; sirûd û perestişa Êzdiyan bi zimanê kurdî be jî, ji ber ku Êzîdîtiyê ola mîsyoneriyê nîne, nikaribûye bandora xwe li ser hemû Kurdan bike.
2. Ji ber ku beşeke piçûk ji Kurdan li ser ola xwe ya neteweyî Êzîdîtiyê mane, hikariya wan li ser girseya mezin a Kurdan nebûye.
3. Dîsa Kurdên misulman perestîş, dîroz û sirûdên xwe bi Erebî pêk tînin. Ji ber vê egerê haya wan ji rastiya Êzîdîtiyê nîne..

## QEWLÊN ÊZDIYAN

Diyaneta Êzdiyan jî wek diyaneta Mezopotamyayê û Hîndo-Îranî, diyaneteke kevin e. Lê qewlên Êzdiyan yên ku îro li ber destan in, ji sedsalên 11-13'an û vir ve, li ser bingeha bir û baweriyên kevin, li gor reformên Êzîdîtiya vê serdemê hatine amadekirin.

Ji tekstên curbecur yên ku bi şeweyekî wêjeya helbestî hatine amadekirin û zedetirîn naveroka xwe ji mijarê olî digirin re, qewlê gotin. Ji sedî nod û pêncên qewlan bi zaravayê kurmanci hatine amade kirin. Ew ji wek zargotinên kurdî yên din, nifş bi nifş ji aliyê dindarên Êzdiyan ve bi devkî tînin ezberkirin, ji bavan derbasî kuran, ji kuran derbasî neviyan, ji neviyan jî derbasî neviçirkan, ... hwd. dibin û hetanî roja îro hebûna xwe bi devkî didomînin. Ji ber vê hindê ew jî wek kilamên Kurdan, hindik be jî hatine guhertin. Di van salên dawîn de li gel tomarkirina qewlan,

tekstên din yên wek beyt, di'a, dêroz, qesîde, xizemok, payîzok, lawij û xerîbî jî tînen tomarkirin û hê tomarkirin berdewam e.

Her çiqas mijar û naveroka qewlan bi şêweyekî giştî li ser mijarên olî, ango li ser Xwedê, Ferîşte, Başî û Xasiyê bin jî, lê ev tekst mirov, ajal surîşt û gerdûnê jî digirin naveroka xwe û dibin sîstemeke hizir û birê ya taybet.

Ji aliyê ziman ve, bi gelemperi zimanê kurdî, zaravaya kurmanciya Şengalê tê bikaranîn. Ev tekst di heman demê de dewletmendîyeke xurt didin pirtûkxane, wêje û muzîka kurdî.

### Mînakek ji bo qewlan:

#### QEWLÊ OMER XALA Û HESIN ÇINÊRÎ ŞAXA DUYEM<sup>131</sup>

Ev Qewl ji devê Feqîr Kalo ku ji mala Pîrên Omerxali tê, ji aliyê Xanna Omerxali li bajarê Soltau (Almanyayê) hatiye nivîsandin. Feqîr Kalo ew Qewl ji bavê xwe Fegîr Heso girtiye. Feqîr Heso jî ji bavê xwe Fegîr Piçî, ku `ilmdarê mezin bû li welatê Xalita, girtiye. Ev Qewl ji 36 sebeqan pêk tê.

1. Çendî li dinê me  
Ez li ber ferwara Xwedê me  
Dê em bidin medhê Omer Xala û Hesin Çinarî bidêne.
2. De em bidin medhê Omer Xala û Hesin Çinarî  
Ew in şemalê şevê te`rî  
Ji hesna wan nûr dibarî.
3. Hesin Çinarî û Omer Xala  
Ew in mêrên xudan kemale  
Gel Şîxadî avakirine mezal û mal e.
4. Ew in mêrên xudan çave  
Şîxadî kirine silave  
Şîxadî go: O xoş Mala Babanî.
5. Mala Baba maleke bi dewlet e  
Jê diçin keramete  
Şîxadî Omer Xala kiriye mErebiyê xelîfete.

<sup>131</sup> Xanna Omerxali & Kovan Xankî-Analîza Qewlên ezdiyan-Weşanên Avesta-2009



6. Mala Baba maleke bi nedîr e  
Lê diêwirin coqete û feqîre  
Havênê wê malê ji mala Melek Şerfedîn e.
7. Mala Bava maleke `enzelî ye  
Havênê ji Kaniya Spî ye  
Ev heca Şuqênî ye.
8. Ez aşîqekî çê me  
Ezî me`rîfet û rê me  
Dê em bidin medhê wan şêre swarên bidêne
9. Dê em bidin medhê wan şêre swara  
Ew in mêrên xudan kemale  
Li pêşberî Lalişê disekinîn, go: Heqe war e.
10. Ez aşîqekî Nûrîn im  
Ezî me`rîfet û Nasîn im  
Şîxadî dibê: Ez rêya mêra bi heq dibînim.  
Melik Şêxisin dibê: Ez ne mehbê xelqê derewîn im.
11. Derewîna nelomînin  
Tuyî ji rêya heqiyê nafêhmînin  
Xasê Xwedê li kul û `emelê wan bigazinînin.
12. Belgî hene û zovaser in  
Ciyê wan berf û bager in  
Cîranên wan neqenc in û teter in  
Li vê dinê û li wê dinê ji Rebê mine bêxeber in.
13. Min vexwariye ji kasa helale  
Min vexwariye bi derhale  
Dê em bidin medhê Omer Xala.
14. Min vexwariye ji kasa berê  
Min vexwariye bi qenteyê  
Dê em bidin medhê lawê Pîr Omerê.
15. Min vexware ji kasa badiyê  
Min vexwariye ji şerê Kaniyê  
Dê em bidin medhê lawê Pîr Adiyê
16. Min vexwariye ji kasa mîra  
Min vexwariye ji şaw dîwanê feqîra  
De em bidin medhê Lawê Pîra.

17. Min vexwariye ji kasê rikî li-`Amê  
Min vexware û bi tamamî  
De em bidin medhê Siltan Êzîdê mat li-Şamê.
18. Şîxadî ji Şamê bû  
Omer Xala ji kefa be`rê bû  
Hesin Çînarî ji Sura dare bû.
19. Şîxadî ji Şamê qest kir, hate mergehê  
Êwirî ciyê mayê li binî mayê  
Verê kirine pey Almê.
20. Almê ji we ve tînin  
Çendî mêr pê ve dimeyzînin  
Navekî şîrîn î şerif ser datînin.
21. Almê inane ji we ve  
Mêra mêyzandiye pê ve  
Şîxadî binasîbû ew sêv e.
22. Sêv danane li bale  
Padişahî min î nûr şemale  
Nav danîne "Omer Xale."
23. Padişahî min î hest e  
Lalişê rastî dîwan bi dest e  
Her êvarê îniya şibêbek aya `eyni beyda ji zêwa mîra ra dixweste.
24. Min ji wire dît zor dîwane  
Mêr rûniştine bi şehdeya rêya Şîxadî kirine xeberdane  
Dive: Omer Xala û Hesîn Çînarî bira ne.
25. Min li wire dît zor miclîse  
Mêr rûniştine bi şehdeya rêya Şîxadî kirine pirse  
Dive: Omer Xala bab e û Hesin Çînarî je ra pis e.
26. Şîxadî divê: Gelî mêra, hûn vê yekê mekin  
Hûn ber rêya min kin,  
Omer Xala û Hesin Çînarî yek in.
27. Omer Xala û Hesin Çînarî du mêrêt mezin in  
Li pêşberî Lalişê disekinin  
Şîxadî divêje: Ew jî navek, ji navêt min in.
28. Padişayê min î heste  
Lalişê rastî dîwan bi deste  
Ewî daye pîra fitr û zikata

- Daye şêxa bisk û meqese.
29. Pedşahê min î li hukmê xwe yî rewaye  
Li ba `ezîzê min wek du`aye  
Ewî da şêxa bisk û meqese  
Da pîra fitr û zikayê.  
Dê hindekî ji dilê xerqey maye.
30. Şîxadî go xerqe bî bi tewa bî  
Tu yî kinarê te nebî  
Sunetxane pêş terîqa dest da mala te bî.
31. Çûme diwana Şêşimsê teter  
Li wêderê hene heftê hezar Xas û Qelender  
Kemberbest e xerqe reş e hile zer  
Xudan neder Şîxadî daye destê Omer Xala Şêx Alê Şemsa zincîra zer.
32. Şêxadî divê: Gelî mêra, xerqe îman e  
Hencî der heqê xerqê Şîxadî bi şik e û bi guman e  
Hê bi şiklî bigrin, bavêjne nav sefê bêîmana.
33. Ya me ev e, rast e û ne derew e  
Şîxadî daye destê Melek Şêxisin Celewe.
34. Melek Şêxisin Celwê dixûne  
Ser xwe ra dimeyzîne  
Kesî ji xwe meztir nabîne.
35. Ewa Xasa li hev dinihêrîn  
Dîwana Şîxadî we şûşe û coqê zêrîn  
Şerabe li-tiho van Mêra nobe nobe li hev û dû digêrîn.
36. Şerqî ye û xerbî ye  
Qublet e û şemalî ye  
Tev serkefa destê Tawûsî Melekê hesarî ye  
Dêrşê geliyê Lalişê  
Mele te`ela sunetê  
Banga me Rehmeta  
Rehma de û bavê hazira û guhdara.

Ji aliyê wêjeyî ve wek zargotina kurdî qewl jî, wek helbest hatine amadekirin û kêş û bêşawen serbest hatine bikaranîn.

Ji aliyê kêşê(weznê) ve em risteyên benda li jêr dahûrînin.

10. Ez aşiqekî Nûrîn im  
Ezî me`rîfet û Nasîn im

Şîxadî dibê: Ez rêya mêra bi heq dibînim.

Melik Şêxisin dibê: Ez ne mehbê xelqê derewîn im.

Rêz 1.	8	kîte ye
Rez 2.	9	kîte ye
Rêz 3.	15	kîte ye.
Rêz 4.	17	kîte ye.

Di vir de ziman bi tevahî gelerî ye û devoka Kurmanciya Şengalê berbiçav e. Wek her zargotinên kurdi, mirov nikare pîvaneke rêzimanî tê de bibîne. Lê dişajî hîkara wan gelekî xurt e û watedar e. Ji aliyê wêjeyî de jî mirov bandora zargotina Kurdan a giştî di qewlan de dibîne. Ango ew ji wek zargotinê bi wate û bi bandor in.

Ji aliyê formê de ji, li jor bi zelalî tê ditin ku di qewlan de kêş wek hemû zargotinên kurdî yên wek kilam, piraniya destanan û stranên din serbest e. Lê em bala xwe bidin hemû sebeqên(bend) qewlê li jor bi zelalî dibînin ku di her sebeqê de beşavend(kafiye) heye.

Divê em saziyên çapemenî û medyaya Kurdên Êzidî yên ku di warê pêşketina zimanê kurdî û hişmendîya netewetîya kurdî de xebat û xizmetên mezin kirine û roleke girîng listîne jî rawestin. Divê em li vir bi kurtî li ser Radyoya Êrîwanê û Rojnameya Riya Teze rawestin.

**Radyoya Erîvanê:**û rola wê ya li ser ziman, tegiha neteweyî û çand, wêje û folklorê kurdî.

Radyoya Êrîvanê di sala 1930 de li Ermenîstanê dest bi xebata xwe dike, heyanî 1937'an rojê pênc deqeyan weşana xwe didomîne. Di destpêka radyoyê de Heciyê Cindî û jina wî Zeyna Îbo tenê dixebitin. Di sala 1937'an de, di dema desthilatdariya Stalîn de weşana Radyoya Êrîvanê û ya Rojnameya Riya Teze tîr rawestandî. Ev rawestî hetanî piştî mirina Satalîn sala 1955'an didome.

Radyoya Erîvanê beşa Kurdî di sala 1955'an de ji nû ve vedibe û bi xebat û kedên giran ên kesên wekî Heciyê Cindî, Emînê Evdal û Xelîl Muradov weşana xwe didomîne. Bi taybetî Xelîl Muradov, ji sala 1957'an heta 1981'ê ango 24 salan bê navber serokatiya radyoyê kiriye û piraniya stiran, awaz, meqam û pîyêsên kurdî di dema wî de û bi serokatiya wî hatine tomarkirin. Eznîva Reşîd, ku jina Xelîl Muradov e, piştî bêjeriya(spîkeriya) 24 salan, (ji sala 1955'an hetanî sala 1982'an), ji ber temendirêjîya xwe dest ji karê radyoyê kişandiye. Ango, Eznîva Reşîd li cihanê yekem bêjera Kurdan e.

Di dema Xelîl Muradov da radyo dibe deng, bilûr û awaza bi sedan dengbêj û sazbandên navdar ên wekî Efoyê Esed, Karapetê Xaço, Şeroyê Biro, Seyadê Şamed, Memoyê Silo, Mecîdê Silêman, Reşîdê Baso, Memê Xudo, Zadîna Şekir, Efoyê Esed, Egîdê Têcir, Memoyê Silo, Şibliyê Çaçan, Mehmedê Mûsa, Xana Zazê, Asa Evdile, Belga Qado, Hovhannes Badalyan, Aram Dîkran, Feyzoyê Riza, Egîdê Cimo, Sûsîka Simo, Aslîka Qadir, Xelîlê Evdile, Şamilê Beko, Kubara Xudo û hwd... Ji muzîkvanan Şamilê Beko, Egîdê Cimo, Wezîrê Usiv, Xelîlê Evdile, Taharê Emer û yên mayîn.

Zanyar, rewşenbîr û nivîskarên kurd yên wek Qanatê Kurdo, Heciyê Cindî, M. B. Rûdênko, Emînê Evdal, Ordîxanê Celîl, Karlênê Çaçanî, Celîlê Celîl, Şekroyê Mihoyî, Şerefê Esir lêkolînên xwe yên li ser pirsgerêkên dîrok, ziman, etnografya, wêje û folklorê Kurdan ji bo weşanê dişandin radyoya Êrîvanê.

Bi kurtî, Radyoya Êrîvanê di warê hişmendiya neteweyî, ziman, dîrok, çand, wêje, huner û folklorê kurdî de xizmeteke girîng a dîrokî pêkanî û di vî warî de roleke sereke lîst.

Radyoya Erîvanê beşa Kurdî niha di bin berpirsiyariya Keremê Seyad û xebatên kur û keça wî Tîtal Kerem û Leyla Kerem, Sîma Semend û carcaran jî bi xebata Cemîla Celîlê dimeşe. Weşana Radyoyê li gorî saeta herêmî ya Tirkîyeyê di navbera 18:45 – 19:15'an de tê kirin. Radyo hetanî salên 1990'î rojê saetek û nivê weşanê dikir, lê niha ji ber sedemên aborî bi qasî niv saetekê weşana xwe didomîne.

### **Rêya Teze:**

Divê em rola Rojnameya Rêya Teze jî, ji bîr nekin.

Erebê Şemo û Îshaq Maragulovê Sûryanî, di sala 1929'an de li Ermenîstanê bi Alfabeya Latînî xebatên xwe yên nivîsandinê didin destpêkirin. Li dibistan û herêmên Kurdan dest bi perwerdeya kurdî dikin.

Di vê demê de ji bo pêşilêgirtina vê rewşa nerênî, pêwîstî bi rojnameyê kurdî heye. Di sala 1930'î de, di bin banê dewletê de li Êrîwanê Riya Teze dest bi weşana xwe dike. Ji aliyê reveberiya Komunist a Sovyetê ve Kevork Paris, Hraçya Koçar v Haruçi Mıgırdıçyan wek reveberên rojnameyê tên tayînkirin. Ev hersê kesên Ermenî yên ku ji sirgûnên Mezopotamyayê bûn, bi hostetî Zimanê Kurdî bi kar dianîn. Piştî editoriya Ermenîyan ya çar salan rêveberî dewrî Kurdan dibe. Rêvebrê rojnameyê yê Kurdê yekem Cerdoyê Gêncî ye. (1934-1937)



Di nav salên 1937'an û 1955''an de, di dema desthilatdariya Stalinde de ji bo Kurdên Kafkasyayê demeke bextreş e. Di vê demê de bi navê Kurd û kurdîtiye çî hebû, hat rawestandî û qedexekirin. Helbete Riya Teze jî, ji vê pêlê para xwe wergirt. Ziman, çand û muzîka kurdî hat qedexekirin. Ji sala 1955'an û pê ve Riya Teze piştî 18 salan ji nû ve dîsa xwe gihand xwînêrên xwe. Ji sala 1955'an heta 1989'an Miroyê Esed bê navber 34 salan rojnameyê bi rê ve dibe. Pê re bi qasî sal û nîvekê Tîtalê Efo dibe revebirê Riya Teze. Ji sala 1991'ê û pê ve jî, Emerîkê Serdar dibe reveber û serredektorê Rojnameya Riya Teze.

Riya Teze ji çar rojnameyên ku li Sovyeta kevin derdiketin, yek bû. Ew ne tenê li Ermenîstanê û li kafkasyayê li hemû welatên Sovyetê dihat belavkirin. Li aliyê din rojname li Ewropayê, li Kanadayê û li DYA'yê jî dihat belavkirin.

### **Hin xebatkar û keddarên rojnameyê:**

Hacıyê Cîndî, Keremê Seyad, Qaçaxê Mirad, Şekiroyê Xidoyê Mihoyan, Xelîlê Çaçan, Babayê Keleş, Têmûrê Xelîl, Tîtal Mûradov, Eliyê Ebdilrehman, Mikayîlê Reşîd, Egîtê Xudo, Hesênê Qeşeng, Pirîskê Mihoyî, Emînê Evdal, Rizganê Cango, Porsora Sebrî, Tîtalê Efo, Karlênê Çaçanî, Şerefê Eşîr, Egîtê Abasî, Paşayê Erfût, Letîfê Emer, Emerîkê Serdar, Gayanê Hovhannîsyan.

Di rojnameyên kurdî de Riya Teze ya herî temen dirêjtir e. Her çiqas van salên dawî de rojname ji ber rewşa aborî carcaran mecbûr ma ku navberê bide weşana xwe, lê Ji sala 1930'î hetanî îro jiyana xwe hê didomîne. Niha berpirsyarên rojnamê Grîşayê Memê û cîgir jî Rizganê Cango ye.

Riya Teze demekê bi Alfabeya Kirîlî weşana xwe didomand, lê di van salên dawî de bi alfabeya Latinî tê weşandin.

Riya Teze ji bo hînbûn û nivîsandina zimanê kurdî xizmeteke bê hempa pêk anîye.

Piraniya rêveber û xebatkarên Radyoya Êrivanê û Rojnameya Riya Teze Kurdên Êzîdî ne.

## Gotar

### Mecîdê Heso

#### Tiwafên Êzdiyan, Dîrok, Rewişt û Tîtal

Di dîroka dêrîna mirovahiyê da rojên pîroz, cejin û mehrecanan watayeke taybet hebûye, gelek caran jî hêvîyên wê salê hemû bi şeweyê sazkin, encamdayîn û lidarxistina rêwresmên cejnan ve girêdayî bûn. Di mîtolojiya miletên kevin da derbasdibe ku heke hat û bona helkeftê yan bîreweriyek xwedawendane admadekariyên baş bîn kirin û pûtepêdanek taybet hebe eve dê li ser temamiya salê karîgeriyek baş hebe, bervajî wê heke ew salroj bê giringîpêdan û bêamadekarî û bêcoş borî, dê ew sal bi bedbextî û werçerxanek xirab karîgeriyê li jîn û jiyar, mal û milkê nişteciyan deverê bike.

Baweriya bi hêza mîtafizîkî û nepenî yekser pêwndiya wê biguhrînên admosfera werzên salê ve hebû, mohra xwe li jînenîgara mirovan jî dixist. Baweriyên dînî û dinyayîyên Miletên kevnar û bitaybet miletên cihê mijara me li Mezopotamiyayê girêdayî admosfera werzên salê ango yên xwezayê bûn, ji her alementekî gerdûnî ra xwedawendek destnîşan dikirin, û ji her nexweşyekê ra jî xwedawendek berpirsiyar dikirin.

Berî dîrokê mirov û mirovayî bi xweza (sirûşt) û elementên xwezayê ve girêdayî, diharmoniyek berdewam da bûn, carna jî dema terazûya pêwendiyên vê harmoniyê tevlihev dibû kêşe dirustdibûn, û werdigeriya nakokî û hevrikîyê û bandora xwe li ser jiyane dikir. Bi werara pîla hişmendiyê ra, mirovan hestpêkir ku ew dikarin bi rêya bilindkirina rolê pîrozê xwedwendên ji van guherînan perpirsiyar, kartêkirinê li ser awayê guherîna avûhewayê û şeweyê qewimîna bûyeran bikin û bi van hewlan rê li ber karesat û felaketan bigirin.

Di qûnaxên pêşketîyên dîrokê da, mirovan di kevlê xwedawenda da guherînen gerdûnî şirovekirin. Anana û Iştar wek dû Xwedawendên dayîk bona biberbûn, evîn, xweşewîstî û zazêça Mirovan, Heywanan û ya darûbaran hatin binavkirin, di heman dem da winda bûna xwedawendê Bav wate xwedawend Temûz (Demûz) ji bêberbûn, xirişbûn û xizaniyê

berpirsiyar girtin. Ev yek di dîroka kevnara mirovayîyê da bi efsaneya mirina xwedawendîya li cîhana jêrîn tê zanîn, ev mirin jî bona demsalekê dihat gotin, lê bi borîna demî ra mirina li cîhana jêrîn bû rewîşteke komelgehê û li wî demê salê tevaya civakê bona mirina Xwedawend Temûz hizin û şîn girêdida.

Di nav mij û dûmana nepeniyên gerdûnê da, werara fikira mirovan tim hêviyên asoyên geş didan. Hêza bûn û mirinê, bergirtin û xirişbûnê, cardin vejîn û berdewamiya gera ayasyî a gerdûnê, girêdayî hêza Xwedawendên dayik Anana û Îştar û xwedawendê bav Demûz (Temûz) in, bona vêya sal bi sal fikira seremoniyên pîroz ku bi zewaca pîroz tê zanîn derketin pêş.

Çîroka hezkirin û viyana van xwedawendan ku bi zewaca pîroz encam dibe, wateya xwe dibaweriyên xwedawendane da digire, komelgeh di wê baweriyê da bû, bihevra jiyana van xwedawendan jiyane geş û xweş dike, û bervajî vêya jiyana xemgîn û mirûdayî dibe, bi zewaca pîroz ra sala nû destpêdike, li cem Babiliyan destpêka nîsanê cejina AKÎDO ye û ev cejin 12 rojan li derdora peristgeh û mezargehan tê pîrozkirin.

### **Serê Sala Êzdiyan:**

Serê sala Êzdiyan li gorî salnameya rojhelatî dikeve çarşema yekemîn ji meha Nîsanê ( salnameya rojhelatî bi 13 rojan piştî salnameya rojvayî -Zayinî- dest pê dike), Êzidî wekî mîletên dîyên berî xwe û yên paşî xwe jî bi helkevta destpêkirina sala nû dilxweşî û kêfxweşîya derdibirin. Her mîletek bi şêweyekî û bi rêwresmên li gorî baweriyên xwe yên dîni pêşewaziyê li hatina sala nû dike, dibe ev rêwresim paş derbasbûna çendîn sedsalan bi egerên pêşkevînin civakî û kawdanên dîrokî guherîn bi serda hatibin, lê cewherê wan, ango mebesta helkeft û li darxistina wan heman wateye.

Her çawa Babiliyan roja zewaca xwedawendan li yekemîn roja meha nîsanê destpêka salek nû destnîşnkiriye û weke yekemîn roja cejnê ragihandîye, di mîtolojiya Ezdayetiyê da jî sersal li yekemîn roja Nîsanê tê pîrz kirin û bi roja Tawisî Melek tê binav kirin, Êzidî weke Sûmerî, Babilî û Asûriyan jin û jinxwaziyê di nîsanê da nakin û dibêjin ev meh meha zewaca mêr û milyaketên ber salê ye.

### **Bûna Xwezayêke Nû:**

Ezdayetî dîneke ku bi hebûn mîtolojiya xwe girêdayî xwezayê(sirûştîye), ev yek difelsefeya dîne wan da kifş û zelale, tevaya cejnên Êzdiyan di werçerxan û guherînên admosfera avûhewayê gerdûnê ve girêdayî tîndarxistin, mînak:

- -cejnên çilê havînê û çilê zivistanê ku şeş meh di navberê da ne, li van herdû cejnan seqa avûheyê gedûnê tê şikandin, wate ji havînê ber bi zivistan yan bervajî, ango ji nivê salê bo nîva dî.
- Cejna bêlinde ev cejin li gorî salnameya rojhelatî li sêyemîn Îna maha kanûna yekem tê lidarxistin, ev cejin girêday werzê çandinê ye û ango yekser piştî binaxkirin û veşartina dendika dexl û daniye, di vê cejnê da, wate di roja seremoniya mirina dendikan da, Êzidî bigiranî miriyên xwe bibirtînin nanê miriyan derdixin û goristanan ziyaret dikin.

Wisa jî hemû cejnên dîyên Êzdiyan cîrokên xweyên bi xwezayê ra hene, çarşema Sor ku bi serê sala Êzdiyan tê binavkirin heman wateya xwe ya xwezayî heye:

- guherîna seqa avûhewayê gedûnê bi xwe re tîne, admosfera hewayê beharê destpêdike.
- dirêjaya roj û şevan dikeve asteke wekhevîyê.
- Avisbûna erdê digehe asta zanê, weke cejna bûna dendikên nû ji xwezayek nû tê naskirin.

### **Tiwaf Berdewamiya Pîrozbahiyên Sersalê Ne:**

Êzidî mîna mehricanên Babilî û Asûriyan bi rêya lidarxistina tiwafên herêmî sala xwe ya nû pîroz dikin. Peyiva Tiwaf di zimanê aramî da wateya lidor zivirîn, li dor fitilîn yan li dor geriyan dide, ji ber ku hemû tiwafên Êzdiyan li derdora aramgehên pîroz tînin li darxistin vêca nedûre ew peyiv ji Erebî hatibe wegirtin û ketibe nav ferhenga kultûrê kurdî, her çawabe ez di wê baweriyê da me ku Êzdiyan li jêr navek dî ev rêwresim digêran.

Her yekser roja dîyem piştî cejna sersalê ango roja Înê Êzidî Dest bi werzê Tiwafan dikin, herêm li dû herêmê û gund bi gund amadekariyên tiwafan tînin kirin.

Heke em li dû koka tiwafên Êzdiyan biçin û berawirdiyekê di gel şayî û mîhrecanên ku 2500 sal berî zayîna îsa, li serdema Babilîyan û Asûriyan û berî wan ya Sûmerîyan dihatin li darxistin da bikin, dê derkeve holê ku baweriyên bi xwezayê, jîngeh û cugrafiya hevbeş ve, yê mîletên Mezopotamiya ku girêdayî babetê mehricanên bajaran ku niha Êzidî Tiwaf binav dikin gelek aliyên wek hev hene:

1. Roja Çarşemê li cem Babilî û Asûriyan roja Xudawend *Nabo* ye, li serdemê her dû Împeratoriyan çarşem roja bihinvadanê bû, li cem

Êzdiyan jî Çarşem roja **Tawisî Meleke**, rojeke pîroze, kar û bar, rê û rêbarî nayên kirin û encamcadan,

2. Sersala Babilîyan û Asûriya **Akîdo** û ya Sûmerîyan **Zag mak** li destpêka meha nîsanê ye û bi helkefta hatina sala nû mehrecan yan mehregan li dora mezargehan dihatin sazkirin, di eynî dem da sersala Êzdiyan **Çarşema Sor** li gorî salnama rojhelatî dikeve çarşema yekê ji nîsanê.
3. Di meha Nîsanê da zewac (jînanîn û mêrkirin) li cem Babilî û Asûriyan qedexe û heram bû, ji ber ku meha zewaca milyaketa ye, berî wan baweriya sûmerîyan jî ew bû ku xwedawend Nencirso rojekê ji rojên meha nîsanê bi xwedawenda jin Baw ra li bajarê Cerso zewiciye, Êzidî heyânî roja îroyîn jî di nîsanê da jin û jinxwazîyê nakin û li dora mezargehan temamî meha nîsanê şahî û govendan lidardixin. Niha jî Êzidî dema bûkan vediguhêzin berî qesta mala zavayî bikin bo ziyaretbûnê (Tiwafkirinê) qesta mezargeha xwe dikan.
4. Di nîsanê da milletên Babilî û Asûrî avahiyên peristgehên xwe nûjen dikirin, di heman dem da Êzidî heya roja îroyîn jî van rêwresman berdewam dikan, bi darxistina çendîn rêwresmên taybet aqîd û qubehên mezargehên xwe nûjen dikan.

Wate ew jîngeh yan ew herêma ku milletên cihê têda bi hev ra jiyan dikan gelek caran rewîşt, tîtal, dabûnerî, fikir û bîrwbaweran ji hev digirin carna zehmet dibe mirov tê derxe ka rastiya rewîşteke ji kîjan kokê hatiye. Li rasthatin û wekheviya çendîn Cejin û seremoniyên Êzdiyan digel yê milletên Sumerî, Babilî û Asûrî da ne li hevhatineke tesadufîye belkî eve tekuzkirina dêrînî û reseniya Êzidî û Ezdayetîyê dertêxe holê, eger na çawa dibe ku Cejna **Ekîdo** ya Sumriyan û sersala Babilî, Asûrî Êzdiyan di heman rojê da û bi heman wateyê be.

- Meh: Nîsan, roj: yekemîn roja nîsanê, ji heftiyê: Çarşem.
- Cejna Mêr û Miliyaketên ber salê, roja Tawisî Meleke li cem Êzdiyan û salroj yan salvegera Zwaca pîroz a Miliyaketaye di mîtolocîya milletên Mezopotamiya da.

Bala xwe bidinê li ser demê Hemorabîyê Babilî gotina neviyên Ezîda yaxud Neviyên Ezda ketibû nav lîtratûra babilîyan.

Xwedayê Îsakîla û Êzîda jî Merdoxe li bajarê Por sîpa dijiya, piştî Merdox jî Nabo tê heybetê dide ciyên pîroz li Porsîpa û peykerekî dide Îsakîla û navê wî peykerî dike Êzîda.



Babilî çarşema serê nîsanê jî dikin destpêka salê û her sal li ber peristgehan û bitaybet peristgeha Êzîda seremoniyên cejna sersalê dihatin sazîkirin û bo maweyê 12 rojan şayî û xweşîyan berdewam dikirin.

Heya roja îroyîn jî Êzîdî vê cejnê bi coş û xiroş pîroz dikin û şayî û şadî ji mehekê dirêjtirin, Êzîdî ji van şayî û seremonîyan ra dibêjin Tiwaf û bi vî rengîne.

	Cî	Navê Tiwafê	Roj	Berwar	Tiwafên Hevbeş
1	Başîka	Melkê Mêran	Çarşem	08.05	
2	Başîka	Melik Şêx Sin (Şêx Mihemed)	În	10.05	
3	Başîka	Nasirdîn	Yekşem	15.05	
4	Başîka	Derb al Musil	Pêncşem	17.05	
5	Behzan	sê'ad	În	29.04	
6	Behzan	Şêxwbekir	În	06.05	Li Daka - Pêncşem 19.05 Li Kerkê -Pêncşem 15.05
7	Sîna	Kerecal	Çarşem	20.04	
8	Sîna	Şemsê Pîra	În	27.05	Li Êsivnê roja çarşem 18.05
9	Êsivin	Şêx Enzelût	Şemî	09.04	
10	Êsivin	Şêxalê Şemsa	În	22.04	
11	Êsivin	Şêx Hecî Alî	În	29.04	
	Êsivin	Şemsê Pîra	Çarşem	18.05	Li Sîna roja Înê 27.05
12	Xetar	Şexsê Badê	În	13.05	Di heman rojê da li Bapîrê
13	Xetar	Hekîm Fêris	În	22.04	
14	Xetar	Êzî	Şemî	15.05	li Doxata roja Şemî 25.05
15	Xetar	Milik Fexredîn	Yekşem	17.04	
16	Xetar	Babê Şehîdê nav gundî	Çarşem	18.05	
17	Xetar	Babê Şehîdê zexam	În	17.06	
18	Xetar	Babê Nebî Nûh	În	27.05	
19	Baadir	Hecî Ali	Çarşem	13.04	

20	Sirêçka	Şêx Badir	Çarşem	13.04	Li Xewşaba roja Çarşem 27.04
21	Xewşaba	Şêx Badir	Çarşem	27.04	Li Sirêçka roja Çarşem 13.04
22	Xanik	Bazîd	În	29.04	
23	Kebertû	Babê Çawîş	În	29.04	
24	Tilxiş	Pîrafat	Ji ber ku Êzidî li wê derê nemane, nayê kirin		
25	Teftiya	Şêx Enzelût	Çarşem	04.05	Di heman rojê da li xerşeniya
26	Xerşeniya	Şêx Enzelut	Çarşem	04.05	Di heman rojê da li Teftiya
27	Nisêrî û Cerehî	Qedîb Al-Ban	Çarşem	11.05	
28	Bêban	Şa Siwar	Pêncşem	12.05	
29	Xanik	Şêx Mend	Pêncşem	12.05	
30	Mem Şivan	Memê şiva	În	13.05	
31	Bapîrê	Şexsê Badê	În	13.05	Di heman rojê da li Xetarê
32	Girêpan	Şêşims	În	13.05	Li Boza roja Înê 20.05
33	Şêxidir	Şêxidrê Şemsan	În	13.05	
34	Daka	Şêxwbekir	Pêncşem	19.05	Li Behzanê roja Înê 06.05 Di heman rojê da li Kerkê
35	Keran (Kerkê)	Şêxwbekir	Pencşem	19.05	Li Behzanê roja Înê 06.05 Di heman rojê da li Daka
36	Bozan	Şêşims	În	20.05	Li Girêpanê roja În 13.05
37	Şêxka	Êzdîne Mîr	Sêşem	24.05	
38	Doxata	Skêx mehmed	Çarşem	11.05	
39	Doxata	Êzî	Çarşem	25.05	Li Xetarê roja Şemî 15.05
40	Êsiyan	Memê Êsiya	Çarşem	08.06	
41	Xêrava	Şêx mamendê Cindar	Çarşem	08.06	
42	Basik	Pîrê cerwa	În	24.06	
43	Cerehî	Pîr Mend	În	24.06	
44	Şengal	Şêbil qasim	Pêncşem	14.07	
45	Mehetê	Mehmed Reşan	Çarşem	20.07	

\* Berwarê Tiwafan li gorî sala kite, û heke sersal li 13.04 be.

Tiwafên Hevbeş:

Şêxwbekir

	<b>Cî</b>	<b>Roj</b>	<b>Berwar</b>
1	Behzan	În	06.05
2	Daka	Pêncşem	19.05
3	Keranê (Kerkê)	Pêncşem	19.05

Şemsê Pîran:

	<b>Cî</b>	<b>Roj</b>	<b>Berwar</b>
1	Êsivin	Çarşem	18.05
2	Sîna	În	27.05

Êzî:

	<b>Cî</b>	<b>Roj</b>	<b>Berwar</b>
1	Xetar	Şemî	15.05
39	Doxata	Çarşem	25.05

Şêx Badir:

	<b>Cî</b>	<b>Roj</b>	<b>Berwar</b>
1	Sirêçka	Çarşem	13.04
2	Xewşaba	Çarşem	27.04

Şêx Enzelût:

	<b>Cî</b>	<b>Roj</b>	<b>Berwar</b>
1	Teftiya	Çarşem	04.05
2	Xerşeniya	Çarşem	04.05

Şêşimis:

	Cî	Roj	Berwar
1	Girêpan	În	13.05
2	Boza	În	20.05

Tiwfên di heman rojê de tên kirin:

	Cî	Navê Xasî	Roj	Berwar
1	Teftiya	Şêx Enzelût	Çarşem	04.05
2	Xewrşeniya	Şêx Enzelut	Çarşem	04.05
3	Bapîrê	Şexsê Badê	În	13.05
4	Xetarê	Şexsê Badê	În	13.05
5	Daka	Şêxwbekir	Pêncşem	19.05
6	Keran	Şêxwbekir	Pêncşem	19.05

Berê tiwafa Êzî li Boza jî dihat kirin û rojekê berî ya şêşims wate li roja pêncşemê bû. Tiwafa Bozan li ber Şêşims tê li darxistin lê jê ra tiwafa Mêrên Bozan jî dibêjin. Bi baweriya min ji ber ku gelek mezargeh, qub û nîşangehên xas û bavçakan li Bozan hene vêca bona ev tiwaf (tiwafa Şêşims) gistî be, xelkê Bozan ev nav lêkiriye.

### *Gelo çima Tiwafek xwe li ciyek dî dûbare dike?*

Bi baweriya gelek lêkolînavan, di koka xwe da her Tiwafek tenê carekê dihat pîrozkirin, ji ber ku her xasekî di salê da tenê rojekê oxlema wî heye, ew roj ji hêla pîroziyek dînî, kultûrî û mîtolojiya komelayetî ve wateya xwe heye, yaxud roja kirasguherîna bavçakek yan xasekî Êzidiyaye.

Lê heye tiwafek pitir ji ciyekî û pitir ji carekê tê pîrozkirin eve jî cî guhorîn û koçberiya Êzdiyan a berdewam tekez dike, wate xwe parastin ji ferman û hêrişan malbata Êzidî tim di rewşeka neasayî da jiyan kiriye, dijiwariya dîroka Êzdiyan kartêkirinek xirab li ser hemû biwarên jiyanê kiriye, serdem hatine Êzidiyên herêmekê take xêzan yan bi komel mecbûrmane koçberî herêmeke din bibin, mîna Şêxan û Şêxanbegiya, qayîdî û Nêrweyîyan, hewêriyan, serkend û binkendiyan û ...htd.

Tenanet li dehsala 1980án rejîma Îraqê piraniya Êzdiyan ji cî û warên wan dan barkirin û bi darê zorê di komelgehan da bine cî kirin.

Bi veguhastina ciyê niştecebûnê awareyan rêwresmên xwe yên herêmî jî bi xwe ra birin, ji ber vêya em dibînin bo nimûne tiwafa xasekî ji carekê û ji ciyekî zêdetir tê pîrozkirin.

Mixabin pir caran rewş ber teng bûye awarebûyan dêv ji dîne bav û kalên xwe jî berdaye, wekî mînak tiwafa pîrafate li Tilxişê.

Me li serî da zanîn ku van seremoniyan dîrokek dêrîn heye, wate li gorî çavkaniyên dîrokî reh û rîşeyên tiwafên Êzdiyan digihin 2500 sal berî zayîne, li vêder tiştê herî balkêş ewe ku her tiwafek li ser navê xasekî yan bawermendekî tê kirin ku ew hemû jî dinavbera 800 salên dawiyê da jiyane, li vêder pîrsek tê pêş, gelo Êzdiyan berî hatina Şîxadî yan berî qonqxa bûn û mirina van bawermendan çawa û bi çî navî ev rêwresim digêran?

Bersiva vê pîrsê ji lahûtiyê û aliyê bawermendiyê zêdetir girêdayî dîroke ye, gelo berî dema Şîxadî mîletê ku îro jêre dibêjin Êzîdî li jêr çî navî û bi çî awayî jiyan dikir.

Mixabin ew mêjû ji ber kawdanên biser Êzdiyan da hatine zelal nayê kifîşkirin, çespandina her rûdanek dîrokî bê piştbestin bi dekontan dibe ciyê gumanê, belgeyên dîrokî yên wî serdemî gelek dikêmin, em mecbûr dimînin pir caran pişt bidin nivîsên nivîskarên mîletên derdorê Êzdiyan yên piştî hatina Îslamê, mixabin ji ber nakokiyên civakî û dîni gelek jî wan rastî negtine yan bervajîkirine.

### **Tiwafên rastîn û yên senbolîk:**

Çaxê em basê tiwafan dikin pêwîste em wê jî bidin zanîn ku çend tiwaf hene bi rengê senbolîk tîni lidarxistin, ango aramgeha wî xasî yan wî bavçakî li ciyek dine, tenê ew Tiwaf li ber nîşangeha wî tê gêran.

Mînak: Şêx Mend li Şengalê kirasguheriye û li ser darbestê anîne Lalişê, aramgeh û mezargeha wî li Lalişê ye, lê tiwafa Şêx Mend li Êsivîne li ber nîşangeha wî tê pîrozkirin.

Tiwafa Êzî ku bi şeweyek senbolîk li Doxata û Xetarê tê pîroz kirin berê li Boza jî dihat kirin, wate ne li Doxata û ne li Xetarê û Bozan xasek yan bavçakek bi vî navî jiyaye, tiwaf jî li ber nîşangehekê tê pîrozkirin, bi baweriya min ev tiwaf biserê xwe oxlema pîroziyek xudawendaneye, û berdewamiya seremoniyên mîletê Babiliyaye ku li der dora peristgeha Êzîda dihat pîrozkirin.



Tiwafa Şêxalê Şemsan li Êsivînê ev tiwaf bona oxlema kesayetiyekek dîndar tê li darxistin, Şêxalê Şemsan li Êsivînê hat kuştin û li wêder hat veşartin, wate aramgeha wî li Êsivîneye. vêca bona nişteciyên Êsivînê û derdoran dúbare dilsoziya xwe bi wî ra parvebikin, roja kirasguhrîna wî kiriye tiwaf, lê piştî çend nifşan vê tiwafê dû têgeh bi xwe ve girtin, yekem: zîndî hiştina rêwresmên kultûrîyên kevnareye û resen, duyem: li roja kirasguhrîna Şêxalê Şemsan dubarekirina disoziyê.

Hekîm Fêris Xelkê Xetarê bû û li Xetarê jiyaye û li wêderê kirasguheriye, Şaswar jî xelkê Bêbanê bû, ku jêre dibêjin şaswarê deşta Bêbanê, ev her dû jî li ser aramgeha xwe tên li bîranîn û em dikarin van tiwafan wekî mînak tiwafên rastîn li qelem bidin.

### Rêwresmên Tiwafan:

Çend rêwresim hene li hemû tiwafan hevpişk û wekhevin:

1. Li hêvariya tiwafê micêwrê gundî bangdidet, Êzîdî dibêjne vî bangî dawetnevî yan dawetnebîya xasê gundî, bi vê hewla xwe micêwir (Nevîçirik yan xizmetkarê xasîye) bona roja dahatî (ayinde) daxwaza pişo û bihindanê li nişteciyên gundî diket.
2. Rûsipî û dîndarên Êzdiyan jî li ber wan zîyaretgehan qewl û beyt û duwa dibêjin û hinek caran jî qewal def û şîaban lê dixin wekî tiwafên Başîk û Behzanê, Micêwirê wan zîyaretgehan, di wan rojan (wate di rojên tiwafan da) da xwarineke teybet, ku dibêjinê „Simat“, bo tiwafîkeran çê dikin.
3. Hemû xûk wate mirîdên wî xasî tevlî tiwafêdibin.
4. Çend roj berî Tiwafê xelkê gundî xizim û kesûkarên xwe bo tevlîbûna tiwafa xudanê xwe vedixwînin, ku ew hatin û tevlî tiwafêbûn dibêjinê tiwafîk yan tiwafîker.
5. Her nişteciyekî/a gundî mecbûre wê rojê (roja tiwafê) here ber beristgehê wate quba xasê ku tiwafa wî, hem tiwaf bike û hemjî fitoyê xwe (xêra xwe) dane ber deriyê peristgehê.
6. Şahî û dîlan dihên gêran, bi her awayî xweşî û dilşadî li ber derê her malekê dibe mêvan, li ber dendê dahol û zirnê her kes kêfxweş dibe.
7. Her kesê/a derbasî hundirê peristgehê bibe hindêk axê li eniya xwe dide.
8. Her malek bi xêra miryên xwe qurbanê dide.

9. Li gişt tiwafan şazek (awazek) taybet heye, jê ra dibêjin şaza Muhter ku bi def û şibaban yan bi dahol û zirnê tê jenîn, ev awaz tenê li rojên tiwafan tê bîstin.
10. Perî yan peroyê hilêlên bi serên quban ve tîn nûkirin, dibe ev rewîşt ne tam diroja tiwafê da bê encamdan, lê bi oxlema tiwafê çend roj berê yan jî hêvariya tiwafê bi rêwresimek girseyî tê encamdayîn.

### Çima tenê Tiwaf li Başûrê Kurdistanê hene:

Êzîdî Li Bakûr, Başûr, Rojavayê Kurdistanê û dewletên sofîyeta berê dijîn ji bilî Êzîdiyên li sofîyetê hersê perçeyên dîyên Êzîdîyan xwe bi xwediyên axa ku ew li ser dijîn dizanin û wilo jî xwe nasdikin û hestpêdikin, ew ji destpêka tarîxê û ta niha li ser wê beşa gerdûnê, wate li Mezopotamiya jiyandikin, mebesta min ji vê pêşgotina sivik û kin ewe, bêjim ji bilî Êzîdiyên nişteciyên Başûrê Kurdistanê ti beşên dîyên Êzîdîyan tiwafan lidarnaxin, bi dîtina min du egerên sereke ji boy vê meselê hene.

**Yekemîn:** her ji destpêkê navenda Êzîdxanê (êzîdî û ezdayetiyê), wate navenda dîn û canda Êzîdîyan wilayeta Musilêbûye, Musil jî ango Nînewa paytexta Împeratoriya Asûriyanbûye, vêca normale heke ji destpêka dîrokê da dû milet ewqas sal li kêlek hev û carna jî dinav hevda bijîn wê ji rewîşt û tîtan, zanîn û marîfetê, tiştên feleknaşî û bawermendiyê ji hev hînbîn û bidin hev. me di beşa dazanîna dîroka tiwafên Êzîdîyan da bi kurtî basê paşmayên dabûnerîtên miletên Mezopotamiyan, yên mîna sûmerîyan, Babilîyan û Asûriyan kir, ku çawa wan miletan jî bi vî terzî û bi helkefta hatina sala nû şahî seremonî lidardixistin.

Mînak seremoniyên destpêka sala nû li ba miletê Asûrî û Kildanî 12 rojan dixayand û her rojekê programê xwe hebû bi kinî wisa bû:

- roja yekemîn hayenî roja sêyemîn, jêre digotin heyama pakkirina derûnê mirovan, û divan rojan da Keşîş (kehene) yê Îsagêla wate keheneyê mala Merdox bi keşîşên dêrên dî ra duwa û dirozên xemgîn digotin, bona ku Merdox Babil û Împeratoriya Babilîyan bi parêze.
- Roja çaremîn amadekariyên roja pêncemîn dihatinkirin, ji bilî duwa û dirozên bi roj, bi şêvê dastana afirandina gerdûnê (Îlîna Îlîş), yekbûna hêza xwedawendan di Merdox da û çawaniya pêkhatina her çar werzên salê dihat vegotin.
- Roja pêncemîn roja kirnoşbirina padîşahê Babil bû li hember Xwedawenê mezin Merdox.

- Roja Şeşemîn saxkirina roja gehiştina Xwedawend Nabo ye, dema ew û hevalbendên xwe ji Nîbûr Ûrûk, Kîş û Erîdo li hawara Xwedawend Nabo hatibûn, ev roj bi roja rizgarkirina kalê dîl tê binavkirin.
- Roja Heftemîn roja rizgarkirina Xwedawend Nabo ye, piştî ku ew sê rojan desteser û dîlmayî.
- Roja heştamîn peykerê gişt xwedawendan li ciyekî tîn komkirin, ew jî tê wateya wê rojê, ya ku wan piştevanî li Xwedawend Merdox hatîkirin.
- Roja nehemîn meşa serkeftinê ber bi mala Akîti ve dikeve rê, ew cîyê Xwedawend Merdox li destpêka cîhanê li hemberî Xwedawendê ava jêrîn Tenîn Tiyyamat serkeftî.
- Roja dehemîn digehin Mala Akîti û dinava bajar da Xwedawend Merdox bi amadebûna xwedawendên cîhana jor û jêrîn ahenga zewaca xwe bi Îştare ra radgehîne, ew xweşewîstiyeye ya ku li gorî mîtolocîya Asûriyan ku beharê bixemil û xÊzdîke.
- Roja yazdehemîn Her dû xwedawend Merdox û Îstar verdigerin wê malê ya ku yekemîn car li roja heştamîn lê civiyayin, vê rojê çarenivîs û aqûbeta miletî tê destnîşankirin.
- Roja diwazdehemîn, roja dawiyêya cejna **Akîdo** ye xwedawend Îstar vedigere peristgeha Merdox, peykerê xwedawendên ku beşdarî Akîdo kiribûn şunde digerin û jiyan li Babil û Aşûr cardin normal dibe.

Pêwîste bêjîn ku Kiristiyanên li parêzgehên Musil û Dihokê bi regek cihê (cuda) ji kiristiyanên welatên dî, her sal li mehên nîsan û gulanê şahiyên li derdora dêr û mezargehên xwe lidardixin, ji van rêwresman ra dibêjin **Şanedêr**. ew jî bi seremoniyên dînî, bi derxistina xêra miriyan û bi şayî û govendê pêşewaziya nîsanê dikin.

Asûrî roja azadbûna Xwedawendê mezin Merdox ji dozexê û zewaca wî Bi Xwedawend Îstar re, û Rabûna îsa ji aramgeha xwe li destpêka nîsanê bi hev ra girêdidin, ev sê bûyer li cem miletê Asûrî egerên kêf û xweşiyên beharê ne.

Balkêşe her sal diheman dem da ji temami parêzgehên Îraqê tenê parêzgeha Musilê, Mehrîcana Beharê lidardixe û bi awayek cihê pêşewaziyê li meha nîsanê dike.

Bêguman dema mirov van tevaya dide ber hev wê ji dîroka 3000 salan bersivê derxe.

**Dûyemîn:** li gorî baweriya min ji ber ku piraniya mezargehên xasû

bavçakên Êzdiyan li başûrê Kurdistanê ne, tiwaf jî pêwîste li der dora mezargehan bê lidarxistin dibe ku ew jî yek ji egeran be ku tiwaf tenê li başûr derdora lalişê hene, dema em dibêjin nêzîk Lalişê em Şengalê jî ji darxistina tiwafan dûr dixin û ew jî raste ji ber ku tiwaf bi giranî li welat Şêxin ango mîrgeha Şêxan, lihfa Qayidiyan û li herêmên Dinan tên kirin.

### **Cêwaziya di rêwresimên tiwafan da:**

Heke mirov programê rêwresimên tiwafan bide ber hev wê cêwazî û cihê rengiya dabûnerîtan di şêwe û awayê pîrozkirina wan da bibîne, li gorî baweriya min her tiwafêke ku programê xwe yê dînî nebe ji bilî çavlêkirineke bê wate, ti bingeh û senga xwe ya dîrokî jî nîne.

Hind tiwaf hene bi şêwe û awayê lidarxistina seremoniyên xwe, ji tiwafên dî cihêye, mînak:

- Perîsiwarkirin: Perî ji qimaşî (peroyê) reng sipî, sor û kesik pêk tê millet beşek xêra xwe ya salane ku qimaşe, dibene ber xasê xwe, micêwrê xasî serperîştîya karûbarê birîn û dirwarê dike, pêwîste carekê di salê da qimaşê li ser gora xasan bê nûkirin û li rojên tiwafan ev kar tê encamdan. Roja tiwafê hijmareke rûsipî û extiyarên gundî qestdikine mala micêwrî û ew yekî jê dibijêre, carna bona xêrbexşînê diber hev da radibin ka kê zêde da, dê wê salê patê rengîn (Êzîdî bona pîroziya wî dibêjin perî) datîne ser serê xwe (bi watayek dî micêwir dê wê periyê dane ser serê wî) ev seremonî ji mala micêwrî ber bi xasê gundî ve diçin û dema digehin ber xasî mêvanên amde bi rêz dibin, ber bi pêriyê ve diçin û ziyaretî dibin (maç dikin), piştî ku hemûyan ew tewafkirî derbasî aqidê dibin û periya kevin ji ser gora xasî hildidin û ya nû li şûna wî radixin, paşî micêwir periya kevin dibe mala xwe û li ciyek taybet ku jêre bibêjin stêrik diparêze, û piştî dû hefteyan dibe Lalişê, li wêder joreyek taybet bona gişt periyên xasan hatiye amadekirin.

Bo nimûne perîsiwarkirin li van Tiwafan heye, Hekîm Fêris li Xetarê, Êzî li Doxata, Şah Siwar li Bêbanê, Pîr Mend li Cerahiyê, Şexsê Badê li Bapîrê. Li gorî lêkolînavan berê perî li tiwafa Kerecal jî dihat siwarkirin, lêkolînavan dibêjin dibe ku dema millet yan êşîkkêş li dawîya êşîkê pişt û pişt vedigerin gund xeleka wînda ya vê rêwresimê ango ya periyê be.

- Êşîk tenê li tiwafa Kerecal li gundê Sînaya de vera qayîdiyan tê li darxistin ( Kerecal navê xasekî Êzîdiyaye ku aramgeha wî li ser çiyayekî bilinde, serê sibê tiwafker karê xwe dikin û dikevin ser rêya jêheliya besarê çiyayekî asê), êşîk jî ew rêwresimê dema

tiwafîker ji çiyayî bilind dadikevin jêr piştî ku her yekî/ê tayek biçûk ji tayên darên ber mezargehê Kerecal jêkirî biserê xwe yan bi cilên xwe venayi û hindek axa ber derazînka mezargehî ku nîşana pîrozî, zodarî û wefadriyêye li eniya xwe dayî tê encamdan. Dema ku êşîk yan ew rêrewa miletî digehe binê geliyê kerecal li silavgehê şelkeke guleyan ji bal çend xortan ve tê havêtin û li pêşewaziya tiwafîkeran miletê ku derfetê çûna serê çiyayî nebû heye û li pêşiya wan jinên bi taweyên tijî agir û bihna bixûrê hene, dinuqteya hevgirtinê da beşek ji êşîkkêşan piştûpişt vedigerin heyânî digihin navenda gundî.

Êşîk berî 3000 salan li cem Sûmerîyan jî hebû, jêre Îşîş yan (Êşêş) digotin, wan jî ev seremonî di şayîyên serê sala xwe da lidardixist.

- Hêvara tiwafa Bozan periyên hilêlên bi serê quban ve li ber dengê dahol û zirnê tên nûkirin, bi dor ya Êzî, şêşim, Melik şêx Sin, Xefûrê rêya û bilêle. Peryên kevin di bene mala Şêxê Wezîr ku di heman dem da ew micêwrê Şêşimse, paşî micêwir wan periyên dibe lalişê.
- Dev û şibaban û semakêşan tenê li tiwafên Başîk û bahzanê tên encamdan.

#### Jêder:

- Gundiyatî aliyekî Enthropolojî ji komkirina Xidirê Silêman 1985, Bexdad.
- Dengê me, Kovareke toreyî û rewşenbîriye, jimara 3, 1987, Dihok, rûpel 90, nivîsa Mecîd Heso.
- Hevpeyîvîn bi lêkolînavan Bavê Azad re.

- مقدمة في تاريخ الحضارات، طه باقر، بغداد، ١٩٧٨

- العراق القديم، جورج رو، ترجمة و تعليق عسین علوان حسين، بغداد، ١٩٨٩

- الاحمد. سامي سعيد الاحمد. المعتقدات الدينية في العراق القديم. الطبعة الاولى، 1988

- د. خليل جندي، د. خليل جندي محاضرة الى مركز الدراسات الآسيوية الأفريقية، جامعة كيل

في 27/6/2001

- بابل والكتاب المقدس، فريديريك ديليتش - ترجمة إيرينا داوود، دمشق 1987

- كتيب احتفالات الاول من نيسان رأس السنة الاشورية، طهران، 1963

Lêkolîn di fîstîvala kultûrîya Mala Êzdiyan li Oldenburg 20.11.2011 hat pêşkêş kirin.



## Gotar

Loqman Bariş

### Di Şerê bi Riya Ragihandinê de Rola Medya Êzdiyan

Peyva Medya geljîmariya gotina Latînî Medium e û wateya wê navîn an jî navend e. Her weha weke navgîn jî tê bikaranîn. Mîna roja me, di dîrokê de jî ev gotin di wateya navgîna danûstandinê ango ragihandinê de hatiye bilêvkirin. Wateyên cûda yên vê gotinê hebin jî, ji ber mijara xwe emê bahsa gotina Medya di wateya navgîna ragihandinê de bikin. Ji bo ragihandinê navgînên tînan bikaranîn televîzyon, radyo, rojname, kovar ûhw. ne. Di dema dawî de facebook, twitter, youtube ûhw. jî bi navê Medya Civakî (Sosyal Medya) cîhekî girîng di warê ragihandinê de girtine.

Di nava sîstema dewleteke demokratîk de hêza dewletê li sê beşên serbixwe tê parvekirin. Ev jî rêveberî ango hukûmet (Exekutive), Qanûndayîn ango Meclîs (Legislative) û Daraz ango Dadgeh (Judikative) in. Ji ber ku ev hêzên dewletê ne, Medya jî weke hêza raya gelemperî di rêza çaremîn de tê hesibandin. Bi gotineke din ew hêza gel e. Di sîstemeke demokratîk de nûnerê gel e. Bi navê gel çavdêriyê dike. Herweha ew dengê legal ên nêrîn û daxwazên siyasî ye.

Lê belê di rastiyê de derdorên bi hêz weke hukûmet, kargehên mezin, partiyên siyasî ûhw. wê weke navgîneke ragihandinê bi awayekî profesyonel bi kar tînin û bi vî rengî bandora xwe li gel dikin. Çi bi dizî û çi eşkere bandorê li nûçeyên wê dikin û bi vî rengî nêrîna gel li gorî daxwazên xwe diguherin, an jî çêdikin. Kes ango derdorên ku Medyaya wan xurt be, hêz û bandora wan jî xurttir e. Ew dikarin rastiyên li gorî daxwazên xwe berovajî bikin.



Ordeka di nava Petrolê de

Mînaka herî balkêş a di vî warê de nûçeyeke televîzyona Emerikî CNN'ê ye, ku di sala 1991'ê de di dema şerê Kendavê de weşand. Di vîdyoya nûçeyê de ordekek di nava petrolê de dihat nîşandan. Xwedêgiravî Serokdewletê Iraqê yê wê demê Saddam Husen Kuweyt bombebaran kiribû, petrol ketibû nava deryayê û ewordeka ``reben`` jî di navê de



mabû. Bi vî awayî şerê li dijî Saddam hat sorkirin gel ji bo. Paşê derket holê ku ev vîdyo li bajarê Kanada Halifax'ê di dema qezayeke tankera petrolê de hatiye tomarkirin. Heman Medya wexta ku Saddam Husen di 16'ê Adara 198'an de gelê Helepçe bi gazên kîmyewî qetil kir, ji ber berjewendiyên welatê xwe demekê li ber vê karesata mirovahiyê bêdeng mabû.



*Komedyên Kemal Sunal (Şaban )*

ya li ser civakê baş dizane. Di hevpeyvîneke xwe ya bi rojnameya Tirkîyê Zaman re dibêje; ``îqtîdar (hukûmet) bi xêra min li ser lingan in. Ne wisa be mirovê biteqin. Ez îlaceke pîskolojîk im. Ew (kesên pîrsgirêkên wan ên aborî hene) her êvar wê îlacê dixwin û rehet dibin. Roja din dîsa dikevin nava şerê jiyane.``

Medya helbet bi qasî vê rola negatîf dikare roleke posîtîf jî bilîze. Mînaka herî baş a di vî warî de fotografê derbarê şerê li Vîetnamê de ye. Dewletên Yekbûyî yên Emerîkayê (DYA) demeke dirêj şerekî qirêj li vî welatî dimeşand. Raya giştî ya DYA û ya gelemperî ji vî şerê qirêj bê xeber bû. Lewma ev şer dikarîbû bi awayekî hov bihata meşandin. Lê belê mirov dikare bêje ku tenê fotografekî qedera vî şerî guhert.



*Dema Femandarê Polîsên Saigon gerîlayê Vietkong Înfaz dike*

Roja 01.02.1968'an, di dema herî dijwar a vî şerê qirêj de rojnamevanê Emerîkî Eddie Adams ji bo ajansa nûçeya Associated Press fotografek kişand. Fotograf dema ku Femandarê Polîsên Saigon (piştî şer navê vî bajêrî bû Bajarê Ho Chi Minh) Nguyen Ngoc Loan gerîlayê Vietkongê Nguyen Van Lem, ku dîl ketibû dest wan, li kolanê bi dabançeyê înfaz dike, hatiye kişandin

Vî fotografî û hovîtiya tê de tê dîtin, cîhan û bi taybet jî welatîyên DYA`yê rakir ser lingan. Herkes bi qirêjiya vî şerî agahdar bû û dengên

dijberiya şerê qirêj gurtir derketin. Her çiqas piştî vî fotografi şerê li Vietnamê çend salan dewam kiribe jî, lê vî fotografi gelek tişt guhert. Hîn jî dema bahsa şerê li Vietnamê tê kirin, ev fotograf tê bîra piraniya mirovan.

Ev mînakên hatin dayîn û gelek mînakên din, bi taybet jî mînakên ku mirov dikare di beşên film, rêzefilm ûhw. de tê dîtin ku Medya me tenê ragihandine. Ew her weha navgînê şer e jî. Her alî, çî dewlet, çî sîyaset, çî hêzên cûda, çî partî, çî karsazên mezin ji bo bandora xwe li raya giştî bikin, Medyayê bi kar tînin. Bi gotineke din her kes şer ango têkoşîna xwe bi riya Medyayê dike. Ev şer car caran eşkere, car caran jî veşartî û bêyî ku mirov pêbihise tînin kirin.

Di cîhanêke wisa de em çavekî jî bavêjin Medyaya Êzdiyan.

### Rewşa Medyaya Êzdiyan

Girîngî û bandora ku Medya dikare li gel bike, Êzdiyan jî zû fêhm kir. Dema mirov bahsa Medyaya Êzdiyan bike, li gor min divê bahsa Radyoya Dengê Êrîvanê, rojnameya Riya Teze û televîzyona Med TV jî were kirin.

Bi taybetî Radyoya Dengê Êrîvanê, ku di 1'ê Çile 1955'an de vebû, bi qasî Êzdiyan bandoreke mezin li tevahiya gelê Kurd kir. Di demekê de ku Kurdistan parçe bûbû, sînor ketibûn nava Kurdan, asîmîlasyon li ser wan dihat meşandin, Radyoya Dengê Êrîvanê bû nefesek ji bo tevahiya gelê Kurd. Wê dengê Kurdan gîhand hevûdin û ji bo zimanê Kurdî zindî bimîne bû bingeh. Vê radyoyê hunera dengbêjiyê xurttir kir. Klamên dengbêjên weke Casimê Celîl, Karabetê Xaco, Eslîka Qadir, Aram Tîgran, Şeroyê Biro, Kawis Axa ûhw. gîhand her devera ku dikaribû lê bihata guhdarîkirin û bû bingeha pêşxistina hunermendiya kurdî. Her weha ruhê netewebûnê di nava gel de bi pêş xist.



Hejmara yekem a rojnameya Riya Teze di sala 1930î de bi tîpên latînî hat çapkirin

Rojnameya Riya Teze jî, ku di Adara 1930'î de li sowyeta berê hat weşandin, yekem rojnameya Kurdan e ku bi alfabeya kurdî, bi tîpên latînî hatiye çapkirin. Ev rojname herçiqas weke organeke ideolojiya komunistiyê derketibe pêş jî, di warê pêşxistina çand, ziman û edebiyata gelê Kurd de bû çavkaniyeke berhemdar. Her weha di warê ola Êzdî de

xebatên hêja kir û danûstandina di nava civaka me de bi pêş xist. Bîrewariya gelê me di warê dîrokî de zindî hîşt û jiyana Êzdiyan li Ermenîstanê gîhand deverên din ên Kurd û bi taybet Êzdî lê dijyan.

Televîzyona Med TV jî (paşê bû Medya TV, MeTV, Roj TV ûhw.), her çiqas weke yekem televîzyona Kurdî ya netewî dest bi weşana xwe kiribe jî, di weşanên xwe de cih da jiyana û ola Êzdiyan jî. Bi nûçe, dokûmenter û bernameyên xwe yên derbarê Êzdiyan de jiyana û ola me bi gelê Kurd da nasandin. Pîrozbahiyên cejnên Êzdiyan bi bernameyên zindî hatin weşandin, urf û edetên civaka me hatin nîşandan. Dua, qewl û beytên me hatin vegotin. Bi riya vê/van televîzyonê/an dijîtiya li hember gel, ol û civaka me hat şikandin û empatî û sempatiya ji bo ola me hat xurtkirin. Her weha girêdanek di navbera Êzdîyên li her devera cihanê çêkir.

Ji bili van, Êzdiyan hewl da li gelek welatan bi riya rojname, kovar, malper, pirtûk û broşûran ol û jiyana civaka xwe, pirsgirêk û kêfxweşiyên xwe, dua û qewl û beytên ola xwe ragihînin. Lê belê gava herî bandor ya di vî warî de vekirina yekem televîzyona Êzdiyan Çira TV bû. Ev televîzyon di 14'ê Tebaxa sala 2012'an de, ku 7. salvegera komkujiya li Şengalê (Gir Izêr û Sîba Şêx Xidir) bû, dest bi weşana testê kir. Piştî salekê jî dest bi weşana asayî kir. Televîzyona ku niha çend saetan weşanê dike, ji bilî jiyana, urf û edetên Êzdiyan bahsa ola wan û vîzyona wan ji bo pêşerojê jî dike. Vê televîzyonê di serî de dengên Êzdiyan gîhand hevûdin, her weha bû dengê Êzdiyan çi li qada neteweyî, çi jî li qada navnetewî.

Televîzyona Çira Tv bi weşanên xwe yên di dema fermana li Şengalê de bêhtir derket pêş. Girîngiya wê zêdetir hat fêmkirin. Bi riya wêne û vîdyoyan, her weha bi roportajên li qadê ango yên bi Êzdîyên mexdûr re hatin kirin, êş û azara wan gîhand hemû cîhanê. Bi taybet jî, di serî de Êzdî, dengê wan gîhand hemû cîhanê. Bi vî awayî bala raya giştî ya navneteweyî kişand ser Êzdiyan û dilrehmiya ji bo wan zêdetir kir.



Wêneyekî ku Çira Tv ji bo alîkariya Şengalê weşand

Eger mirov Medyayê tenê weke navgînê ragihandinê bigre dest wê demê

mirov dikare bahsa hebûna Medyaya Êzdiyan bike. Ji ber ku çî televizyon, çî radyo be, çî rojname, çî kovar be, çî malper, çî sosyal Medya be, Êzdî van alavan bi kar tîne. Mirov dikare gotûbêj bike, ka ev Medya bi fonksiyona xwe têr dike an na, bi kêr tê an na. Lê belê mirov dikare bibêje ji bo ragihandinê Medyayeke Êzdiyan heye. Ev Medya bahsa jîyan, çand, urf, edet, pîrsgirêk û kêfxweşiya Êzdiyan dike. Ya herî girîng bahsa ola Êzdiyan dike.

Lê belê eger mirov Medyayê weke qewet, weke hêz bigre dest, ewqas bi hêsanî nikare bahsa hebûna Medyaya Êzdiyan bike. Ji ber ku mîna me bi mînakên nûçeya CNN, fotografê ku înfazkirina gerîlayê Vîetnamî nîşan dide û hevpeyvîna Şaban dît, Medyaya Êzdiyan nikare rolekî wisa çalak bilîze. Ew nikare rojevê diyar bike, bêhtir li dû rojevê direve. Bûyeran radigihîne, lê nikare bi rêxistin bike. Di nava hewldanan de ye, lê nikare diyarker be.

Dema mirov vê rastiya Medyaya Êzdiyan dibîne û rola Medyayê ji bo civakan li ber çavan digre, pêwîstiya xurtkirina vê yekê jî ji xwe ber derdikeve pêş. Ji bo civakeke weke ya me, ku her sê hêzên me ango hukûmet (Exekutive), Qanûndayîn (Legislative ) û Daraza (Judikative) me nînin, girîngiya Medyayê ji bo Êzdiyan ji ya hemû gelên din zêdetir diyar dibe. Medyaya Êzdiyan pêwîst e, bibe hêz. Ew bi wezîfeyeke dîrokî re rû bi rû ye. Ji bo karibe vê wezîfeya xwe ya dîrokî pêk bîne, pêwîstî bi kadroyên profesyonel, bi ezmûn, xwedî fikrên modern û karibin siyasetê ji bo civaka xwe bikin, heye.

Rê dûr be jî, rêveçûn bi wî alî ve ye.

05.10.2014



## Gotar

Omer Alî

### CIH Û WARÊN KURDÊN ÊZDÎ

#### **Ka gelo wê gelê me li welêt û derveyî welêt xwe çawa biparêze**

Ligora vekolînên arkolojîk, etnolojîk û dîroknasî tê payin ku Kurd yek ji komikên Ariyanî yên berî niha 12 hêzar sal li mesapotamya jî bûn. Van Komikên Arîn çandinî û kedîkirin pêş xistin û bûn pêşengê afrêneriya civakbûnê. Kurd yek ji van komikên arîn e. Li derdorê ciyayên zagrosan bi cî bûne û çandinî û lawirvanî pêş xistine. Ligora şundewarnas û dîrokzanan hatiye hişkerekirin ku kurd çandeke mezin afirandine û bingehê şaristaniyên mezin amada kirine.

Numûne çanda thelxelef a ku li navanda walatên huriyan derketiye çandeke mezin û bi bandor e. Çanda Thelxelef şoreşa pîşeyî ye. Nû afireneriya hacatan e û di her aliyê jiyane de guhertinan çêdike.

Pêla duyemîn, derketina hizira Zerdeşt e. Şoreşeke zihnî, birdozî û exlaqî ye. Li ser têkîlî û pîvanên mirovan li berenberê civak û xwezayê, ango li beranberî kes û lawiran, li beranberî jin û zarokan diyar dike.

Zerdeşt feylezofe, hizirkarê serdemêye. Ligora hizra wî her tim şerê başî û xerabiyê heye û di encam de başî bi serdikeve.

Berîya zayinê di derdorê 700 de mesapotamyaya jor bawerî bi Zerdeştîyê tînin. Kurd tevayî vê baweriyê dipejirênin. Ev sê hezar salan bawerîya Zerdeşt li welatê Kurdistanê dijî û tê şopandin. Her ola derket berê xwe da Kurdistanê, lê bi serneket. Hata derketina Îslamê zerdeştî bîr û bawerîya herî bi bandor bû. Însanê Kurd bi vê baweriyê dijîn û paşarojên xwe Amada dikirin. Feleketa mezin artêşên Eraba rakir. Li ser navê Îslamê bi şûr ketin Kurdistanê û dagir kirin. Gund û bajarên ku ola îslamê ne pejirandin, di qirkirinê re derbas bûn. Kurdan bi rihetî Îslam qabul nekirin. Şer kirin, li berxwedan û bezîne çiyayên asê. Heta roja îro Kurdên ku misilman nebûn, hin jî li berxwe didin. Kurdên Êzdî ew Kurdên ku Îslam nepejirandine û di ciya û gundên xwe de xwe parastine. Heftê û du ferman çêbûne, lê raxmê van îşkence û qirkirinan Êzdîyatî tune nekirine.

Cih û warên Kurdên Êzîdî Kurdistan e, her tim warên xwe parastine û bernedane. Yek ji sedemên berdewamiya jiyan û bawariya êzîdîyan bi vê berxwedana parastina cih û warên xwe ve girêdayî ye. Baweriya Kurdên Êzîdî li ser hîmê bawerî û felsefa Zerdeştîyê meşiyaye. Baweriya Zerdeştî ne bes baweriyeke oldarî ye, felsefeya jiyanê ye.

Zerdeştî yek ji wan baweriyên mezopotamyayê ya herî kevnar e. B.z. di navbera salên 700 û 600'ê de derketiye û belav bûye. Yêzdayetî li gora lêkolînavan di demeke piştî belavbûna Îslamê de derketiye holê. Piştî ku hêzên Ereban li ser navê Îslamê Kurdistan dagirkirin û Kurd bi zora şûr misilman kirin û bi şûn ve, baweriya Zerdeştî li ber xwe daye û li gora şert û mercan xwe ji nû ve bi nav kiriye. Li Rojhilata Kurdistanê weke Yarasan, Alevî, li Bakur û Başûrê Kurdistanê wek Êzîdî û Alewî bûne û bi baweriya xwe felsefeyeke jîn û vejînê çêkirine. Di van baweriyên de roj û agir her pîroz e, gelek kevneşopiyên Zerdeştîyê yê weke pîrozdîtina nîrx û rêgezên civakê û hevsengiya di navbera ajal, şînayî ango xwezayê de. Di civaka Kurdan de roj û agir ji despêkê ve pîroz e û giring e.

Piştî ku artêşên Ereban Kurdistan dagirkirin, bi zorê, bi kuştin û qirkirinê pergala hizrê civakê, pergala baweriya civakê ya sed salan şikand. Bi zorê baweriya civakê dan guhertin. Ya mirin ya teslimgirtin û bi zorê misilmankirin bêguman di zihin û giyana civaka Kurd de birînên kûr û xeter çêkir. Di sêrî de baweriya wejîn û jiyînê, ziman û çand hate xerakirin, bişavtin û belavkirin. Civaka Kurd bê parastin ma. Yê ev rewş ne pejirandin bi çiyên ketin û xwestin xwe bi çiyên bi parêzin. Heta îro ev feraset berdewane. Hîn jî Kurd xwe bi çiyên di parêzin. Bêguman Kurdên Êzîdî dubare rû bi rûyên êrîşan mane, ji sedemên bawerî û olî. Zêdetirîn fermanên li ser Êzîdîyan li herêma Şengalê û derdorê Geliyê Laliş çêbûne û Kurdên Êzîdî di ciyayê Şengal û yê derdorê Lalişê de xwe parastine û li ber xwe dane.

Laliş wargeheke kevnar û pîroz e Êzdatîyê ye . Warê gelek şêxên Êzîdîyan e, sereke ya gora Şêx Adî ye. Şêx Adî di navbera salên 1173 û 1162'an de jiyaye. Rûberê Perestgeha Lalişê dorê 4500 m<sup>2</sup> (metre çargoşe) ye.

Li ser navê Laliş gelek pênase hene, yek ji van jî ev e. Laliş an jî Lalişa Nûranî (bi zimanê hûriyan; "la-la-aş-ha-ri.../. Lālašha[1]), cih û warê pîroz û perestgeha Êzîdîyatîyê ye ku dikeve Geliyê Lalişê yê devera Şêxan a ku raserî deşta Nînowaye, 10 km li başûrê rojhilata Duhokê, li herêma başûrê Kurdistanê ye. Ziyaret û cihê heca hemû Êzîdîyan e û cihê Kaniya Spî, kaniya pîroz e ku bi ava wê Êzîdî zarokên xwe mor dikin.



"Kurdên li Qafqasyayê (Ermenistan û Gurcîstanê) jî bi piranî Kurdên ji ola Êzdiyatîyê ne. Ev Kurdên ku ji heremên Bakurê Kurdistanê koç kirine, hatine van deran; hîn jî bi çand û kevneşîpiyên cîhên ku jêhatî bi xwe re anîbûn, dijîn. Di warê cil û bergan de jî ew yek wisa ye û hema-hema di vî warî de jî hîn tişteke wan neguheriye. Ev yek bi taybetî ji bona jinê derbas dibe; ji ber ku cil û bergên mêran(zilam) hatine guhertin, lê jin hîn li ser kevneşîpiyên xwe yên Kurdewarî dimeşe.

Kurdên Êzdî yên ku li Qafqasyayê dijîn; bi pirahî li bajarên wekî Qers, Wan Bitlîs û bajarên din hatine. Wan çand û cil û bergên xwe jî li sînoran derbaskirine û bi xwe re anîne. Ew hîn jî cil û bergên wekî kesên li aliyê sînor ên din, ên ku qet nedîtine li xwe dikin. Ew li pişt sînoran dengê dahol, zirne, dawet, stran û çekan guhdarî dikin û xeyalên rabirdû û pêşerojê dikin. Ji ber ku bi dîtina wan, ew deng û rengê kal û bavên wan in. Çendî ku cudatiyeke olî di nava Kurdên herdu aliyên sînor de hebe jî, lê mirov dikare bêje ku kelepûr û awayê jiyana wan ya civakî wek hev in. Ev jî derdixe holê ku cilên jina Kurd-Êzdî ya Qafqasyayê, ne hêmaneke olî ye. Yanî ne cilên olî ne, lê ew cilên neteweyî ne. Ji xwe cilên jineke Kurd(misilman) ya li Qersê dijî, weke ya jineke Kurd (Êzdî) ya ku li Elegezê dijî ye. Di heman demê de, dema ku mirov mêze dike, dibîne ku cilên jina Kurd-Êzdî ya Elegezê, ne weke ya jineke Kurd-Êzdî ya çiyayên Şengalê ye! Ev yek jî dide nîşan ku cil, berg, kultur û şemala jinekê, ji hêmanên olî bêhtir, bi hêmanên aborî, xaknîgari û şewazê jiyane re girêdayî ye."

Li gora lêkolînen dawî Kurdên Êzdî li van herêman e. Li Nînowa û derdorê Nînowayê, li gelîyê laliş û devera Şêxan û derû dorê wê. Li devera herema Şengal û Sinûnê tevî gundên derdorê zêdeyî nivmilyon Kurdên Êzdî dijîn.

Li Başurê Rojavayê Kurdistanê Kurdên Êzdî li herêma Cizîrê û li herêma Afrînê dijîn. Haya salên 1980'yî hejmara wan zêdeyî 20 hezaran bû.

Li Rûsyayê, li Ukraniyayê û Estonyayê Kurdên Êzdî hene û hejmara wan zêdeyî 100 hezarî ye. Ji ber belav dijîn, gelek zor û zahmetiyên çandî û civakî dibînin.

Li Qafkasyayê hejmara Kurdên Êzdî zêdeyî 200 hezarî ye. Piraniya wan li Gurcîstanê û Li Ermenîstanê dijîn. Di milê aborî de jiyana wan jiyaneke bê derfet û jar e û wek kêmeteweyekê ne xwediyê maf û nasnameya olî û neteweyî ne. Raxmê serdestî û desthilatiya dewletan Kurdên Êzdî yên li Kafkasyayê ziman û çanda xwe parastin e û bi kevneşîpiyên xwe jiyane.

Li Bakurê Kurdistanê Kurdên Êzdî li sê herêman dîjîyan. Li Bişêriyê, Wêranşahrê û li Merdînê-Midiyadê.

Ji sedemên fekirî, jarî jî tê da zilm û zordariya dagirkeriyê Kurdên Êzdî ji sala 1980'yî û bi şûn ve berê xwe dane kocbetiya ber bi welatên Ewropayê ve. Bi tamamî nebe jî piraniya gundan valabûn û hejmareke pir kêr li şûna waran mane. Ji herêmên Bakurê Kurdistanê nezî 100 hezar Kurdên Êzdî cih û warên xwe berdan û derbasî welatên ewropa bûn. Niha li van herêman ango li Bişêrî, Midyad û li wêranşarê hejmara Kurdên Êzdî di rêjeyeke pir kem de ye. Kurdên Êzdî ji her çar parçan koçberî ewropayê bûne. Zêdetir ji Bakur û Başur di van salên dawî de ji rojava koçbefiyek heye. Piraniya Kurdên Êzdî yê koçber li Elmanyayê û Belçîqayê dijîn. Hejmara Kurdên Êzdî tenê li Elmanyayê nezî 100 hazarî ye. Ya rastî Kurdên Êzdî ji sedemên baweriya xwe li her aliyên dunyayê balavbûne. Ji bo vê sedemê rastiya hijmaran wan nayê zanîn. Lêkolînên hatine kirin li ser taxmînan rêjeya hijmara Kurdên Êzdî dane ku ev rêje bi giştî nezî Milyonekê tê dîtin.

Bêguman piştî karesata Şengalê zêdetirîn dixeteriya tekçuyînê de ne. Di dîrokê de 72 ferman hatine ser Kurdên Êzdî, lê raxmê komkujî û talanan li ber xwe dane, cih û warên xwe bernedane û nirx û baweriya xwe domandine.

Baweriya Êzdatiyê û çand û kevneşopiyên Kurdên Êzdî dewlemendiya gelê Kurd e û nirxê tevahiya Kurdistanê ye. Lêxwedîderketin û parastina Kurdên Êzdî parastina Kurd û Kurdistanê ye, parastina nirxên gelên Rojhilata Navîne.

Kurt û dubere girîng e û pêwîst e ku Kurdên Êzdî cih û warên xwe bernedin. Hêza wan qeweta wan ji axa wan tete. Parastina cih û warên xwe, parastina Êzidîtiyêye, parastina xwe yê.

## **DOKUMANTERA RONAHÎ TV`YÊ YA LI SER ŞENGALÊ**

Ev dîmen ne yê Şerê Cîhanê yê Yekem e û ne yê duwemin e. Ev dîmen ne ji zikê dîroka mirovatî ya veşartî hatine kişandin. Ev dîmen berdewamiya jiyana hovane ya mirovatîyê ye. Her ev dîmen yê Şengala wêrankirî ye. Dîmenê sedsala 21'an e, ya ku mirovatî şehnazîyê pê dike. Dîmenê ku riwê mirovatîya pêşketî reş dike. Ev dîmen ê ku kîn û hêrsa di dilê zikreşan de derdixe. Hem jî bêbextiya biratî û mirovatîyê nîşan dide. Her ev dîmen berdewamiya fermanên hovane ne. Ev dîmenên 73. mîn fermana Kurdên Êzîdî ne.

Bê guman mirovê xwedî ûjdan bêyi ku hêsrên bibarîne, nikare temaşeyî van dîmenan bike, hêsrên ne tenê li ser vê qirkirinê, lê belê li ser bê şermiya mirovatîyê bibarîne.

Ev der herêma Şengalê ye. Ya ku careke din bû şahidê bûyerên dirindane. Bû şahidê fermana Kurdan. Şingal ew jî weke xûşkên xwe(Kobanê – Serêkanyê – Efrînê – Qamişlo – Tiltemirê – Heseke – Tilkoçerê – Mexmûr) û tevahiya Kurdistanê derbasî nava şerê hebûn û tunebûna Kurdan dibe û bi ber şepa êrîşên hêzên bi kirasên kin û rihên dirêj dikeve. Yê ku bê poşmanî seriyên ji gewdan hildiçetînin. Ê jinan li bazarên rûreşîyê difroşin û wan ji bo gankirinê li xwe mar dikin. De bila mirovayetî ji xwe fedî bike û de bila serê xwe têxe bin xweliyê û laşê xwe yê tazî ji derve bihêle....

### **(TÊ KIRASEKÎ ŞÎN LI BER XWE BIKE YAN TÊ ZÊREKÎ FERÎQ PAŞA BÎNE)**

Ev gotin hîna di bîra Kurdan de ye. Ferîq Umer Wehbî Paşa di sala 1893 de ÎSLAM li ser Kurdên Êzîdî ferz dikir û digot çî kesê bibe bisilman wê kirasekî şîn û zêrekî bidîyê, lê yê razî nebe, wê bê kuştin û hertiştê wî wê ji dest here. Evî paşayê ji Kurdan dixwest ola xwe bi kirasekî û zêrekî bifroşin, beramberî jiyana xwe rizgar bikin. Bi rengêkî pir erzan Kurd stûxar dikirin, lê diyar e ku xwesteka paşa pêk nehat. Lewra Kurd di berxwedana xwe de berdewam bûn.

Bê guman şer ne li ser serê Kurdên Êzîdî tenê dihate birêvebirin. Şer li hemberî Kurdan bi giştî dihate kirin û ti xwestekê Kurdan nedihate erêkirin, ji hêla hêzên desthelat dar ve. Lê Kurdên Êzîdî şerekî dualî bi ser wan de dihat. Yek ji ber ku Kurd in, dido ji ber ku ne bisilman in. Ji

ber vê operasyonê bi ser wan de dihatin, di bin ala ola isalmê de bûn. Lewra Kurdê bisilman jî tê de beşdar dibûn, ji bo parastina berjewendiyên xwe bi deriyê bilind re.

## ÊZIDÎ KÎNE?

Piraniya nivîskar û lêkoliner dibêjin ku navê Êzdiyan ji gotina EZDA hatiye. Ew jî di wateya Xweda de ye, yanî kesê ezda me. Ew jî Xweda ye.

Ezdan navê xwedayê ku Kurdan perestina wî dikirin. ÊZIDÎ ola herî kevnare di dîroka olê cîhanê de û ew bingeha tevahiya olaye. EZÎDIYET ji Mezopotamya derketiye û bi taybet ji nava Kurdan. Ji ber vê em dikarin bêjin ku EZÎDIYET ola Kurdên kevnar yê ku li cîyayê zagrosê dijîn û ber bi deşta Dihokê ve herikîn û li wira li herêma Şêxan û di nava çîyan de peresgeha LALEŞA hate avakirin.

ADEM li laleşê hatiye dunyayê. Her weha nûh geştiya xwe li ser axa EZÎDIYAN li cem kaniya sipî ava kir û jiyana giyaneweran li ser çîyayê Cûdî parastîye. Ev hinek ji baweriyên ola EZÎDIYAN e. Her weha roj – heyv – stêrk - kewkeb û her heft perî jî pîroz in.

Horî yan horê yekem dayik a EZÎDIYAN e û kesayetiyan mîna Zerdest - Birahîm Xelîl ji kaniya EZÎDIYETÊ zanestiyê xwe wergirtine..

Pir kesan xwestin, dîroka ola EZÎDIYAN ya ku di bengeha xwe de ola Kurdan e berovajî bikin û ji rastiya wê dûr bixin. Bi taybet piştî dagirkirina Erebên di bin navê ola Îslamê de yê ku êrîşê xwe anîn ser herêma Kurdistanê, ne tenê di aliyê olê de her weha di aliyê netewî de jî rastî nerastiyan û derewan hatin. Hin kesan gotin ku ew Asûrî ne û hinkesan jî gotin ew Ereb in û her weha li gorî berjewndiyê hêzên desthelatdar dîroka Kurdên Êzdî dihate guhertin. Hewildanê bi vî rengî, di rastiya xwe de ew bû ku Êzdiyan ji Kurdan dûr bixin û wan wenda bikin. Hem jî ola EZDA ji holê rakin û çandê dîrokî qir bikin.

Bi hatina ola Îslamê li herêma Kurdan ola EZÎDIYAN kete metirsiyeke pir mezin. Ji ber ola Îslamê xwe bi rêya dagerkirina welat û miletan û bi şûr belav dikir, her weha şerê olê û yê netewî dest pêkir û di bingehê de Ola Îslamê di bin navê xwedê de di bingeha dewleta neteweperest ava dikir, lê ola Êzdiyan ne tebşîrî bû û ne jî siyasî bû, ji ber vê belav nebû di nava miletan de, her weha di ola Êzdiyan de pêxember jî nebû, ji ber di baweriyaya wan de, nabe di nava mirov û Ezdan de kesekî dîtir hebe, di encamê de û piştî berengariyan pir dûr û kûr Kurd bûne bisilman, lê beşek ji wan li ser ola xwe man û ketin çîyan ji ber ku xwe ji êrîşan bi parêzin.

Tevî hemî fermanên ku bi ser serê Kurdên ola xwe parastin de hatin û di nava pir cînosayd û qirkirina re derbas bûn lê Êzîdî qir nebûn û heta niha li herêma Şengal û Şêxan û pir cihên din dijîn.

Di nava van Kurdan de pir kesayetiyan bi nav û deng derketin. Wek: Hisên Begê Dasînî yê go mîrîtiya mîrneşîna Soran – Hewlêr û Duhokê di kir. Di wê demê de ev herêm bi welatê dasînya bi nav di bû. Her weha Mîrze Paşa – Nemir Simo – Sifûkê Mito – Mehme Evdê Hebabî - Erebe Şemo – Biroyê Şerqî – û Derwêşê Evdî.

Ji şeveqa dîrokê û heta niha her dem mirovan ji bo azadî û baweriyên xwe tekoşîn kiriye. Li cihê zilm û zor lê hebe, wê berxwedan û tekoşîn jî peyda bibe. Şer, bi hezarê salan dibe û heta niha wekheviya civakî pêk nehatiye. Ji ber bengeha hemî şeran desthilatdarî bû.

### **Dîmenê Roma (Şoreşa Sipartakus)**

Li Roma kolan biryara serhildanê li hember koledar û efendi yê xwe bikin dan. Di wê demê de ku kole çî jin û çî mêr di nava bazaran de dihatin kirîn û firotin û her koleyek milkekî taybet ye efendiyekî bû. Her tişt bi serê wan de dihat kirin. Jin ji bo kêfê û mêr ji bo kar û xizmetkariyê dihatin bikaranîn.

Sipartakos kesekî li cem efendiyekî Roma kole bû, lê ewî şoreşek rakir û zincîrê koletiyê qetand û dest bi rizgarkirina kolan kir. Yek bi yek ew dane ser hev û bi Romîyan re ket şerekî giran. Ewî Roma ser binî hev kir. Kole şiyar dikir û dikarî bû heta dawîya jiyana xwe di şoreşa rizgarkirina kolan de bi bawerî be û bi şoreşa xwe karî bû bîreweriyên Roma biguhere.

Romîyan bi rengê herî hovane êrîş li ser serhildana koleyan kir û didîtin ku ne ji mafê kolan e ku li hemberî desthelatdariya wan ya ku ji hêla xwedawendan hatiye pîrozkirin, rawestin, ji ber wê yasayê wan li ser vê bingehe dihat avakirin, û ji bo berdewamiya misogerkirina desthelatdariya xwe ya ku ji xwedawendan hêz digirt, kole bi qedera wan razî dikirin.

Lê Sipartakos ev yek ne pejirand û ji Romayê re nîşanda ku ti têkiliyên xwedawendan bi kiryar û yasayê wan re nîne.

Li Rojhelata Navîn jî rewşeke bi wî rengî hate jiyankirin, mirovan xweda kirin amûreyek ku di bin wî navî de deshelatdariya xwe avabikin û ji boy wê pir xwîn rijandin.

Tekoşîna li hember zilm û zoriyê netenê li Romayê bû, her weha li Kurdistanê jî dihat birêvebirin.



(dîmenên Şengalê)

Şengal di 46 fermana de debas bûye

Ev 768 salin ku Kurdên Êzîdî di nava operasyonên qirkirinê de derbas di bin. Yekem car neyarî li hember Kurdên Êzîdî hatiye kirin ji aliyê xwedanê Mûsilê Bedredîn Lûlû a di sala 1246' de bû. Bedredîn Lûlû a Şêx Hesenê oldar yê Êzdiyan kuşt û mîrneşîna wî tar û mar kir. Her weha berdestê wî jî kuştin û xekek koçber kirin. Di wê demê de ev Kurdana di Şam û Helebê re derketin.

Piştî vê rûdanê Kurdên Êzîdî di nava karîsata û wêraniyan re derbas bûn. Ji sala 1246' anhetta 2014' an ferman li dûv fermanê hatin pêkanîn bi tayebet di serdema Xilafeta Osmaniyan de û hejmara wan gişte 73 fermanan. Bi giştî ferman di bin navê olî de encam didan û ji ber ev beşê Kurdên ÊZIDÎ ne. Dunya bê deng dima, her weha Kurdê bisilman jî bê deng diman.

Di van sedsalan de Kurdên Êzîdî bi 10 hezaran hatin kuştin û bi 100 hezaran penaber bûn. Hin ji wan gihiştin ermenyan – corciya û hin jî gihiştin çiyayê Kurmênc û deşta cûmê (li herêma ku îro jêre tê gotin Efrîn)

Wekî dîrok dibêje Kurdên Êzîdî di nava 73 fermana de derbas bûne. 27 ferman li dijî herêma Şêxan bûn û 46 ê din li dijî çiyayê Şengalê bûn. Di nav van fermana de carna operasyonên qirkirinê bi ser herdû herêman de bi hev re li dar diket.

Heger em li van dîmaman temaşe bikin, wê rewşa fermanên berê jî bê ber çavên me. Di nava rûpelan de hatiyê nivîsan din kû dema êrîşî Kurdan dihate kirin, kom kujî pêk dihatin. Jin û zarok dihatin dîl kirin û li nava bazara Mûsil - Bexda û Strnbolê de di hatin firotin, jin rastî destdirêjiyan dihatin û ji bo kêfxweşiya efendiyan amade dibûn .

## **FERMANÊN DI SER DEMA SULTANÊN OSMANÎYAN DE**

Fermana 1 – 6 di serdema sultanê Osmanî Silêman Xanê Qanûnî de bûn, di sala 1570 de Ebû Siûd al Aradî ku ew muftiyê dewletê bû, fetweyek derxist û tê de kuştin û firotina Kurdên Êzîdî yasayî kir. Ev êrîş bi giştî li ser devera Şêxan pêk dihatin.

operasyona qirkirinê ya heftan li ser Şingaliya pêk hat di sala 1607 de bû, elî paşa canpolat biryara wê da bû. Lê Şengalî bi serketin û 7 hezar leşkerê Osmaniyan hate kuştin.

Her weha operasyonê qirkirinê berdewam kirin, netenê Osmanî, Sefewiy –

Ereb û Kurdan jî êrîş dibirin ser Şengal û Şêxan.

Tiştê balkêş ew e ku kurd di 7 fermanê Êzdiyan de başdarbûne. di nava van 7 fermana de, 3 ji wan mîrê Kurdan weki mîrê Erdelanê Ehmed Xan û mîrê Badînan Qubad Beg û Mîrê Kor ê Soran (Mihemed Beg) pê radibûn. Ev mîr û begên Kurdan ji bo parastina mîrtî û mîrneşînên xwe milkeçî ya xwe ji sultan re diyar dikirin, û amad ebûn êrîşê her kesekî bikin.

Êzidî îro jî dibê jin mîrê Badînan yê nû em firotin û destê xwe ji nava me kişand û em rû be rû li hember amîreya kuştinê hiştin bê parastin. Ji ber vê herêma Şengalê vala bûye û xelkên wê jê direvin. Ev yek jî hejmara fermanên ku hatine kirin radike fermana 74 ran.

### SB: ÇEND HEVPEYVÎN

Fermana dawî di sala 1917'an de li hember Şingaliyan pêk hatibû. Her çend di vê serdemê de biryara perçebûna Kurdistan jî hatibû girtin û Şerê Cihanê yê Yekemîn dihate jiyan û Împeratoriya Osmaniya li ber ji hevketinê bû ku navê wê bi bû (peyayê nexweş), lê tevî hemû rûdanan Osmaniyan hîna dixwestin ku Kurdên Êzidî qirbikin û belkî ev yek ji karê xwe yê dawî didîtin, tevî ku 400 salî şerê Kurdên Êzidî kirin lê nekarî bûn wan tune bikin, lê di sala 2014'an de hêzeke cete ya bi navê (dewlet al îsalm li îraq û şamê DAÎŞ) ya ku pir cavdê dibêjin ku bi dewleta Turk re di nava têkiliyan de ye. Vê rewşê di de pêş, tiştê di dilê sultanên Osmanî de mabû û pêk nehatibû, sultanê nuha yê Cimhûriyeta Turkiyê dixweze wê hêviya qirkirina Êzdiyan pêk bîne. Ji ber ku tenê Kurdên Êzdî di nava wan 400 salî de li hemberî desthelatdariya Osmaniyan şer kirin û teslîm nebûn, nexasim di bir operasyona de derbeyên giran li artêşa Osmaniyan didan.

Şengal bajarekî kurdan e ku niha li Başûrê Kurdistanê dikeve û li Bakurê Iraqê ye. Bajar di hêla rêvebiriyê de girêdayî parizgeha Neynewa ye. Şengal ji di gotinên kurdî pêk hatiye ŞENG û AL di wateya ala xweşik, yan jî aliyê xweş.

Li Şengalê Kurdên Êzidî û yê şî'a jiyan dikin, û di demên dawî de Erebb û Kurdên sînî jî li wira bi cih bûn...

Basiyên iraqê û di encama birêvebirina siyaset erebkirina Şengal, pir êl û eşîretên ereb ji başûr û orta Iraqê anîn û li derdora navenda Şengalê bi çih kirin, her weha bi hezaran Kurd ji herêma Şêxan penaberkirin û ew li derdora Şengalê di nava kombûnên niştecibûnê de bi çih kirin.

Li derdora Şengalê pir gundên girîg hene wek: Sinûnê – Tel Albenat –

Tel Qaseb – Dihola – Borik Weriyê – Xana Sor – Dugirê – Xerab Bazar – Zorava – Kihêl – Tel Ezîaz – Sîba Şêx Xidir – Girzok – Gir Ezêl ....û bi dehan gûndê din.

Bi hilweşandina imperatoriya Osmaniyan de Kurdên Êzîdî reha nebûn û vê carê rastî êrîşên artêşa Iraqî heatin. Ji sala 1921'ê heta 2003'an hikûmetên Iraqê li ser koçkirin û erebkirina Kurdên Êzîdî pir xebat anin birêvebirin. Ermanca Bexdayê ne tenê guhertina demografya herêmê bû, lê belê erebkirina wê jî bû, hem jî bidawîkirina dîrok û çanda Kurdên Êzîdî bû.

Di sala 1925'an de hêzên leşkerî yê iraqê operesyonek berfireh li dijî Kurdan li çiyayê Şengalê li dar xistin, armanca wê pêkanîna pirojeya bi navê (Cezîrê) bû, ev piroje armanc ji bicihkirina Ereban bû. Şengaliyan di bin serokatiya Dawûd Dewad de serî rakirin û li ber xwe dan, lê serhildana wan şikest û 9 kes ji serkirdeyên serhildanê hatin îdamkirin.

Hikûmeta iraqî birengêkî fermî Kurdên Êzîdî di sala 1977'an de wekî Ereban tomakirin, û xwest bi vê gavê peywendiyê wan bi yek carî bi Kurd û dîroka wan re bibire. Û di bin desthilatdariya Baasiyan de zêdeyî (215) gundên Êzîdîyan hatin wêrankirin, her weha zimanê kurdî li Şengalê hate qedexekirin.

Kurdê Êzîdî di 73 fermanan de derbas bûn, Sefewiyan – Osmaniyan û Ereban, bi rengêkî hovane êrîşê xwe tanîn ser Kurdên Şengalê û Şêxan, ev êrîşana di bin navê Xwedê û Îslamê de dihatin kirin. Li gorî tê xweyakirin di bingeha xwe de ev ku Kurdên Êzîdî bi taybet desthelatdariya ti kesî li ser xwe qebûl nedikirin. Ji ber vê şer dikirin û ne di bûn xulamê ne Osmaniya û ne jî Ereban û Efewiyan û heger şer tenê di çarçoveyêke olî de ba, bê guman olên din jî hebûn, wek ola xiristiyanan û ya cihûya, her çendî êrîş li dijî bawermendên wan olan jî pek dihatin, lê ne wek operasyonên bi ser bawermendên ola Êzîdî bûn, ev yek ji diyar dike ku Êzîdî mêr û mêrxas bûn.

#### **Şengal 2014 fermana 74**

Di 3/8/ 2014 de rêxistina bi navê (DAÎŞ) piştî kontirolokirina Mûsil, berê xwe da herêma Şengalê û êrîşî Kurdan kir...

Ji ber hêza leşkerî ya Şengaliyan nebû, û hêza pêşmergeyan ya ku li Şengalê bi cih bûbûn, li ber xwe nedan û bi şûn ve vekîşiyên. Şengalî rû be rû li hember kuştin – wêrankirin – talankirin – destdirêjîyên seksî li hember jinan man.

Di 3 yê tebaxê de Kurdan bi çekên sevik yê ko di dest wan de li ber xwe

dan, lê hêza wan têrê nedikir kû li hember êrîşên (DAÎŞ) rawestin. Ji ber vê ber bi çiyayê Şengalê de kişyan.

Bi sedan hatin kuştin, lê hêzik di bin rêvebiriya Qasim Şeşo berê xwe da mezarê Şerefdîn, û xwe li wira bi cih kirin, vê hêzê ji bo parastina mezar xwe amade dikir. Bi taybet piştî (DAÎŞ) kete bajarê Şingalê û mezara (Sîtî Zeyneb) yê şî'a teqanin.

Weki em di van dîmenan de dibînin zarok – kal – jin – mêr bi çol û çiya ketine û ji ber hovîtiya (DAÎŞ) ê direvin û hawar dikin...

SB: hevpeyvîn

Diyar e ku ev xelkana ne siyasetê nas dikin û ne DAÎŞ – Yekîtiya Netewan – hêzên nav netewî. ev millet diyare ku tenê dixwest jiyana bibe û dûrî dûr ji hevsengiyên siyasî di gotinê wan de diyar e ku xwestekê wan tenê yê jiyana ne. Av – nan û derfetê jyanê, lê hin kesan hikûmeta MALÎKÎ û PARTIYA DEMOKRATA KURDISTANÊ TAWANBAR DİKIRÎN û dibêjin ku ew berpirsiyarin li hember rewşa ko tê de derbas dibin

SB:

Di nava van çiyayê rût de û di nav xaçerêkan de bi hezaran kes bi piyan û di bin tîrêja roka tebaxê germ de bê av û bê nan birêketine. Nezanin ber bi ku derê vê diçin, lê li dûv xwe nanerin. Her tişt hêlan tenê dixwazin giyana xwe rizgar bikin.

Çavê wan hêsiyan dibarîne, dilê wan tije birîne, hewara xwe dighînin Tawûsê Melek û Partiya karkerên Kurdistanê û Serok APO.

Li vira û li ser çiya piştî 6 rojan tangeke av digihêje wan, zarok li dora wê kom dibin û dixwazin tîbûna xwe avbidin, lê avê çavê wan yê zuha bûbû careka din şilkir û agirê di nava sînga wan de gorkir.

Di vê demê de serokê EMERÎKA BARAK OBAMA got em ê destê alîkariyê dirêjî Kurdên Şengalê bikin û em ê êrîşên ezmanî li dijî (DAÎŞ) ê bi kar bînin, lê ev kesên ku pêwîstiya wan bi alîkariyê heye, teştêkî din dibêjin û qala xiyanetê dikin:

SB:

Ev zarok li ser van çiyayan ji dayik bûye, zarokekî çavê xwe li dunyayê veke û bibîne ku ew direve. Li çolan e. Bê av û nan e, dayik perîşan e, nedikare wî ji sînga xwe şîr bide, wê ev zaroka çawa jiyana xwe berdewam bike.

Zerdeşt Şingalî endamê tevgera azadî û demokratî a Êzdîya ye. Ew jî weki hezaran kes panaber bû ye , me ew li vira dît û wî digot:

### SB: ZERDEŞT ŞİNGALÎ

Hin Kurdên Şî'A jî di nava penaberan de hene, lê nikarin bi axivin. Li vira komek jin û zarok civiyane. Ew tev de birîndar in. Ne derman û ne textor. serê wan di nava xwînê de mane, serê wan diêşe û digrîn, lê tu çara wan nîne. Yan wê hêdî hêdî bimrin yan jî wê hinek bi hawara wan ve bîn.

Di dema ev kesana di otompîla xwe de bûn û direviyan, moşekê hawinê hat û li nêzî wan ket, û di enca mê de otompîla wan qulipî û ev tev de tê de birîndar bûn.

Me ev kesana jî li dûv xwe hiştin û me berdewam kir.

Li vî cihî hin malbat rawestiyane û ji bo xwe ji tîna rokê bi parêzin, konên bi çûk çêkirine.

Peyayên bî temen digrîn, û ew jî qala partiya Demokrata Kurdistanê dikin û di bêjin:

SB:

Penaberên Şengalê rastî maleke koçer têne. Xwedanê vê malê her tiştê xwe da van penabera. av – xwarin û genim, tevlî ku tiştêkî wî jî zêde nebû.

Ev Girûp a penaberan ev çar roj in bi rê ketine, jin digrîn û wan jî qala derdê xwe ji me re kirin

SB:

Dema em li vira bûn komek ji şervanên YPG jî ghiştin vî cihî, ew bi xelkê re axivîn û soz dan kû wan bighînin rojavayê Kurdistanê, her cend ev yek bi dilxweşiya penaberan bû, lê ewan rewşa rojavayê Kurdistanê jî baş dinasîn.

Lê tevlî hemi tiştî piştî rakirina hink genim careka din bi rê ketin ber bi rojava. Li ser rê hindêk otompîl yê ji rojavayê Kurdistanê bi rê ketibûn gihaştin penaberan. Di destpêkê de kesê nexweş – zarok – pîr û kal . bi xwe re birin û çûn. Me jî rêya xwe berdewam kir û em ber bi bilindahiyên çiyayê Şengalê ve çûn.

Her ku em diçin xelek zê de dibin û rewş xerab dibe. Di vê newalê de komek ji xelkê tê de rawestiya ye. Yan jî behn vedanekê distînin û xwe ji bo birêcûnek dirêj amade dikin. Di vê newalê de weki diyar dibe kaniyek



avê heye. Zarok – jin – û her kes li ser wê kom bûne. Hin ava xwe dadigrin, jin jî cilûbergên zarokên xwe dişon û kal û pîran jî xwe dane aliyekî û temaşe dikin. Zarok bê şîr mane. Hindek jin jî bi sebreke mezin rûniştîne û li benda paşerojeke ne diyarin.

Ev kesa jî ji bo birayê xwe yê seqet daran çêdike, dixweze alîkariya wî bike, birayê wî nekare birêve biçe, ji ber vê ew derdê wî dikşîne. Li vira jî peyakî bi temen axivî û got:

SB:

Gera me berdewam kir di nava van penabera de hewara wan gihişte her derê. Li ser van çiya em rastî hêza parastina gelê kurdistan hatin. Ev hêz ev şeş roje ji bakurê Kurdistanê bi rê ketine heta gihaştine Şingalê. Her weha hêzên yekîneyên parastina gel ypg jî ji roja yekem de di nava şer de û bi hemi giraniya xwe xelkê Şengalê ji karesateke mirovatî rizgar dike. Hin ji endamên HPG ji me re axivîn û gotin:

SB:

Di nava 10 rojan de YPG – HPG di karîbûn zêdeyê 100 hezar kes ji nava çiyayê Şengalê rizgar bikin û wan derbasî rojavayê Kurdistanê bikin. Ji Şengalê heta Sêmalka kerîdoreke oleyî vekirin û millet tê re rizgar kirin. Her weha van her dû hêzan ciwanên Kurd yê Şengalî bi rêxistin kirin û careka din li Şengalê vegerandin, di bin navê yekîneyên berxwedana Şengalê bi sedan kes tev lê bûn û berê xwe dane Şengalê.

Xelkê ji ber êrîşên daişê reviyar, qala berxwedana QASIMÊ ŞEŞO dikirin. Qasimê Şeşo parastina mezarê Şerfedîn dike. Me xwe gihand wê deverê û Qasimê Şeşo ev ji me re got:

SB:

Wekî tê xuyakirin, fermana 74'an ya di ser Kurdên Êzîdî de hat, di roja 3'yê tebaxa 2014'an de Kurd kirine yek. Ne weke 73 fermanên berê bûn, bi taybet wekî ku xelkê Şengalê gotin, hêzên HPG- YPG ew bûn xemîreya yekbûna Kurd.

Û hetanî niha hêzên Kurd yê di binê ala Koma Civaka Kurdistan KCK de tevdigerin, li Şengalê – Mexmûr – Kerkûk – Rebi'a- û bi dehan cihên din belav bûne û wanderan diparêzin, her weha şer di navbera wan û çekdarên rêxistina DAÎŞ'ê de berdewam e. Bê gûman hêzên pêşmerga jî li dijî heman rêxistinê şer dikin û serokê herêma Kurdistan Mesûd Barzanî piştî hêzên HPG Mexmûr ji DAÎŞ rizgarkir, çû seredana wan û ew pîroz kirin.

## Gotar

### Mîrhem Yîgît

#### DAÎŞTÎ WEK ZIHNIYETEKE KEVNAR, DESTHELATDARÎPEREST Û NAVGUHÊR

DAÎŞ yan jî IŞID, ji çêbûna xwe û ber bi îro de gelek nav guhertine. Destpêka wê heta bi Efgansitanê diçe, cihê lê lingên wê erd digre Iraq e û di qonaxa dawî de jî li Sûriye bilaş û gewd dibe.

Bi rê de qonax bi qonax dibe rêxistina "Cemaat el-Tevhid vel-Cihad" û sala 2004 an di navekî bi navê "Tanzim Kaidat el-Cihad fi Bilad el-Rafidayn" de kincên xwe dughere ku bi navekî gulovertir dibe " El Qaîda Iraqê".

Navguhêrî yek ji xisletên vê pêkhatayê ye. Du salên piştê wê carê bi çend gurûbên biçûk re dibe yek û di bin navê "Konseya Şûraya Micahîdînan" de xwe bi rê dixê. Ev di meha çile de dibe û di çiriya heman sala 2006 an de navê "Dewleta Îslamî ya Iraqê" li xwe dike.

Nîsana 2013 an bi navê " Dewleta Iraq û Şam ya Îslamî" li navê îro nêzîk dibe û hinekî piştretir navê xwe kurtir û ji awira coxrafîk ve sînornasnekir dike û bi tenê dimîne ID, ango Dewleta Îslamî ( Hezîran 2014).

DAÎŞ, ev demeke ku ji awira dagîrkirina rojevê û wek diyardeyeke kêmnimûne bûye "pizika ser zimanan", bi qasî pêşbinî tê kirin, hêz û xofa xistiye dilan, serêşa ji gelên herêmê û cîhanê re çêdike, di nav serberjêrbûn û şikestinekê de be, ji şervanên gelê Kurd derbên giran xwaribe û li Kobanê pozfirkandî bûbe jî, wê hê demeke din jî cihê xwe di rojevê de bernede û raya giştî bi xwe mijûl bike.

#### DAÎŞ -IŞID çi ye û ne çi ye ?

DAÎŞ xwe wek tevgereke îslamî binav dike û li ser axa Iraq û Sûrî di nav hewla avakirina dewleteke Îslamî de ye. Ji awira îdeolojîk û cîhanbîniya xwe jî ji malbata El Qaîde ye û ew jî mîna El Nusra, Hizbulah û hwd. mezhebî û wehabî-selefî ye.

DAÎŞ, li gora siyasetmedarên AKP, Dawidoglu û beşek mezin ji nivîskar û medya ser bi hikûmetê, rêxistineke ku ji aliyê misilmanên Ereb û sunî hatiye avakirin. Ereb û sunî ji ber zilma Malîkî li ser sûniyên Iraqê û ya

Esed li Sûrî, rêxistineke mîna DAÎŞ avakirine û ev jî di esas û bingehe xwe de bertek û hêrseke kombûyî ye.

Kesên kategorîzekirina DAÎŞê ne mikun dibînin, ev girûh ji xwe pêve naşibe tu pêkhatyeke din û di dîroka dirindeyî û xwînrejiyê de, nimûneyeke mirov bikaribe DAÎS ê pê re miqayese bike û bi alîkariya wê DAÎŞ ê bide nasandin tune ye, dibêjin jî hene.

Bi nerîna van kesan DAÎŞî ne mirov in. Ew kesên di şer de dîl digrin mîna tu pez û dewaran ser jêbikî, serê wan jêdikin, keç û jinan jî wek carîye û objeyên seksê bikar tînin.

Ev nerîn Îşîdî û DAÎŞîyan dişibîne cinseke meymûnên şempanze û wan wek mexlûqat û bûnewerên tebayî, nîvmirovî binav dikin. Dema di nav qebîle û refên şempanzeyên cihê de şer derdikeve, aliyekî ji van qebîleyan giş meymûnên nêr ji qebîleyên din dikujin, jinên wan tevî qebîleya xwe dikin û tecawizî wan dikin. Wa diyare ev mexlûqatên ÎŞÎDÎ-DAÎŞÎ hê di vê qonaxê de ne.

Hin hê jî bi wîrdetir de diçin û dibêjin miqayesekirina DAÎŞîyan bi lawir û sewalan re, bi xwe jî neheqî û heqareteke li lawiran. Lewra DAÎŞî bi hest, wîjdan, mirwet û bi fikirkirina xwe li ser encamên kirinên xwe gelekî di bin heywanan re ne.

Wek nimûne mirov di televîzyonan de dibîne ku dema dayikek li zaroka xwe dixê segê malê nahêle, qijaka birîndar ku ketiye avê ji aliyê hirçekê ji avê tê derxistin. Pilingekî meymûnê dîkujê, dema dibîne ku çêlîka wê heye wê digre ba xwe û pê şa dibe. Mirov dibîne ku ne hestê seg, ne yê hirçê û ne jî yê piling û meymûnan jî tune li ba ÎŞÎDÎ û DAÎŞîyan.

Daîştî, guhertin û jihevdeksistina usûlan, nasnekirina usûl û wacibên hene û ferzkirina yên nû û bi temamiye li ser xelkê.

### **Daîştî coredirakulayîtiyeke serdema me ye**

Çawa ne bi tenê dixwaze xelk jê bitirse, belê bibizde, bi xwe de bimîze, ji ser hişê xwe bikeve, kezêbqetandî bibe, ji desthilanîn bikeve, biricife, birehele, devê wî/wê têkeve hev, hew karibe biaxive, zimanê wî/wê negere û ew jî vê bi çavên xwe bibîne, dema ev giş dibin di çav xwe keve, zewqê jê bigre

Li vir em li damar û meylên sadistî jî nêzîk dibin û rast tîn.

Di heman demê de di ber zewqên sadistî re mirov pêjna lebtên psîkopatî jî dike, lewra mirov kêfxweşiya ji şikencê, bêwîjdanî û bêdiliyê jî di her qetlîam û kuştinên DAÎŞê de wek demareke xwur dibîne. Ev zihniyetek

e, divê ji hinek cîhan bi xwedî bibe, vala çênabe

### **DAÎŞ- IŞİD Dijminê Kurdan e .**

DAÎŞ di destpêkê de wek rêxistineke Erebên sunî, li dijê şîyan, nîzama li Bexdê, dagîrkeriya Emerîka û dewletên mîna Israîl dihate naskirin, belê di encama pratîka wê de derket ku ew di esas û bingehê xwe de rêxistineke nîjadperest û li dijê Kurdan e. Xwiya bû û bê ku cîh ji şîkê re bimîne zelal bû ku DAÎŞ siftbûn, tîrbûn û bilaşûgewdbûneke antîkurd, zêderewiyeke kilerîkal û li dijê jinan e. Ismeîl Beşikçî jî bi pirsên li jêr balê dikşîne ser vî aliyê DAÎŞê:

Heger rast e, DAÎŞ mîna niwênerên hikûmeta AKP dibêjin "bertek e li dijê Emerîka û Malîkî" wî çaxî çima êrîşî Kobanê dike ku ne têkiliya wê bi zilma şîyan re, ne jî bi ya Emerîka û dagîrkeriya Iraqê re heye ?

Çima DAÎŞ davêje ser Kurdên ku rejîmê elewî-Ereb nasnameya wan xesp kiri ye, nade wan. Çima davêje ser Kurdên misilman û Êzdîyên mezlûm?

IŞID-DAÎŞ, bi vê êrîşkariya xwe ya bi nakok, tiştêkî îtîraf dike û dide dest. Ew jî ew e ku li dijê Kurdistanê li ser hesabê dagîrkerên Tirk şer dike.

Dawî li gora pisporên mafê mirovan, DAÎŞ rêxistineke terorîst e û hevkarîya pê re her core alîkariya wê, vekirî yan sergirtî, li gora hiqûqê navneteweyî sûc û tawan e.

Bi gotinên rojnamevan Abdulkadir Gok, DAÎŞ "bêhna goştê şewitî, bêhna xwîna kizîrî û jiyana kuştî ye"

Û nimûneyeke DAÎŞî di kirinên fermanîdar û milîtanên DAÎŞê de:

Di nav tekbîran de DAÎŞî, êrîşê dibin ser pêşmergeyên Kurdistanê û di encama şer de 3 pêşmergeyên dikevin destên êrîşkaran. DAÎŞî kincên zer yê Guantanamoyî ku pirteqalî ne li dîlên di destên xwe de dikin û bi destên kinçreşên jî çavên wan pêve tiştêkî wan yê din nexwuyaye, serê wan jêdikin.

Dema serê wan jê dikin jî milîtanekî DAÎŞê bi van gotinan ban Serokê Herêma Kurdistanê Mesûd Berzanî dike: " Ey Berzanî em mîletekî wiha ne ku hez ji xwîna dikin. Ji bo me jî xwîna herî bedew ya pêşmergeyan e".

### **Paşmêrê DAÎŞ - IŞID ê Tirkiye ye.**

Dewleta Tirk dijminê Kurdan e. Dijminekî bênavcî, keysperest, bêbav û

xwedênenas e. DAÎŞ û Işida ku baskekî El Qaîdeyê ye, piştî xwe dide Tirkîye, Siûd û Qetarê. Li pey Işidê û bêperwayîya wê li himberê Kurdan rasterasta Tirkîye, hikûmeta Erdogan û Dawidoglu hene.

Dewleta Erdogan bi du mebestan piştgirî da IŞID ê. Ya yekê ji bo xistina Bişar Esed û ya din jî ji bo rê li şoreşa Rojava bigre, ji re paşmêrî kir.

Îspatek ji îspatên di vê derbarê de jî hejmara Tirkên di nav DAÎŞ ê de ne. Li dora 2000 hizbilahên destbixwîn û qatîlên ji salên 90'î li Bakur, motorek ji çend motorên DAÎŞ'ê ne.

Serokê neteweyî ev rêxistin wek Jîtema Rojhilata Navîn bi nav kir. Sebeba harbûn û çavsooriya li dijê Kurdan bi aliyekî xwe jî li vir vedigere, ji vir bixwedî dibe.

Li gora hin çavkaniyên Rojavayî, nisbeta Tirkên di nav DAÎŞ'ê de li dora ji % 10 an e û bi gotinên nivîskarên mîna Cengîz Çandar pîrika jidayikbûna DAÎŞ'ê bi xwe jî Tirkîye ye. Bi gotineke din DAÎŞ - IŞID di himbêz û sînga Tirkîye û hikûmeta AKP de mezin bûye.

Dîsa çavkanî radigihînin, ku di nava vî çeteyê navneteweyî û jiserxweçûyî de, kêm be jî jirêderketî û raxeritîyên Kurd jî hene, heta yek ji wan bi navê nizamî çî „Elkurdî“ ku wê ne dîr be ji Huda Parê yek ji bombeçêkerên vê şebekê ye.

### **DAÎŞ Vekirî Ye ji Her Core Pêlîstin û Bikaranînê re?**

Ewil û berî herkesî hêzên navneteweyî ji bo ku li Sûriyê û li Iraqê meramên xwe bînin cîh û bighin hedefên xwe, DAÎŞ bikaranîn û bi kar tînin

Rejîma Beesiyên Sûriyeyê ji bo mixalifên xwe lewaz bike û bi ihtîmala belkî xwe ji wan rizgar bike, çavên xwe li kirinên DAÎŞ ê girtin. Heta tê zanîn ku gelek qerargehên xwe dewrî DAÎŞ'ê kirin, ew bi hêz kir û di ser DAÎŞê re û bi alîkariya faktorê DAÎŞî deshelatdariya xwe da qebûl kirin. Emerîka jî hat cihê ku vê bibêje: tercîha me îro ne Esad belê IŞID e, û ev dîtin îspat kir.

Esadê ku kesî nikarîbû wî rizgar bike, Tirkîye ew rizgar kir. Tirkîye û rejîmê behsîyê Sûrî ji heman amanca hevbeş re xizmet kirine.

Niha Tirkîye û sûriyê jî di ser DAÎŞ'ê re siyasetên xwe dimeşînin. Yek bi riya DAÎŞ'ê hebûna xwe li ser piyan radigre û yê din siyaseta xwe li Rojhilata Navîn dimeşîne. Siyaseta perçe bik û birêve bib di şertên nû de dewam dike, çember û xelekên ji şidetê tene avakirin. Ev xelek û çember jî di encamê de dikevin xizmeta sermayê, Emerîka û endûstriya



çekdarane ya yekîtiya Ewropa

### "Tu Çi di Beroşê Xî Tu dê Wî Derxî"

DAÎŞ, ber û berhemeke beroşa Rojhilatanavînê ye, bi esil û fêslê xwe zaroka vê herêma bi kirîz, nexweş û bi pirsgirêk e. Pirsgirêk û serêşên herêmê li qirikê ne, ketine ser hev û bûne zemîn ji derketina her core kom û çeteyên jîserxweçûyî.

Ne îslama deshelatdar û ne jî netewdewletên li ser kar, ji vê kirîza mezin û kûr re; exlaqî, civakî û îdeolojîk re nabin çare, nikarin bibin çare û ev jî dibe zemîna pêdebûna rêxistinên mîna DAÎŞ'ê û her rêxistineke din ji vê malbatê û bi heman zihniyetê.

Helbet di teniştê lewaziya dewletên herêmê de, nebûna îrade, mixalefeteke alternatîf û hewleke avakirina nîzameke demokratîk û di vê eniyê de, di tênekiriyên navxweyî de, hesabên Rojava ji bo midaxelekirina di Rojhilata Navîn de û ji bo vê jîhewcedariya bi rêxistineke mîna DAÎŞ'ê jî pêwîst e, bêne bibîranîn.

Kurt û kin têkiliya vê kirîzê bi pirsgirêk û problemên cîhana îslamî, bêçaretîya îslama tiradîsyonel, deshelatdar û gerdîşiyane re û ji cîhekî û pêde bi xitimîn û navnobûna El Qaîde re jî heye. Ne ecêb e ku DAÎŞ ne dûr nav û kincên xwe bughere û heman kadro bi navekî nû careke din Elqaîdetiya xwe dewam bikin.

### Nav Nû Ye, Belê Zihniyet Çend Hezar Sal Emirmende ye

Zihniyeta DAÎŞ'ê ne nû ye, di bin navên corecor de wek demareke berdewam hebû, di coxrafya îslamê de rêxistinên mîna DAÎŞ û bi amancên Panarabîzim û Panîslamîzmê tim hebûn. Doh BAAS'ê bûn, Ixwanilmislimîn bûn, El Qaîde bûn, îro jî DAÎŞ in sibe jî navekî din in.

Gotin jê re navê ku DAÎŞ - IŞÎD dirêjayî û dewama zihniyeteke emirmende bi navekî nû ye. Temenê wê du salan derbas nake. Taliban, El Qaîde, Hizbulah, El Nûsra, Huda Par, Boko Haram û IŞÎD çend navên jihevzayî, jihevveketî û ber û berhemên heman navçeya cîhana îslamî û Rojhilata Navîn in. Giş rêxistinên olî û mezhebî ne, bi navê îslamê kar dikin, hêrs û kefbidevketî, tije xezeb û devgerm in, ji desttêwerdanên derve re vekirî ne û ji awira zihnî sentezekî giş zêderewiyên neyênî, bêtoleransiyên herêmî û navneteweyî ne.

Heger em binavkirinên li DAÎŞ'ê û dîtinên li ser faktorên li pey çêbûn û derketina wê careke din gilale bikin, wê di çend xalan de rêzkirineke wiha ne dûr be ji rastiyê:

DAÎŞ, cenewarekî binhiş û di xew de bû ku destekî xwurt ew ji zîndanê berda. Hêzên midaxela Rojhilata Navîn dixwazin hewcedariya wan bi hêzeke wek DAÎŞ'ê hebû.

Ew nexweşîyeke weba û kuleke serdema me ye, ew cenewareke binerdê û di şibhetê însên de ye, Decal û Frankeştaynek e.

Barbarîyeke bê nimûne ye DAÎŞ, di nav nimûneyên hovîtiyê de nimûneyeke vê rêxistinê bide nasandin û tarîfkirin tune, her şibandin gelekî kêr û sivik dimîne.

Ew mîqrobeke, berhemeke laboratuwarî ye û ji kesên xwediyê pirsgirêkên rûhî, mirovên psîkopat, sadîst, şikencekar û ji zewqgirên ji wehşetê hatiye pê.

Rêxistinek e ku dixwaze dewleteke îslamî ava bike ku elemanên wê ji şervanên Efganîstan, Çeçenistan û Bosna-Hersek têne pê ku profesyonel û di nav hereketeke berdewam de ne. Rêxistineke destkird e ku Emerîka ji bo ku Rojhilata Navîn ji nûve ava bike, çêkiriye.

Bi çavên nîjadperest û deshelatdarên çar welatên dagîrker, Emerîka hem DAÎŞ'ê birêve dibe û hem jî dike mahneyek ji bo avakirina Kurdistana Mezin.

Rojava ji bo xwe ji giş qirêj û gemara selefîyên li Ewropa rizgar bike, cîhadîstan li deşta Sûrî û Iraq dicivîne da ku wan îmha bike.

DAÎŞ ji bo ewlekariya Israîl hatiye çêkirin ew hespekî troya û lîstikeke emperyalîzma rojava ye. IŞÎD zaroka kirîza netewdewletên li Rojhilata Navîn e û ji nav valahiya îdeolojîk û siyasî ku di encama vê kirîzê de hatiye pê çêbûye.

Li gora dijminên Kurdan û nîjadperestên Tirk û hwd. ji bo avakirina "Kurdistana Mezin" ji aliyê Emerîka tê bikaranîn. Û li gora pêşverûyên herêmê, ji bo hilweşandina alaternatîv û modelê Şoreşa Rojava bi sernekeve çêbûye.

Medya civakî bikar tîne û li gora xwe îslameke kêfî tetbîq dike. Di çarçeweya pilanekî 6-7 qonaxî de behsa dewleteke Îslamî dike û ji bo vê dewletê jî Bihuştê garantî dike. Mîna Endulujansa qirnê navê. Bi vî aliyê xwe dişibe afarozkerên serdemên berî reform û ronesansê li Ewropa.

IŞÎD- DAÎŞ, rêxistineke wiha ye ku herkesê mîna wê nafikire wek kafir îlan dike, ku kafir jî îlan kir qetla wî/wê, malê wî/wê, jin û zarokê wî/wê helal dibe.

Ji her aliyên cîhanê heydûtan berhev dike, wek gurên devbixwîn tu berdî

nav keriyên pez berdide nav xelkê bê guneh, sifil û bêçekan ketûber dikuje.

DAÎŞ'a îro ku di sedsala dawî de serê mirovan li ber kameran jê dike, bi riya medya civakî li her aliyê cîhanê bela dike, bi saxî însên binerd dike, diçîne, diricimîne, bombeyan bi stuwê pîr û mezinan daldiqîne wan diteqîne, mêrên nexweş, zarokên berşîr û bêtaqet tî û birçî dihêle, di nav îşkenceyan de ola xwe bi dîl û esîrên di dest xwe dide qebûlkirin wan biçûk dixê, telef dike, ne mikun e, bi alîkariya çend binavkirinên wek psîkopat, sadîst û kesên dilkevir bête tarîfkirin. Tarîfkirineke wiha ne ku di xwe de rastiye nagre.

Di DAÎŞê de ev damar û ev xislet xwurt in û di asteke serdest de jî xwedîrol in. Belê bi bahweriya me wê rastir û bîcîhtir be ku mirov DAÎŞ'ê û Daîştiyê wek zihniyet û mentalîteyekê bigre dest û di çarçeweyêke wiha de li vê dilkevirî û dilzingariyê bikole. DAÎŞ xelekek ji xelekên zincîreke dûr û dirêj û ya herî dawî ye ji vê mentalîte û zihniyetê.

### **Ji Doh Ber bi Îro vee Zihniyetên Daîştî û Yên Mîna Wê**

Her zihniyet xwediyê reh û rîşeyên xwe, derbasbûn û dîroka xwe ye. Di nav vê derbasbûn û dîrokê de ji diya xwe dibe, distewe, diqebile, dibe çand, rê û şewazekî birêvebirina civakê û çareserkirina pîrsgirêkan.

DAÎŞ, encam û sentezeke wiha ye. Sentezeke ku ji zihniyetên neyênî, zêderewiyên mîna, dogmatîzîm, sadîzîm, psîkopatî û bêtoleransiyên çend hezar salên dawî hatiye pê. Ji hejmarek damarên olî, bavixsalarî, deshelatdarîperest, çandî û leşkerî bixwedî dibe,

Di vê lêkolînê de em dê zêdetir têkevin pey şopên vê zihniyetê, em dê çavekî bavêjin dîroka tîkiliya wê bi deshelatdariyê û çavsorî û zilma deshelatdariyê re.

### **Ewil li ser Zihniyetê Çend Gotin û pê re Jî Çend Nimûne**

Zihniyet li derekê dikeve rê, tov û bizreke ku rasterasta tîkiliya wê bi însên re, bi rewş û şertên civakî, çandî û eskerî re heye. Encam û berhemeke ku di nav sedsal û hezarsalên dirêj de çavên xwe vedike, dibe bahwerî, şewenerîn, cîhanbînî û dawî exlaq û karekterek.

Awe û şeweyekî hiskirin, pêjinkirin û pîrr tiştên din e zihniyet, aliyên wê yên dînî, sosyolojîk, manewî û hwd. hene. Rengvedanek e unsur, damar û faktorên madî û manewî ye. Şewefêmkirin, liberketin û tesewirkirinek e.

Rêyeke fikirkirin û ramanê ye zihniyet. Corejiyaneke, têgihîştin û

tevahiyeke zewq, sitîl û hestên eskerî û sivîl e.

Coreyê çareserkirina pirsgirêk û nakokiyan û rengvedana wan di jiyane de ye. Term û têgeheke sosyo-psîkolojîk e zihniyet. Avahî û saziyeke ku girêdayê civak û çandan dibe xwediyê xweseriyên xwe û li gora kulturana û zeman tê guhertin.

Bi şax û perbûnek e zihniyet. Şetekî bifikirin ku bi sedan best, rûbar û avên hûr û mezin tên ser û giş bi hev re tiştêkî komplîketir ava dikin, tînin pê.

Zanyarî behsa zihniyetên destpêkî û seretayî, dayiksalarî û baviksalarî, dogmatîk û lîberal, erênî û pozîtîf, zihniyetên nûjen û hemdem, deshelatdarîperest û faşîst, demokratîk û hwd. dike.

Ji bo naskirina zihniyeteke pêwîst e, mirov têkeve pey damarên zihniyet ji wan bixwedî dibe, pêwîst e, mirov referensên zihniyete nas bike, bala xwe bide palik û piştekan wê. Li giş xislet û dirûvên wê binere û dawî yeko yeko li wan bikole.

Wek nimûne recma jinan, çandin û bînerdkirina jinan, firotin û tecawizkirina jinan, Jêkirina guh, poz, derxistin yan jî mîlkirina çavan /Koroglu/, zora li însên ji bo guhertina ol û mezhebên xwe, serjêkirina rojnamevanan û bi riya televizyonan belakirina wan li cîhanê, hûrkirina rojnamevan û siyasetmedarên Kurd li kolanên Amedê bi satoran, şewitandinên di zîndanên Tîrkiye û di otêlên mîna Madimak de, kuştinên bi dar û qelasan, hêrtina bedenên sax di patozan de, ji guhên gerîlayên kuştî çêkirina tizbiyan, girtina wêneyên xwe li ser bedenên serjêkirî û pesnê xwe dayîna bi hovîti û dirindeyîyê, kuştina Ozgecan Aslana Dêrsimî, her yekê bi serê xwe damarek ji damarên Daîştîyê ne.

1. Daîştî, di dîrokê de carna di sezarekî mîna Neron û Kalîgula de, carna di deshelatdarekî mîna Cengîz Xan de, di kuştina zarokên di nav lingên hespan de, di fermanên siltanên mîna Yawuz Siltan Selîm û Kuyucu Murad Paşayê bi hezaran jin, mêr û zarok bi saxî di bîr û çalan de dirizandin û hinek caran jî di nîjadperestî û şêtayetiyan ferdî de mîna yên cenewarê sedsalê Anders Breivikê Norweçî û qetlîama Timothy McVeighê Emerîkî ku wek " bombekarê Oklahoma" kete dîroka qetlîaman jiserxwe diçe.
2. Her wiha Daîştî, carna di dîroka deshelatdariya Ereba de, di bi sedan nimûneyên wek yên ji bin de birîn û vemrandina zarwên Hz. Elî û 12 ê Îmamên Ehlilbeytê de, di çavsooriya li Îmamên Mîna Ebû Henîfe de, her core wîjdan bin pê dike: Xelîfe Mensûr Îmam Ebû Henîfe, davêje zîndanê. Temenê wî 65 e. Xelîfê Îslamê Ferman dike ku rojê 10

qamçiyên li serê wî bidin û bi her roja derbas dibe re 10 qamçiyên din jî li yê roja berêtir zêde bikin. Roja 11 an ku hejmara qamçiyên derkete 110 an, Imam Henîfe nexweş dikeve, êdî hew kare biaxeve. Ser û çavên wî di nav xwîn û birînan de dimînin. Çavên wî diwerimin, guhên wî bi derbeyên qamçiyên diçirin, lêvên wî diterişin, diteqin. Di zîndanê de tî û birçî maye, qirika wî ziwa bûye, hew kare xwêziya xwe daqurtîne. Li gora rîwayetekê di zîndanê de û li gora yeke din piştî ku ji zîndanê derdikeve, sala 767 an dimire

3. Daîştî, carna di Voyvodayê ku mixalifên xwe li qazoxê dixist, di kirinên paşayên Osmanî de ku serhildêrên Kurd bi saxî davêtin nav distên avên kelandî, yan jî di cîneyên milîtarîstên mîna Enwer Paşa de ku Kurd, Ermenî û Asûrî li Sariqamişan, li ser rîyan bi komikî û bi pîlan û proje dikuştin de, carna di kesayetiyêke mîna qatîlên Dêrsim, Geliyê Zîlan, Mereş, Sêwas û Roboskî, fermanên Kurdên Êzdî de û gelek caran jî di kesayetiyên siyasetmedarên mîna Sedam û enfalên wî, di kirinên Agar, Çiler, Gureş û Erdogan de û bi taybetî di îdamên bêrawestan ji aiyê rejîmê Îranê de birih dibe.
4. Carna di şewitandina metin û berhemên bi nivîskî yê mîna Awesta de dikeve ber qeydên dîrokê. Wek nimûne Awesta di sê qonaxên dîrokî de ji aliyê sê deshelatdariyan ve hatiye şewitandin. Du caran B.Z nê di zemanê Akamenidan û Skenderê Meqedonî de û yek jî P.Z ê di zemanê Xelîfê Ereban Omer Bin Xetab de. Emer wiha ferman kiriye : Ekrad zerdeştî ne, kafir in, kuştina wan, mal, milk, jin û keçên wan helal in.
5. Carna masakir û jenosaydeke Osmanî ye li girava CIHIOS sala 1822 an li dijê Yewnaniyan.
6. Carna barbarî û hovîtiyêke ku mîna sala buhurî berê xwe ketûber li Şingalê dide Kurdên Êzdî û jiyanê li komelanên bêşûc û bêguneh, bêçek û destvala bi hûr û mezinên xwe dike doje, dike qesabxane. Yê vê dikin ne bi tenê Daîşiyên milîtan û destbiçek in, belê Ereben cîran û kirîv bi xwe ne . Bala xwe bidin gotinên Kurdên Êzdî ku ji nav lep û pencên qetlîama DAÎŞ'ê filitî ne: "Yê herî zêde em kuştin û xwîna me rijandin, li hêşirên çavên me nenerîn, dilê wan bi me neşewitî kirîvên me bûn. Bepisiyarên herî mezin ev kes bûn ku me zarwên xwe di dawên wan de sinet kirîbûn, cîranên me bûn. Kirîv û dostên me yê Erebi DAÎŞ'ê re bûn yek. Xayintiya mezin wan bi me kir. Me ev hevî ji wan nedikir". Wiha behsa tirajediya xwe kirin. "Me ji çavên xwe bahwer nekir dema bi DAÎŞ'ê re êrîş kirin ser me. Me tiştêkî wiha tehmîn nedikir, wan çogên me şikenandin. Malên me bi



ser me de hilweşandin, mal û milkê me di malên me de çi hebû talankirin, jin û zarokên me revandin, kuştin, şikence û tecawiz kirin. Dost û cîranên me yên kevin û sedsalan, Erebên em û ew bi salan di nav hev de, malên me nehîb kirin, xwîna me herikandin mîna ku me qet hev nasnekiribe, em ne dost û kirvên hev bin, me nan û av bi hev re venexwaribe."

7. Carna Daîştî di rengê dijminayetiya çandan de derdikeve pêş wek hilweşandina peykerên Bûdhayên Bamiyan li Efganistanê, hilweşandina dêrên li Mûsilê û perçekirina peykerên çendhezarsalî bi balyozan, talankirina muzexaneyê Bexdê, bêhurmetî û rêzdarî ji pîrozgehên mîna Laleş re û hwd. rû dide.

- Li Himûsê keleheke ji kelehên serdema xaçparêzan, ji sedsala 12 an.
- Cardî li heman bajarî û heman herêmê serobinhevkirina Kemera Dayika Meryem û Dêra Ümmü El Zünnar.
- Îbadetgeha Bel Palmîra.
- Li Helebê Mizgefta Bilind.
- Li Şamê û li derdora wê Mizgefta Emewiyan, Keleha Şamê, Keleha Ibnî Maal û bajarê Entîk ji serdema Roma Busra.
- Xerabkirina mizgeft û medreseyan li Xizna û li Tilmehrûf li Rojavayê Kurdistanê

### **DAÎŞ Wek Xelekek ji Xelekên Zincîra Qetlîamên Berî Xwe**

Ev dîrok heta tu bêjî bes kevin e û di lêkolîna dawî û encama encamê de, têkiliya wê bi deshelatperestîyê, hewila bindestkirin û kolekirina qewm, ol, mezheb û cinsekî ji aliyê qewm, ol, mezheb û cinsê din e, ango nasnekirina qanûnên xwezayê bi ferq û cihêyîyên xwe û xwezaya xwe ye. Ev damara DAÎŞ'î ji vê awirê nasnekirina qanûnên xweza û Xwedê ye û heger kufrek hebe jî wê ev bi xwe be. Ji vê awirê kufra herî mezin e Daîştî.

Dîroka encamên vê nexweşî û belaya hegemonîk dirêj e, tije tirajedî, nîjadkujî û xwênawî ye û heta vê bêhnîkê DAÎŞ dunde û ewladê wê ye dawî ye .

Tiştên DAÎŞ dike û doh li Şingalê, li Tilhemîs, li Rojava li dijê eşîrên sûniyên ne bi xwe re û li Kobanê kir, ango kuştina kes û komên bêparastin, kuştinên bê dilrehmî û ji ber sebebên nîjadî, olî û ferq û cihêyîyên siyasî, dikeve kategoriya jenosayd û qetlîaman. Ji xwe kuştinek jî dema bi mebestên qelandina nîjad yan jî etnîsîte, mezheb yan jî

neteweyekî be dibe qetlîam.

Cardî li gora heman daneyan DAÎŞ, li cihê kiristiyan, Êzdî, Tirkmen, şebek, Ehlil Heq, Saba û gurûbên Şîî dibîne avê li wan venaxwe û wan bi barkirin û kuştinê tehdît dike.

Ji Mûsilê 500 hezar kes koçber bûn, bê ku bi xwe re bigihin tiştêkî xwe bi xwe re birevînin.

### **Ji Arşîv û Zihniyeta DAÎŞ'î Hejmarek Nimûneyên Îro Ketine Ber Qeydên Dîrokê:**

1. Tê gotin ku Skenderê Meqedonî sala 334'an B.Z 250.000 hezar kes kuştiye ji ber ku li dijê wî derketine û jiyana wî xwestiye nepejirandine.
2. Sala 1099'an ewropayîyên kiristiyan piştî ketine Qudsê li dora 70.000 misilman û Yahûdî kuştine.
3. Cengiz Xan bi qetlîamên xwe navdar e û kesên avê li destê wî bikin di vê derbarê de kêma in. Sala 1220'an dema bajarê Semerkantê dagir kir 75.000 hezar û li bajarê Heratê jî li dora 600.000 hezar mêr, jin û zarok kuştine.
4. Sedsala salên 1400'î Draculayê III mîn ku bi navê /voyvodayê bi qazox/ ketiye dîrokî 10. Hezar mêr, jin û zarok li qazoxê xistine. Dîlên digirtin bi eziyet û bi şikenceyên gelekî bi êş dikuştin.

### **Qetlîamên Emerîka û Ingilîstanê li Dijê Çermesor û Aborjînan**

Qetlîama ewil li dijê Çermsorên Bakurê Emerîka, li herêma Filorîda îro, sala 1539 an jî aliyê Spanyoliyan tê kirin. Lisêdarêxistin û şeniqandin bi 200 kesan dest pêkiriye, ev çerxa xwînrej biger ketiye û sedsalên piştê jî awira hejmarê zêdetir û xwîna rijyaye jî bêhtir dewam kiriye.

Hernando de Soto kesê ev herêm û dever keşif kiriye qatîlê serekî ye. Hernandoyê carekê destên xwe xistiye xwîna ewqas kes vê carekê sala bi dû de li herêma Alabama hejmara binecîhên kuştiye deh qat û nîvan zêdekiriye û çardî jî çerme sorên Çoktawî 2500 kesên din daye ber gule û agir.

Di zikhev de û li ser hev jî sala Kiristof Kolomb Emerîka keşif kir û pê ve li dijê çermeSorên di ser 65 qetlîmên DAÎŞ'î hatine qeydkirin. Li ser axa Emerîka qetlîama dawî sala 1911 an hatiye pê û navê vê qetlîamê jî wek qetlîama dawî (Last Massacre) ketiye dîrokê.

Qetlîam û qirkirinên ku Spanyolî û Emerîkiyan li Emerîka û Emerîka

Latînî kirine bêhesab in. Dema Kristof Kolomb dikeve Emerîka ku sala wê 1492 ye, nifûsa binecîhên Arawaksî 8 milyon e, di nav 22 salan de ev hejmar dadikeve 28 hezaran.

Melektiya Ingilîstanê bi awayekî sîstematîk û bi proje salên di nav 1788-1938 an de 250 salan Aborjîn îmha kirine. Nexweşî xistine nav wan, jehir xistine nav xwarinên wan û ji 750 hezar aborjînên reşik bi tenê 31 hezar filitîne.

### **Elman li Rojavayê Efrîka**

Sala 1891'ê Elman li Rojavayê Efrîka li Namibya qetlîam kirine. Ketine welatê wan ji bo madeyên xam, êrîşî ser xelkê kirine, bê ferq û cihêyîya di nav temen û cins de qetlîam kirine. Ma Erdogan jî berî bi çend salan di sedsala 21'ê de nabêje zarok be, jin be, kî dibe bila bibe wê li ber çav neye girtin. Li Namîbya, yên ji qirkirin û qetlîaman xelas dibûn jî, bi şikenceyan dikuştin. Ji 132 hezar xelkê binecî 15 hezar ma.

### **Norweç Salên di Nav 1920-1930'an de**

Welatên îro ji awira demokrasî û toleransê di serê lîstê de tîn wek nimûne welatekî wek Norweç bi xwe jî ne ji zûde hê doh pêr di nav salên 1920-1930'î de hin gurûbên etnîkî bi mebestên homojenkirinê, ne bi tenê kuştine, belê bi qanûnên derxistine keç û jinên wan bi zorê xesandine, stewir kirine.

Ew wiha difikirîn ku bi vî awayî ew nîjadên xwe diparêzin. Ev di serdemên avakirina dewletneteweyan de li giş Ewropa û li welatên mîna Firensa, Ingilîstan û hwd. din hatine kirin.

### **Daîşiyên Hîtlerî û Elmanya**

Salên di nav 1933-1945 an de Elmanan ji gurûbên etnîkî yên corecor bi dehhezaran kes bi komikî û bi rêz kuştin, di kempên corecore de şewitandin, di odayên gazê de jehir dan. Rêveberiya Elmanya Hîtlerî giş nîjadên ku ji xwe nedihesibandin bi herfan îşaret dikirin û di encama vê kampanyê de ji %94 ên qereçiyên xesandin.

Wek hedefa duhem cihû hatin hilbijartin. Li Elmanya û li welatên Elmanya dagir dikirin, bi milyonan cihû hatin gulebarankirin, dalqandin, şeniqandin, şewitandin û bi jehrê kuştin.

### **Ev Qetlîam di Çend Qonaxan de Têne Naskirin:**

Ewil jidestgirtina giş mafên cihûyan ji wan û dûrxistina wan ji erk û meqamên berz, piştî Destdanîna ser mal û milkê wan û naçarkirina wan ji bo jiyana di getoyan de. Û çareseriya bi temamî û nîhayî jî komkirin û

civandina wan di kempên mirinê de û kuştina wan di odayên gazê de yan jî kuştinên bi awayên din

Di 15'ê Îlona 1935 an de dewleta Hitler "Qanûnên Nurnbergê" derxistin. Li gora vê qanûnê kesên ne ji nîjadê arî, mirovên ji sinif û polên jêrîn in û zewaca wan bi kesên ji nîjadê arî re qedexe kir.

Di Teşrîna 1938'an de sînagogên cihûyan, dikanên wan, mal û milkên wan hatin şewitandin û êdî ji vê salê û pêde bi deh hezaran cihû xistin kempan. Heman tişt faşîstan li Mereşê kirin. Di van kempan de bi dehhezaran cihû di getoyên Polonyayê de ji nêza, ji ber sermê û nexweşiyên mirin.

Dr, Yosef Mendelê navdar di febrîkên mirinê de bi sedan ceribandîn li ser bedenên cihûyan kirin. Doktorê Himmler Felix Karsten digot ku fermana Hitler e, gerek heta dawîya şer yek jî ji yahûdiyan nemîne.

Li gora lêkolînerên Holokostê ango jenosayda li dijê Yahûdiyan, hejmara yahûdiyên hatine kuştin di reqemên cihê de bilaş û gewd dibin. Li gora dîroknasê Ingilîz Gerald Reitlinger hejmara yahûdiyên mirine di nav 4,2-4,7 milyonan de ye, belê bi kitêba dîroknasê Emerîkî Raul Hilberd ku piştî 8 salan çap dibe û ji raya giştî re heşkere dibe, ev reqem derdikeve 5,1 milyonî, dîrokansekî din yê Ingilîz bi navê Martin Gilbert sala 1982 an vê hejmarê derdixê 5,7 milyonan.

Sala 1990 î arşîva Sovyet ji bo dîroknasan hatiye vekirin. Bi alîkariya van belgeyan careke din ji nû ve hejmara kuştîyan hatiye hesabkirin. Ev hesab berdewam bi derketina belgeyên nû tê guhertin

### **Jenosayda li Dresdenê.**

Emerîkî û Ingilîzên piştî şikestina Elmanya, welatê Elmanya dagîr dikin îca ew bi xwe qetlîaman dikin. Emerîkî û Ingilîzan 3 rojan bê navber bajarê Dresden ji ezmên û ji erdê bombabarkirin ku koçberên Elman xwe avêtibûn wir. Ev bombebaran bi hêrsa tohildanê hatin kirin.

3 900 ton bombeyên hêza wan yan xerakirinê zêde û 200 hezar bombeyên napalm li bajêr barandin. Di encama vê herekata tunekirinê de 200 hezar kes ku bi piranî zarok û jin bûn hatin kuştin.

Dema mirov dizane ku hejmara japoniyên di encama bombeyên atomî de li Hiroşîma û li Nagazakî hatin kuştin 135 hezar bû, mirov dikare bibe xwedîfîkrek li ser meznahiya jenosayda Dresdenê.

### **Danîmerqî Çi Tînin Serê Penaberên Elman.**

Dema Artêşa Sor, Artêşa Sovyetî dikeve Elmanya, 250 hezar Elman

direvin Danîmerka, xwe davêjin bextê cîranê xwe li Bakur. Ji sisya yek ji wan koçber û xwêniyan zarokên di bin 15 salan de bûn. Gişan di kempên dorpêckirî de kom dikin. Bi hezaran zarok û mezin di encama nexweşiyên tîfûsê, îltîhaba roviyan û zikêşê de jiyana xwe ji dest didin.

### **Qetlîama Firensa li Cezayirê**

Di nav salên 1832-1839 an de bi hezaran mirî bûn xelata Firensa ji bo gelê Cezayir. Sedsalekê piştê sala 1945'an di serhildana Sedifê de 45 Hezar kes hatin kuştin. Tablo û encamên salên di nav 1954-1962 an de jenosaydek ji mestirîn jenosaydên serdemê bû. 1,5 milyon mirî, 2 milyon û 800 hezar esîr û girtî û piştî serbixwebûnê jî di şerê navxweyî de ku ew jî dirêjayî û dewama kolonyalîzma Firensî bûn 100.000 hezar cezayîriyên din ji mirin.

### **Nîjadkujiyên Rûsya li Dijê Teter û Azeriyan ku Kurd jî Para Xwe Jê Digrin**

Di dema Şerê Cîhanî yê II. de, di serdema Stalîn de bi behaneyê ku " bi Elmanan re hevkarî kirine" gelek azerî hatin kuştin, yan jî ji ax û erda xwe hatin qetandin û sorgonî Sibîrya hatin kirin. Qetlîama li Kirimê ne di bin çend milyonan de bû. Di van salan de gelek tehde li Kurdan jî hate kirin û hejmarek kesayetiyên Kurd mîna romanivîsê navdar Erebe Şemo jî bûn sorgoniyên li ser riya Sibîrya.

### **Dewleta Bulgar, Tirk, Pomak û Qereçî**

Salên di nav 1970 î û 1989 an de hikûmeta Bulgar bi projeya bulgarîkirina etnîsîteyên cihê li dijê 1,5 milyon Tirk, Pomak û Qereçîyan kampanyake asimîlasyonê li dar xist. Dewletê navê 310 hezar Tirkên li Bulgarya bi zora polis bi navên kiristiyânî û bulgarî guhertin.

Dibistanên dersên zimanê Tirkî didan, beşên Fîlolojiya Tirk li Zanîngehan, rojnameyên bi Tirkî derdiketin û mizgeft bi fermanên dewletê hatin girtin.

Ji ber navên bi Tirkî li ser goran, gor hatin xerab kirin. Li xwekirina bi motîfên Tirkî hatin qedexekirin. Kesên ev qebûl nekirin sorgon kirin, girtin û di kempên mîna kempa Belen de kom kirin. Di encama van zext û zoran de zêdeyî 300 hezar Tirkî barkirin Tirkiye.

### **Nîjadkujiya li Dijê Boşnaqan**

Di şerê di nav 1992'an û 1995'an de di nav 3 salan de 200.000 mirov hatin kuştin. Li gora danayên Xaçê Sor ya Navneteweyî li Bosna û Hersekê 312 hezar mirov hatin kuştin û li dora 2 milyonan jî cîh û warên



xwe bicîh hiştin.

### **Qetlîama Emerîka li Felluce**

Di dema şerê li Iraqê de Li felluce 1500 sifil hatin kuştin, cesedên kuştîyan man li meydana û li rastê genî bûn, segan goştê wan xwar û 250 hezar kes ji herêmê hatin dûrxistin. Di bin navê anîna azadiyê de Emerîka li Iraqê di ser 100 hezar kesî re kuşt.

Çend nimûne jî ji etnîsîtekujiyên deshelatdarên Tirk di dema Osmanî û Komara Kemalîstî de.

### **Qirkirina Ermenî û Suryanî-Asûriyan**

Salên di nav 1914-1920 an de li Bakurê Mezopotamya û li Başûrê Rojhilata Enadolê, yekîneyên Osmanî bi zorê xelkê Ermenî, Asûrî û Kurd koçber kirin, kuştin û li ser rîyan di nav serme û berfê de telef kirin. Li gora hesabên sazî û rêxistinên, Ermenî, Asûrî- suryanî hejmara kuştîyên Ermenî li dora milyon û nîvekê û yên Asûrî-Suryanî jî di nav 270-300 hezaran de bû. Belê nîjadkujiya li dijê Suryaniyan ji ber ku bi nisbeta pêwîst nebû dabaşa lêkolînan ev qetlîama çendsedhezarkesî di bin siya lêkolînan li ser qetlîamên Ermeniyan de ma.

Sala 2007'an li gora Komela Navneteweyî ya alimên nîjadkujiyan, di nav van salên jor de harekatên li dijê minorîteyên kiristîyan wek Ermenî, Asûrî, Pontusî û Rûmî hatin lidarxistin, di wateya temam de qetlîam û nîjadkujiyeke mezin bû. Li ser ku qetlîam û jenosayd bû giş alim ghiştin heman mitabeqatê. Her wiha sala 1990'î "Genocide Watch" ragihand ku ew reda hikûmeta Tirkîye ku qetlîamên li dijê Asûrî, Ermenî û Roman qebûl nake, tesdîq nekir û nasnekir.

### **Çi hate serê Pontûsên Derya Reş li Bakurê Tirkîye**

Ji bîranînan Roman em dizanin ku hejmara Pontûsan bi gotineke din rûmên Derya reş, ji 90 hezaran dakete 1700 kesan. Di nav 18 mehan de her ji 3 Roman 2 wan Stenbol terk kir. Gelheya Roman dakete 30 hezarî û îro ev hejmar maye 1700. Ev rûm jî çendî mane rûm ew jî bi nîqaş e, ev nîjad li ber qelandinê ye.

### **Fermanên Kurdên Êzdî kirine hedef bi serê xwe dîrokek e**

Yek ji qirkirin û fermanên herî mezin li dijê Kurdên Êzdî sala 1221'ê dema Moxol dikevin Kurdistanê dicire. Salên di nav 1257-1258'an de Moxol her aliyê Kurdistanê di nav agir û xwînê de dihêlin. Şêx Şerefedînê ji malbat û bavikê Şêx Adî ye di şerekî li dijê Moxolan de şehîd dikeve.

Belê sala 1415'an Kurdên Êzdî vê carê ne li dijê Moxolan belê li dijê artêşeke hevbeş ku ji misilmanên herêmê hatiye pê, naçar dibin xwe bi parêzin. Di vî şerî de gelek Kurdên Êzdî têne kuştin, mal û milkê wan talan dibe û gora Şêx Adî jî bi erdê re dibe yek.

Wekî din bi awe û şêweyekî bênavber, Ji dawiya salên 1700'î û heta bi sala 1840'î li Kurdistanê Kurdên Êzdî têne kuştin. Di nav salên 1810 - 1840'î de ji Meletya heta bi Silêmaniyê xwîna bi sedhezaran Kurdên Êzdî hatiye rijandin. Di van salan de kesên têne kuştin ji asûrî û ermeniyan zêdetir Kurdên Êzdî ne.

Di salên 1820'an de li Deşta Garzanê, heta bi Sêrtê li herêmên Qurtelan, Eruh, Beşîrî, Batman û Kozlukê 360 gundên Êzdiyan têne hilweşandin. Kurdên Êzdî çendî karîbûn û ji dest wan dihat ji leşkeriya Osmanî direviyan. Lewra ji bo Êzdiyan leşkeriya ji Osmaniyan re derketina ji ola xwe û xayintîbû. Her wiha tê zanîn ku dewletê bi alîkariya Alayên Hemîdiye jî gelek caran Şingal dane ber top û guleyan.

Çend qetlîam û ferman jî wiha didin pey hev: Qetlîama Waliyê Amedê Ehmed Paşa (1640-1641), ya salên di nav 1647-48'an li Şêxanê, ya 1715'an, qetlîama Silêman Paşa salên 1752-1754 li Şingalê, ya Emîn Paşa salên di nav 1767-1768'an de û heta salên 1800'î bi sedhezaran Kurdên Êzdî hatin kuştin.

Belê qetlîama di zamanê Bedîrxan Paşa de sala 1832'an mezin e û êşa wê çend qat e. Gelek ji van qetlîaman jî ji ber wê bû ku Kurdên Êzdî ola xwe nedughertin û çanda xwe terk nedikirin.

Dawî jî li Şingalê Kurdên Êzdî ketin ber şapeya DAÎŞ'ê. Li Şingalê çiqas nîrxên mirovatîyê hene tev hatin perçiqandin; biçûk, mezin, jin mêr, bi hezaran Kurdên Êzdî hatin kuştin, bi sedhezaran mirov, tî, birçî ji warên wan hatin koçberkirin. Di rîyan de zarokên li ber pêsîran fetîsîn, dê nikarî li weledê xwe bibe xwedî, ji tîrsa, keç û bûkan xwe di zinaran de avêtin. Welatek bi pîrozgehên xwe ve hat dagîrkirin û wêrankirin. Bi kurtayî DAÎŞîyan her tiştê Xwedê heram kiriye tev li xwe helal kirin û ev giş jî li ser navê Îslamê kirin.

Şerên li dijê Ereban, êrişên Moxolan misilmankirina bi zorê, hejmara Êzdiyan sistematîk kêmkirî. Bi pêşdarazên ku Êzdî tariqetêke îslamî-muawîyeyî ne û baweriya wan bi melekên xirab heye, Êzdiyan gelek neheqî dîtine û ev jî bûne sebebên bêtoleransî, dilkevirî û her core mubahî li himberê Êzdiyan.

Ji bo şerê desthilatdariyê li Kurdistanê ji aliyê împêratoriya Osmaniyan û Farisan ve teqrîben 1.2 milyon Êzdî heta îro hatine kuştin û 1.8 milyon bi

zor û kotek kirine misilman. Ji ber van sedeman û sedemên din Êzdiyan xwe li gund û çiyayên Kurdistanê ji dinyayê heta sedsala 20'an îsole kirin ku di encama vê de jî dinya û di nav de gelek Kurd jî li ser bîr, bawerî û civaka Êzdiyan ne xwedîyê agahdariyan beş in.

### **Ebû Siêrd El Îmadî : Miftiyê dijminê qewmê xwe**

Ebû Siêrd El Îmadî bi eslê xwe Kurd e. Navê wî yê eslî Ehmed bûye, lawê Mistefa, ji Kurdên Amediyê ye. Sala (1472) ji dayîk bûye, 86 salan jiyaye. Di nav hiyerarşiya dewleta Osmanî de derketiye cîhekî pir bilind. Ji Siltanên Osmanî re, ji Sultan Qanûnî û Sultan Slêmanê Duyemîn re miftîti kiriye. Şaîrekî naskirî û ji navdarên serdema xwe ye. Bi fetwa xwe ya li dijê beşek ji qewmê xwe ketiye dîrokê. Di fetwa wî de ev rêzên li jêr jî hene. Ferqa wî ji Ebûbekir Bexdadî û emîrên DAÎŞê nîne. Ew jî niwêner û damareke zihniyeta DAÎŞê ye. Çend rêz ji fetwa vî xwedênenasê DAÎŞê:

Yê wan (Êzdiyan) bikuje xazî ye, yê bi destê wan bê kuştin jî şehîd e. Şerkirin li dijê wan, cîhad e. Ji ber ku Êzdî kafir in, ji kafiran jî kafirtir in. Kuştina wan di her çar mezheban de jî helal e. Cîhada li dijê wan ji îbadetê jî xêrtir e. Ji hev qetandina wan, pirt û belavkirin û kuştina wan û serokên wan, ji erk û ferzên olî ne. Hakim û walî gerek piştgiriya şerê li dijê Êzdiyan bikin. Heq heye mêrên Êzdiyan bêne kuştin û jin û zarokên wan wek yê giş kafiran li sûk û bazaran bêne firotin û jinên wan helal in li misilmanan. /Eskerê Boyik/

### **DAÎŞtiyeke ku Siltan Fatihê Osmanî kir qanûn: qetla kur û biran wacib e**

Qetla kur û bira bi Yildirim dest pê kir, bi Fatîh bû qanûn û di serdema Yawuz Siltan Selîm de wergeriya qetlîama kur, bira, Elewî û Kurdan.

Ev qanûn, ango qanûna kuştina kur û biran salên dawî li Tirkîye girêdayê filmê "Muhteşem Yüzyil" demeke dirêj bû dabaşa nîqaşan û ev nîqaş hê jî bi temamî bi dawî nebûye. Bi taybetî xeniqandina Şehzade Mistefa kurê Qanûnî Siltan Silêman li ber çavên bavê wî û bi fermana wî ji aliyê heft celadên kerr û lal, her mirovê hinekî xwedî dil, hejand û kêr zêde li cem bû sebaba hêrs û nerehetiyekê.

Li gora dîtin û zihniyeta dîroknasên di bin bask û perên dewletê de kuştina kur û biran ji bo mayîndetî û jiyana dewletê pêwîst bû. Li gora vê nerîn û mentalîteyê dewlet, berî her kesî û hertiştî tê, dewlet di ser her xelk, etnîsîte û koma civakî re ye. Zihniyeta dibêje "ewil dewlet û piştîre însan" îro jî di nav piraniyeke mezin ji siyasetmedar, "rewşenbîrên" Tirk de zihniyeta serdest e.

Li gora vê zihnyetê ev fedekariyeke mezin bû ji aliyê siltan û paşayên Osmanî. Li tu welatên din yê cîhanê bi vê nisbet û hişkiyê kuştina kur û bira nehatiye dîtin ku xanedanek wiha ji bo berjewendên deshelatdarîyê, text û tacên xwe kur û birayên xwe feda bike. Ev "fedekarî "bi tenê siltanên Osmanî krine". Bi gotineke din ev kuştin meşrû ye, aqlane ye, di cîhê xwe de ye û evên wiha difikirin hejmara dikevin ber qetla wacib zêde dikin.

Li gora wan, lidijderketina dewletê guneh û qedexe ye. Ev qanûn ji aliyê deshelatdarên Erebb û Osmanî hatiye danîn. Dualî bi Piştgiriya hedîsên corecor û biryarên deshelatdaran hatiye teqwiye kirin û bûye mîna tabûyeke qirnê navê. Dewlet jiyan û mayindetiya dewletê di asteke zêderew û fenatîk de heye. Wezîfa bikaranîna zorê karê dewletê û mafê dewletê ye. Rîayetnekirina ji vî mafê dewletê re guneh e, serîrakirina li himberê Xwedê, quran û hedîsan e. Piştî ev zihniyet di sedsala XX an dibe faşîzm û li seranserê Ewropa bela dibe ku dibe sebeba 40 milyon kuştî û bi tirilyonan dolar xesara madî.

Cardî li gora piştgirên vê qanûnê û niwênerên heman zihniyetê, ji ber ku berî Osmaniyan dewletên din yê Tirk erda dewletê di nav zarwên xwe de par vedikirin piştî demekê perçe dibûn û ji navê radibûn. Rewşa dewletên Selçûkî û yê din wiha bû. Wek nimûne ji ber ku piştî mirina Skenderê Mqedonî Selûkiyan erda xwe de di nav zarwên xwe de beşkiribûn împeratoriya wan zêdeyî 200 salan dirêj nekir. Belê bi alîkariya vê qanûnê Osmanî 621 salan man û sebab jî ev biryarnama û qanûnname birakuj û kurkuj bû. Li gora vê zihniyetê, Siltan ne ji ber kîneke şexsî, kur û birayên xwe dikuştin belê ev bicîhanîna erkekî olî û dewletî bû. Heger di dîroka Osmaniyan de mîna ku di dîroka milletên din de dihate dîtin şerên mezin yê navxweyî û şerên navxanedanî nehatine pê, bi saya vê qanûnê bûye.

Di hiqûqê Osmaniyan de welîahtî û sîstemê werasetê tunebû. Kî wê bê şûna Siltan ne diyarbû, meseleyeke bi rîsk û şewequmarek bû, girêdayê şens bû, her kesî xwe ji text re amade dikir.

Li Ingilistanê û li Firensa weraset hebû. Beşek ji şerên li Ewropa jî şerên di nav malbatên xanedanan de li ser werasetê û text û tacê bû. Di dîroka îslamê de jî tiştên wiha hebûn. Ev mesela siyasetê ye, piştî pêxember jî nakokî derketin û xelîfe Ebûbekir ne tê de belê hersê xelîfeyên din ango Emer, Osman û Elî bi kuştin çûn. Yê herî baş ev pirsgerêk çareser kirin Osmanî ne li gora dîrok nasên Tirk. Gelek ji zana, alim û dîrok nasên îro bi vê qanûna qetla bira û kuran wacib kiribû serbilind in. Di esas û bingehê xwe de ev canîti ye. Belê li vir guneh û sûcê aliman mezin û

giran e, kesên fetwa dane ew in. Zarokên di pêçek û dergûşan de jî di nav de dema hatine kuştin û xeniqandin piştî xwe dane fitû û destûrên Sêxulîslam û ulemayên li derdora wan.

Dewleta Osmanî ji serpêhatî û perçebûnên împeratoriya û dewletên berî xwe ders derxistine û di encama dîraset û lêkolîneke berfireh de gihiştîye biryara ku di zemanê Fatih Siltan Mehmet de kiriye qanûn. Ev qanûn pêwistbû bihata derxistin yana wê împeratoriya Osmanî ewqas qirn dewam nekiriba.

### **Girêdayê mezinbûn û firehbûna deshelatdariyê, zihniya Daiştî jî ewçendî bêperwa û sînornenas dibe**

Deshelatdarî çendî mezin û freh bûye, ewçendî jî hêrs, xezeb û nexweşîya deshelatdariyê jî mestir bûye û girêdayê vê jî bi heman nisbetê xwîna zarok û biran ku bi destê deshelatdarê li ser kar hatiye rijandin jî wiha zêde bûye, bûye mîna lehiyê.

Qanûnî Siltan Silêman ku xwe mîna siha Xwedê li ser erdê binavkiriye ji bo xatirê deshelatdariya xwe zarokên xwe bi xwe yeko yeko dane kuştin. Ewil Mistefayê şehzade kurê Mahidevran, piştî bi fikara ku dibe ku rojekê tola xwe hilînin kurê Mistefa yê biçûk û jina wî jî kuştine. Bi dû wî de Cîhangîr kurê Hurem Siltan ji ber êşa birayê xwe Mistefayê ku hate xaniqandin û ji qehra wî re ew jî beheçî ye.

Vê carê di nav kurên wî Selim û Beyazî de li ser kî têkeve şûna bavê xwe şer derketiye. Di şer de zora Beyazî çûye û Beyazî reviyaye Iranê, xwe avêtiye bextê Şahê Iranê Tahmas. Qanûnî kurê xwe ji Iranê daye anîn û piştî dawî li jiyana wî aniye. Bi dû de jî neviyên xwe Orhan, Osman û Abdullah dane xeniqandin.

Berî Qanûnî Jî qetlîamên navxweyî navmalbatî bûne. Osman Gazi damezrênerê împeratoriya, apê xwe Dundar Beg, Muradê I ê Hudagenivar kurê xwe Savci û du birayên xwe, Yildirim Beyazî çar kurên xwe, Mehmet Çelebi birayên xwe, Muradê II. Ap û sê birayên xwe Beyazîdê II. birayê xwe Cem Siltan û kurekî wî, Fatih Siltan Mehmedê ku Tirkiye ewçendî pesnê xwe pê dide birayê xwe yê dusalî bi navê Ehmed û herdu wezîrên xwe Çandarli Xelil Paşa û Mehmûd Paşa kuştin. Qanûnî kurê din yê Cem Siltan, Yawuz Siltan Selim bavê xwe, du birayên jî xwe mestir, 6 birazî û 3 wezîrên xwe kuştine.

Muradê III. Derdikeve ser text û bi derketina xwe re 5 birayên xwe dide xeniqandin û fetisandin. 100 zarokên wî çêbûne 53 ji wan hê dema ew sax e mirine.



Ji xwe Mehmedê III. ( 1595 -1603) Naye hesêb bê çend bira kuştine. Dema tê ser text ji 47 xwuşk û birayên xwe 19 an ji wan dixeniqîne. Her wiha kurê wî Şehzade Mehmûdê 16 salî jî hatiye kuştin. Osmanê II. Birayê xwe, Mehmedê IV. pîrka xwe Kosem siltan û Osmanê III. jî biraziyê xwe kuştine.

### Encam û gotina dawî

Ev bi tenê çend nimûne ne ji DAÎŞtiya deshelatdarên Osmanî û bapîrên Kemal, Evren û Erdogan. Zihniyeta ji bo deshelatdariya xwe, kuştina kur û biran jî di nav de her kuştinê wacib û mubah dibîne û vê dike qanûn, wê çi neyîne serê gel, etnîsîte, çand, ziman, mezheb û olên di bin destên xwe de!!

Kesên, ji pêçekê heta bi mirinê di nav petaxeke wiha de û bi dîrokeke wiha perwerde bûbe, ne mikun e ji ferq û cihêyîyan re, ji deng û rengên cihê re rêzdar û bi tolerans be. Ne ecêb e ku Erdogan ji êzingên Iblîs naye xwarê û her "êzingên min " dibêje.

Kesên dibe serwextê ewqas qetlîam û xwînrejîya zarok, nevî, ap û birazî bivê nevê di serê wî/ wê de pirseke wiha çêdibe:

Deshelatdarên împeratoriyeke 6 qirnan deshelatdarî kiriye li cîhanê, gelo siltanên wê li vê dinyayê ne qatîl û li dinyaya din jî ne cehenemî ne ?

Ev pirs bila li bendeyî bersiya xwe be, lê yeke zelal û diyar heye ku hêrs û nexweşiya dewlet û deshelatdariyê dema bi hezkirina bira, ewlad û civakê re tê miayesekirin di mêzênê de fera giran deshelatperestîye.

Kultura dirêjayî û dewama kultura siltanên Osmanî bi biryara rakirina wê bi dawî nebû. Wek çand û gerdîşek ma. Ji xwe Kultur tevahiya exlaq, hiqûq, huner, gerdîş û tiradisyonane û di nav zeman û qonaxên derbasbûyî û îro de zincîrek e, şêwe û awayekî çareseriya pîrsgirêkane.

Xelekek ji xelekên vê zincîrê jî Itîhad û teraqî ye ku dirêjayî û dewameke heman çandê ye. Paşayên bi navê Enwer, Talat û Cemal, zarwên biyolojîk nebin jî dûndeyên Fatîh, Qanûnî, Yawûz û hwd. din in. Ji xwe pesnê xwe bi wan didin. Jîtemî, Turk Intikam Birliği Teşkilatî, Hizbulahî û hwd. din jî , kujeên failên wan ne diyar jî neviyên heman zihniyetê ne. Kesên zarwên xwe dikujin wê çawa avê li ermenî û Kurdan, suryanî û pontûsan vexwin.

Li welatên zihniyet û perwerde xwediyê dîrok û derbasbûneke wiha li dora 600 salan e, lidarketina qetlîamên Ermenîyan, Asûrî-suryaniyan, Kurdan li Dêrsimê, Geliyê Zîlan, Sêwas, Mereş, Gazî, Helebçe, Roboskî, Şingal û hwd.wê bûyerên ji rêzê bin.

Û qetlên wacib jî ne yek û dudo û bi tenê doh belê îro jî wê zehf bin. Li cihê qetla kur û biran wacib bûbe, kinêsa ehlibeytê ji binî de hatibe birîn, vampîrên mîna Hindê kezebên xav xwaribin, enfalên çendsedhezarkesî hatibin pê, wê qetla mixalif û cihêfikran jî, elewî û Êzdiyan jî, ermenî û suryaniyan jî, kesên limêj nakin. Ji " dîn derdikevin", koletiya mêr qebûl nakin jî wacib û helal be. Wê eskerek jî li eskeriyê eskerekî din ji ber ku elewî ye bikuje, mamosteyek ji aliyê mamosteyên din bê hermolokirin û afarozkirin ji ber ne sunî ye, wê li ser deriyê hin malan jî îbareyên wiha bêne nivîsandin: "elewiyan kafir werin rê". Wê li Adiyemanê û Erzînganê mîna li Mereşê bû malên elewiyan bêne îşaretkirin û wiha wê bê nivîsandin: " elewiyan kafir werin ser rê, yana em dê we bişewitînin"

هه‌و‌النّامه‌ی کتێب